

CONSTITUTIONES

A C

DECLARATIONES

CONGREGATIONIS MONACHORUM
REFORMATORUM

S. BERNARDI

Ordinis Cisterciensis

In Regulam Sanctissimi Patris Nostri

BENEDICTI

ABBATIS

A Capitulis Generalibus annis 1693. & 1696.
recognitæ, & approbatæ.



ROMÆ ANNO JUBILÆI MDCC.

Ex Typographia Antonii de Rubeis.

SUPERIORUM PERMISSU.

CONSTITUTION

DECLARATION

OF INDEPENDENCE

1776

THE UNITED STATES OF AMERICA

DO hereby declare their independence

of Great Britain

and that they are free

and independent States

of all other Kingdoms

States and Princes

and that they have full power

to do so

in the name of the People of the United States


in Congress assembled

September 17th 1776

INDEX CAPITUM

REGULÆ

S. BENEDICTI



D <i>E generibus, vel vita monachorum .</i>	
<i>Caput. I.</i>	6
<i>Qualis debeat esse Abbas . Cap. II.</i>	9
<i>De adhibendis ad consilium fratribus .</i>	
<i>Cap. III.</i>	28
<i>Quæ sunt Instrumenta bonorum Operum .</i>	
<i>Cap. IV.</i>	30
<i>De Obedientia . Cap. V.</i>	32.
<i>De Taciturnitate . Cap. VI.</i>	34
<i>De Humilitate . Cap. VII.</i>	36.
<i>De Officiis divinis in noctibus . Cap. VIII.</i>	38
<i>Quot Psalmi dicendi sunt nocturnis horis .</i>	
<i>Cap. IX.</i>	39
<i>Qualiter Æstatis tempore agatur nocturna</i>	
<i>laus . Cap. X.</i>	ibid.
<i>Qualiter Dominicis diebus Vigilia agantur .</i>	
<i>Cap. XI.</i>	ibid.

<i>Quomodò Matutinorum solemnitas agatur .</i>	
Cap. XII.	40.
<i>Qualitèr privatis diebus Matutini agantur .</i>	
Cap. XIII.	ibid.
<i>Qualitèr in Natalitiis sanctorum Vigiliæ agantur .</i>	
Cap. XIV.	41
<i>Quibus temporibus dicatur Alleluja .</i>	
Cap. XV.	ibid.
<i>Qualitèr divina opera per diem agantur .</i>	
Cap. XVI.	ibid.
<i>Quot Psalmi per easdem horas canendi sunt .</i>	
Cap. XVII.	43
<i>Quo ordine ipsi Psalmi dicendi sunt .</i>	
Cap. XVIII.	ibid.
<i>De disciplina Psallendi .</i>	ibid.
Cap. XIX.	
<i>De Reverentia Orationis .</i>	44.
Cap. XX.	
<i>De Decanis Monasterii .</i>	45
Cap. XXI.	
<i>Quomodò dormiant monachi .</i>	
Cap. XXII.	
pag.	49
<i>De excommunicatione culpariũ .</i>	Cap. XXIII. 52
<i>Qualis debeat esse modus excommunicationis .</i>	Cap. XXIV. 56
<i>De gravioribus culpis .</i>	Cap. XXV. 58.
<i>De his , qui sine jussione Abbatis junguntur excommunicatis .</i>	Cap. XXVI. 61
<i>Qualitèr debeat esse sollicitus Abbas circa excommunicatos .</i>	Cap. XXVII. ibid.
	De

*De his , qui sapiùs correpti non emendave-
rint . Cap. XXVIII. ibid.*

*Si debeant iterùm recipi fratres exeuntes de
monasterio . Cap. XXIX. 66*

*De pueris minori etate , qualiter corripian-
tur . Cap. XXX. 68*

*De Cellerario monasterii qualis sit .
Cap. XXXI. ibid.*

*De ferramentis , vel rebus monasterii .
Cap. XXXII. 71*

*Si quid debeant monachi proprium habere .
Cap. XXXIII. 73*

*Si omnes æqualiter debeant necessaria acci-
pere . Cap. XXXIV. 77*

*De Septimanariis coquinæ . Cap. XXXV.
pag. ibid.*

De infirmis fratribus . Cap. XXXVI. 78

*De senibus , vel infantibus . Cap. XXXVII.
pag. 79*

*De hebdomadario Lectore . Cap. XXXVIII.
pag. 80*

De mensura ciborum . Cap. XXXIX. 83

De mensura potus . Cap. XL. 85

*Quibus horis oporteat reficere fratres .
Cap. XLI. 86*

*Ut post Completorium nemo loquatur .
Cap. XLII. 88*

De his , qui ad opus Dei , vel ad mensam tar-
dè occurrunt . Cap. XLIII. 89

De his , qui excommunicantur quomodò satis-
faciant . Cap. XLIV. 91

De his , qui falluntur in oratorio . Cap. XLV. ibid.

De his , qui in aliis quibuslibet rebus delin-
quunt . Cap. XLVI. ibid.

De significanda hora operis Dei .
Cap. XLVII. 94

De opere manuum quotidiano .
Cap. XLVIII. 95

De Quadragesimæ observatione .
Cap. XLIX. 97

De fratribus qui longè ab oratorio laborant ,
aut in via sunt . Cap. L. ibid.

De fratribus , qui non satis longè proficiscun-
tur . Cap. LI. ibid.

De oratorio monasterii . Cap. LII. ibid.

De hospitibus suscipiendis . Cap. LIII. 98

Quod non debeat monachus literas , vel eulo-
gia accipere . Cap. LIV. 100

De vestimentis , & calceamentis fratrum .
Cap. LV. 102

De mensa Abbatis . Cap. LVI. 105

De Artificibus monasterii . Cap. LVII. 106

De disciplina suscipiendorum fratrum .
Cap. LVIII. 107

De

<i>De filiis nobilium, vel pauperum, qui offeruntur. Cap. LIX.</i>	122
<i>De Sacerdotibus, qui voluerint in monasterio habitare. Cap. LX.</i>	123
<i>De Monachis peregrinis qualiter suscipiantur. Cap. LXI.</i>	ibid.
<i>De Sacerdotibus monasterii. Cap. LXII.</i>	124
<i>De ordine Congregationis. Cap. LXIII.</i>	128
<i>De ordinando Abbate. Cap. LXIV.</i>	130
<i>De Præposito monasterii. Cap. LXV.</i>	133
<i>De Ostiario monasterii. Cap. LXVI.</i>	135
<i>De fratribus in via directis. Cap. LXVII.</i>	
<i>pag.</i>	138
<i>Si fratri impossibilia injungatur. Cap. LXVIII.</i>	
<i>pag.</i>	139
<i>Ut in monasterio non præsumat alter alterum defendere. Cap. LXIX.</i>	ibid.
<i>Ut non præsumat quisquam aliquem passim cedere, aut excommunicare. Cap. LXX.</i>	
<i>pag.</i>	ibid.
<i>Ut obedientes sint sibi invicem fratres, Cap. LXXI.</i>	141
<i>De zelo bono, quem debent habere Monachi. Cap. LXXII.</i>	ibid.
<i>De eo, quod non omnis observatio justitiæ in hac sit Regula constituta. Cap. LXXIII.</i>	ibid.

INDEX CAPITUM

CAPITULI GENERALIS.

<i>Quid sit Capitulum Generale, & quæ ejus potestas. Cap. I.</i>	145
<i>De iis, qui sunt in Capitulum conventuri. Cap. II.</i>	146
<i>Quid observandum sit in unoquoque monasterio tempore Capituli. Cap. III.</i>	149
<i>De tempore, & loco celebrandi Capituli. Cap. IV.</i>	151.
<i>Quid in primo confessu Capituli fieri conveniat. Cap. V.</i>	152
<i>De electionibus in eodem primo confessu faciendis. Cap. VI.</i>	156
<i>De aliis electionibus in secundo confessu faciendis, & quæ sit Definitorii authoritas. Cap. VII.</i>	159
<i>Qua ratione in singulis confessibus negotia tractanda sint Cap. VIII.</i>	162
<i>De electione Abbatis Generalis. Cap. IX.</i>	166
<i>De electione Seniorum Assistentium, & de Superiorum absolutorum scrutinio. Cap. X.</i>	171
<i>De electione Visitorum generalium, Procuratoris generalis, Visitorum provin-</i>	<i>cia-</i>

*cialium, & aliorum cujusque monasterii
Superiorum. Cap. XI.*

172

De ultimo Confessu, & clausula Capituli.

Cap. XII.

174.

Commissione, ac mandato Reverendissimi
Patris, ac Domini D. Ioannis Mariæ à
S. Florido Congregationis Reformatorum San-
cti Bernardi Ordinis Cisterciensis Abbatis Ge-
neralis, Nos subsignati Assistentes conjunctim
has presentes Constitutiones cum suis correctio-
nibus, additionibus, & expunctionibus, attentè
vidimus, & diligenter examinavimus; cum-
que eas cum Originalibus Capitulorum Genera-
lium Decretis summo studio, parique diligentia
contulissent, nihil in eis, vel additum, vel
expunctum, sed correctum animadvertimus,
quod eorundem Capitulorum Decretis conso-
num non sit, aut non fideliter expressum. In-
quorum fidem has presentes fecimus, & sub-
scripsimus. Ex Monasterio Sancti Bernardi
de Urbe hac die 13. Novembris 1699.

D. Ferdinandus à S. Ignatio Assistens Primus.

D. Joannes Franciscus à S. Bernardo Assistens
Secundus.

Imprimatur.

Si videbitur Reverendiss. Patri Mag. Sac.
Pal. Apostolici.

*Domin. Bellis. de Bellis Episc. Melpheeten.
Vicesgerens.*

Imprimatur.

Fr. Gregorius Sellari Mag. & Soc. Reveren-
diss. Fr. Paulini Bernardini Sac. Pal. Ap.
Mag. Ord. Præd.

PRÆFATIO

IN CONSTITUTIONES.



UM multæ olim rationes sapienter initæ fuerint à primis Ordinis nostri Cisterciensis Patribus, maioribus nostris, hoc est, à Beato Stephano tertio Abbate Cisterciensi, à Sancto Bernardo Abbate Claravallensi, aliisque, qui tunc erant ex eadem familia, & disciplina, quibus concordiam, & consensionem in suscepto instituto religioso, quibus inter se conjuncti erant, inviolatam conservarent: tùm illud præcipuè summo consilio ab iis factum esse memoriæ proditum est, quod ritus, & instituta vitæ regularis in omnibus Ordinis sui cœnobiis eodem modo servanda proposuerunt: ex quo necesse esset, ut in omni parte disciplinæ monasticæ summè concordēs, atque uniformes existerent. Cùm enim Regula Sancti Patris Benedicti ad complures observantiæ rationes accommodari possit, ipsique è Cistercio profecti in plura jam monasteria quaquaversum fundi, & propagari divina benignitate cœpissent, ex nonnulla varietate, quæ inter ipsos jam irrepserat, facile intellexerunt, nisi nascenti dissimilitudini maturè occurreretur, brevi fore, ut illa consentiens, & conspirans disciplinæ concordia, qua unanimes, & tanquam unius moris in domo uno ore glorificabant

Deum , & serviebant ei humero uno , quotidiana varietatum accessione , divelleretur , & concideret . Itaque mali hujus avertendi causa , prudenti cautione , convocato Generali Capitulo , cui præstanti religione Abbates interfuerunt , cùm in unum coïvisserent , Chartam , quæ dicitur , Charitatis confecerunt , aliaque multa decreverunt , quæ cùm in omnibus monasteriis eorum eodem modo servarentur , ipsi hoc quasi vinculo connexi pulcherrimam illam tùm rituum , & institutorum , tùm animorum , & voluntatum concordiam , & unionẽ perpetuò retinerent , & quasi in unum coalescerent . Quo tanquam domestico exemplo admoniti nos eorum posterì , & filii , quamvis hoc nomine haudquaquam digni , cùm eandem illam rituum , animorumque consensionem , & concordiam , sine qua Congregatio monastica stare nulla potest , sartam tectam inter nos conservare cuperemus , illorum vestigia persequentes , atque adeò omnium Ordinum , & Congregationum regularium consuetudinem tenentes , faciendum nobis esse duximus , ut Constitutiones Regulæ Sancti Benedicti , nostroque instituto consentaneas ab omni Congregatione observandas conderemus , & literis consignaremus . Dedimus autem operam , quantum in nobis fuit , ut eæ cum sinceritate Regulæ quam maximè consentientes , cum veterum etiam Patrum Cisterciensium simplicitate , religione , & sanctimonia congruerent . Nec verò parum confidimus eas Constitutiones omnibus , qui in hac Congregatione erga perfectionis spiritualis institutum optimè fuerint animati , cum magno ad eam adipiscendam usui , præsidioque futuras , tùm maximæ suavissimæque voluptati ,

luptati, & quod caput est, certissimæ salutis.

2. Illud autem primò positum à nobis sit, generatimque semel constitutum, non esse consilii, mentis, aut intentionis nostræ, quemquam, qui contra Decreta, aut instituta hæc commiserit, ad ullam pœnam earum, quæ hic constituuntur, obligare, nisi cum Superior ejus eam pœnam ei nominatim ob culpam admittam indixerit: excepto tamen, si in Constitutione scriptum sit, ejus culpæ reum pœna in Constitutione addita ipso facto teneri.

3. Sed nè ad peccatum quidem, aut mortale, aut veniale volumus harum Constitutionum violatione quemquam obligari, nisi propter votum, quo se fortè aliquis ad id nominatim devinxerit, aut propter contemptum, aut si aliud jus, vel causa, aut etiam præceptum Superioris in virtute sanctæ obedientiæ factum intercesserit.

4. Hoc autem genus præcepti cum rarissimè, & in re magni momenti tantum adhiberi debeat, in literis dumtaxat obedientialibus dandis usurpari possit à quovis Superiore. Abbas Generalis prætereà ubi, & quando necessitas exegerit, eo uti non possit, nisi cum Assistentium, & Procuratoris generalis præsentium consilio.

5. Hac eadem facultate Visitatores in actu visitationis tantum potiantur, & Visitatores Provinciales, quoties necessitas occurrerit. Qui omnes hac in re, dum, scilicet, sunt in actu visitationis, graviores Patres monasterii, in quo erunt, in consilium adhibere teneantur.

6. Liceat & Superioribus localibus pro aliqua contumacia celeriter comprimenda uti hoc præcipient-

di modo, Seniorum monasterii adhibito consilio in scriptis. Subscribatur autem præceptum hujusmodi tum ab ipsis, à quibus fit, tum ab iis, quorum assensu approbatum fuerit.

7. Prætereà licere volumus Superioribus monasteriorum, adhibitis in consilium Senioribus sui cujusque monasterii, cum fratribus suis, aut etiam cum seipsis, in iis, quæ pertinent ad disciplinam, & ad communem victum ad tempus dispensare. Eamque dispensationem pro rei necessitate repetendi, ac renovandi, non tamen perpetuandi, nec toti conventui tribuendi, nisi gravissima, manifesta que necessitas coegerit, facultatem damus. Quod cum facient, ea religione, & timore Dei faciant, ut appareat eos ad id consilium non propensa voluntate delapsos, sed mera necessitate pertractos esse. Et in rebus gravioribus consulant Abbatem Generalem, aut Visitatorem Provincialem. Cumque desierit causa dispensationis, desinat etiam dispensatio.

8. Quod si quis de his Constitutionibus pertinaciter disputaverit, aut de iis detrahendi causam cum quovis homine contumeliosius locutus fuerit, is primò quidem admoneatur, sicut fraternæ correctionis ordo postulat. Deindè verò publicè objurgetur coram omnibus in capitulo. Postremò si hæc illi non profuerint ad emendationem, præter alias pœnas ab ipsius Superiore erogandas, ipso facto privatus sit activa, & passiva voce per quadriennium, silentiumque servet per mensem. Quam tamen pœnam, si resipuerit, liceat Superiori cum Seniorum monasterii consensu imminuere.

9. Porro si quid in his Constitutionibus, aut aliis
 carum

earum præscripto condendis ambiguum, aut obscurum repertum fuerit, ejus interpretatio ad Capitulum Generale pertineat, ex majoris partis eorum, qui convenerint, sententia definienda. Quod si necessitas postulaverit, ut ante tempus habendi Capituli ea obscuritas explanetur, Abbas Generalis cum assensu seniorum Assistentium, & Procuratoris generalis interea quid sequendum sit, constituat: ita tamen, ut postea tota res ad Capitulum Generale referatur, vel confirmanda, vel improbanda.

10. Nè autem inutilis, & supervacanea congeries Constitutionum fiat, harum Constitutionum decreto abrogamus, antiquamus, nulliusque roboris esse volumus quascunque alias ante hac factas in hac Congregatione Constitutiones. Et cum in posterum aliquid novi in Congregatione constitutum fuerit, id decretum edictumque esse, & vim Constitutionis habere tum demum intelligatur, cum ab uno, & altero Capitulo, nullo alio Capitulo interjecto, continuatis, ex majoris partis convocatorum Patrum sententia decretum, approbatumque fuerit. Et id quidem post prius horum Capitulorum observetur tanquam ordinatio; post alterum autem constitutio habeatur. Eademque ratio servetur in quacunque Constitutione, sive ex toto, sive ex parte abroganda.

11. Postremo quoniam permagni interest, unumquemque leges, quibus parere debeat, optimè perceptas, & comprehensas in promptu habere, dent operam singuli fratres Congregationis, ut Constitutiones, quæ quidem ad se pertinent, diligenter adiscant, memoriæque mandent. Sitque curæ Superi-

6 *Constit. Congregationis*

rioribus, ut in id studium, tùm universi, tùm singuli incumbant in quoque monasterio. Ac propterea curent eas in conventu fratrum, sive in capitulo, sive in refectorio, quater in anno, factò initio à Dominica proximè antecedente Quatuor quæque anni Tempora, clara voce recitandas. Quod si quis ei conventui defuerit, idem quod recitatum fuit publicè, ipse privatim attentè legat.

De Generibus, vel vita Monachorum.

CAPUT PRIMUM.

I. **M**ONACHORUM *quatuor esse genera &c.*
 Cùm ex quatuor Monachorum generibus, quæ à Sancto Patre, & Legislatore nostro Benedicto ipso Regulæ initio proponuntur, ejus sententia fortissimi sint, qui ex societate, in qua vitam sub moderatore agunt, Cœnobitæ vocantur, in quorum gratiam vir sanctus Regulam conscripsit; nostrum planè est, quos ad id vitæ genus divina benignitas vocavit, nè in tanti beneficii auctorem Deum ingrati animi vicio turpiter impieque peccemus, summa ope niti, ut eam religiosissimam vitam quàm sanctissimè colamus, & ad perfectam animi puritatem, divinamque sapientiam ei vitæ propositam ardentissimo studio dies, ac noctes assiduè contendamus. Quamobrem alia tria Monachorum genera missa facientes, in horum castris militemus, & armis ex hac Regula, tanquam ex instructissimo armamentario depromptis, accincti adversus animarum nostrarum
 hostes

hostes infestissimos acerrimè depugnemus ; certa, videlicet, spe nixi felices, gloriosæque victoriæ, & ex victoria beatissimæ immortalitatis, non nostra virtute, sed divino præsidio consequendæ.

2. *Deinde secundum genus est &c.* Si quis nostrum interdum vitam solitariam, & eremiticam in aliquo Congregationis loco ad eam accommodato experiri concupierit, nolumus ejus rei facultatem ei à quoquam alio, quam ab Abbate Generali dari posse ; idque si is hoc illius animæ salutis profuturum, aliis non obfuturum judicaverit, atque id illi ad mensis, anni, aut summum biennii spatium concedat. Ad longius verò tempus concedere, Capituli tantum Generalis sit.

3. *Tertium verò Monachorum &c.* Ut teterri-
mum genus Monachorum, quod dicitur Sarabaitarum, in hac Congregatione vitetur, statuimus, ut nullum post hac monasterium Congregationi oblatum recipiatur, aut etiam extruatur, quod redditus ad tredecim, aut duodecim minimùm fratres alendos non habeat, ut disciplina regularis commodè servari possit. Liceat tamen Abbati Generali cum consilio seniorum Assistentium, & Procuratoris generalis interdum ob gravem causam dispensare, ut si ad decem fratres alendos redditus monasterii suppetant, non rejiciatur.

4. In unoquoque monasterio monachorum, ac fratrum is tantum deinceps constituatur, & posterum retineatur numerus, qui ex redditibus illius propriis sustentari possit.

5. *Mentiri Deo per tonsuram &c.* Ternis singulis hebdomadis, & æstivo tempore frequentius ad Supe-

8 *Constit. Congregationis*

rioris arbitrium coma capitis, & barba tondeantur, relicta corona infra minoris digiti latitudinem super auriculas circulariter extensa, quæ quidem solo forficum ductu, & incisus lineatim capillis non fiat, sed supernè, inferneque abrafis, seu incisus ad cutem pilis semper promineat. Donatis incidantur capilli, prout in Rituali.

6. *Quartum verò genus est &c.* Ad quarti generis Monachorum, qui Gyrovagi dicuntur, diram pestem ab hac Congregatione avertendam, decernimus, ut in quo quisque monasterio collocatus est, in eo constanter, quieteque permaneat, nisi Abbati Generali, aut Visitatori Provinciali Consultores suos respectivè in consilium adhibentibus aliter videatur. Caveant autem Abbas Generalis, & Visitatores Provinciales ipsi, nè monachum aliquem, vel fratrem mutant de loco ad locum, vel de Provincia ad Provinciam respectivè, nisi ille per annum saltem in monasterio commoratus fuerit; quod si aliquando urgeat necessitas, solus Abbas Generalis possit hanc mutationem facere, & de consensu sui consilii.

7. Non possit Superior cujusvis monasterii cuiquam fratri, nec sibi ipsi, nisi propter negotia necessaria monasterii potestatem facere peregrè proficiscendi longiore quàm triginta milliariorum itinere, nec diuturniore quàm quinque dierum, à monasterio absentia. Qui secùs fecerit arbitrio Abbatis Generalis, seu Provincialis, aut etiam Visitorum pœna plectatur. Liceat tamen Abbati Generali, & Visitatori Provinciali cum aliquibus Superiorum dispensare, ut longioris, & viæ, & absentiae licentiam possint suis concedere; dummodò ad alienæ Provinciæ

monasteria, vel ad civitates, & loca, ubi hujusmodi monasteria sita sunt, proficisci contingat, hac enim in re solus Abbas Generalis dispensabit.

8. Ne cuiquam prodeunti è monasterio liceat aliò ire, quam quò eundi licentiam a Superiore acceperit. Nisi quis fortè in ipsa via nactus opportunam occasionè aliquò se conferendi, quò Superior non concesserit, probabili argumento sibi persuadet, Superiorem hanc sibi licentiam, si petere in mentem venisset, facile fuisse concessurum. Ea tamen lege, ut reversus in monasterium id Superiori patefaciat. Qui secùs fecerit, non sit impunè.

9. Qui autem accepta Superioris licentia aliquem locum adeundi intrà sibi assignatum terminum non revertitur, vel longiùs, quàm permissum fuerit, proficiscitur, tot diebus in pane, & aqua in medio refectorio jejunet, quot ultra sibi à Superiore definitos è monasterio abfuerit.

Qualis debeat esse Abbas.

C A P U T II.

1. **C**UM boni Superioris, & Magistri sit discipulos suos non tam verbis, quàm factis ad virtutem instituere, studeant Superiores monasteriorum in servanda quàm accurratissimè disciplina regulari, suis virtute præluere. Idque potissimùm faciant in rebus asperioribus, à quibus sensuum, naturæque imbecillitas, & mollities magis abhorreere solet.

2. Abbas verò Generalis det operam, ut totum
eius

ejus statum optimè teneat, & percalleet, & quemadmodum se res in dies habeant, cognoscat: Quomodo Superiores monasteriorum, & reliqui officiis, & ministeriis præfecti se gerant: nùm quo loco disciplinæ ratio immutari, aut severitas remitti incipiat, præsertim in monasteriis remotioribus, & ubi sunt Novitiorum tyrocinia; nùm Constitutionum, & aliarum ordinationum refrigescat observatio.

3. Curet, ut in unoquoque monasterio semel saltem in anno ab omnibus per decem dies fiant exercitia spiritualia. Quo tempore conceditur iis, qui in similibus exercitiis occupantur, facultas eligendi sibi confessarium ex nostris, qui illos absolvat à casibus Superioribus quibuscumque reservatis. Superiores, qui id fieri neglexerint, graviter ab Abbate Generali, vel Visitatoribus Provincialibus puniantur.

4. Quæcumque majoris momenti geruntur in Congregatione, sibi reservet cognoscenda, & approbanda, & tanquàm è specula prospiciens omnes partes Congregationis, omne studium adhibeat, ut disciplinam regularem, ubi stat, conservet, ubi nutat, fulciat, & quidquid vitii in mores irrepat, resecat, & excidat; cum meminisse debeat sibi, ut est in Regula, reddendam esse rationem villicationis suæ tùm Deo, quod est primum, maximèque perhorrescendum, tùm Capitulo Generali.

5. Atque ut omnia in Congregatione meliùs cognoscere, emendare, & constituere possit, ipse vel per se, vel per Visitatores semel in triennio omnia Congregationis monasteria obeat, & lustret uno Assistentium, alterius scilicet Provinciæ, nisi grave aliquod impedimentum obstat, & Secretario simul

cum Donato adjunctis comitibus .

6. Ipse sibi eligat Secretarium , hominem è vocabulibustùm fide , & taciturnitate , tùm intelligentia , & usu , peritiaque scribendi præstantem ; cujus operam promptam, & opportunam in omni literarum scribendarum genere ad manum habeat .

7. Si quid in visitatione graviùs occurrerit , ut verbi gratia si deponendus sit (quod avertat Deus) aliquis monasterii Superior , vel etiam alius quacumque de causa eligendus , præter Assistentem comitem , asciscat sibi Consiliarium aliquem viciniorum monasteriorum Priorem , cujus assensu tam in supradictis gravioribus , quàm in aliis similibus decernendis utatur . Visitationis autem ratio seorsim descripta dabitur .

8. Cùm discedit ab Urbe visitandi causa relinquere teneatur Vicarium Generalem Assistentem secundum , & non alium , qui toto eo tempore , quo Abbas Generalis visitat , & abest ab Urbe , præcedentiam habeat supra quoscumque alios Superiores etiam pares , illique omnes prærogativæ attributæ censeantur , quæ eidem Abbati Generali competunt , ad arbitrium tamen ejusdem Abbatis Generalis .

9. Cùm Abbas Generalis discedit ab Urbe ad visitandum , si primùm Assistentem aliquo impedimento detentum non possit sibi socium adjungere , eligere debet de consensu sui Consilii in socium visitationis professum illius Provinciæ in dignitate constitutum , cujus est primus Assistens . Quod si post discessum Abbatis Generalis ab Urbe , ut supra , senior Assistens ejus comes in morbum incidat , vel aliter legitimè ab in-

cepto itinere impediatur, tunc Abbas Generalis aliquem ex Superioribus sive actualement, sive titulari, aut etiam Abbatem titulari sibi bene visum in visitationis socium assumere possit, eidemque sic assumpto, eadem omnino in re quacumque facultas attributa censeatur, quæ Assistenti comiti, si præsens esset, attribueretur.

10. Abbas Generalis, quæ majoris momenti inciderint, Capitulo Generali reservet.

11. Quæ autem sic urgebunt, ut dilationem non admittant, ut sunt bonorum stabilium venditiones, emptiones, permutationes, emphyteuticæ locationes, & conductiones, & omnium bonorum stabilium alienationes, vel acquisitiones, ædificiorum majorum extructiones, aut destructiones, fundanda nova monasteria, aut oblata accipienda, missarum, aut aliorum officiorum pia quorumcumque fundatione in perpetuum celebrandorum acceptiones; hæc ipse cum consensu Assistentium, & Procuratoris generalis expediat, eamque moderationem adhibeat, ut in ea, quæ ad Capitulum Generale propriè pertinent, se non interponat, & cætera sic gerat, ut nec auctoritati Capituli injurius, nec suæ potestatis in universam Congregationem immemor esse videatur.

12. Quæ decreta, aut sancita fuerint à Capitulo Generali, non solum curet quàm diligentissimè observanda, sed etiam contra ea nihil omnino statuatur, vel decernatur, sub pœna nullitatis eorum, quæ ipse contra aliquod dictorum decretorum sanciverit. Parcè autem, raròque faciat ordinationes, & à rebus novis abhorreat.

13. Quæ tamen fuerint ab eo ordinata, quoad ejus officium durabit, vim habebunt.

14. Magna cautione parcissimeque censuris utatur, tamquam acriori remedio extremis tantum morbis adhibendo. In gravi necessitate v. g. alicujus negotii, seu litis ad totam Congregationem spectantis Abbas Generalis de suorum Consiliariorum assensu cogere possit Superiores monasteriorum ad persolvendam summam pro tali negotio taxandam sub pœna à contumacibus incurrenda etiam suspensionis ab officio ad arbitrium ejusdem Abbatis Generalis. Quod si negotium sit particulare alicujus Provinciæ, facultas, de qua suprâ, sit penes Visitatorem Provinciale ejusdem Provinciæ.

15. Possit sibi reservare aliquot casus cum seniorum Assistentium, & Procuratoris generalis consilio, ex iis, quorum reservatio in Decreto Clementis Octavi felicitis record. Superioribus conceditur, aut qui præter illos juxta facultatem in Decreto concessam, à Capitulo Generali fortè reservati fuerint, prout ipse ad tuendam disciplinam opportuniùs judicaverit, quorum omnium facultatem, quibus videbitur, possit impertiri.

16. Sedes, & domicilium ejus sit monasterium; Sanctæ Pudentianæ de Urbe juxta Breve Urban Octavi sub datum Romæ die 22. Maji 1630. Videat porrò, nè sine necessitate prodeat è monasterio stationis suæ, idemque ab aliis Superioribus diligentè observandum curet.

17. Officium ejus triennale sit, quantum, videlicet, est intermedium tempus duorum Capitulorum Generalium, nec possit ad aliud triennium confirma-

14 *Constit. Congregationis*

ri, stante alternativa inter utramque Provinciam.

18. Si autem divina benignitas huic Congregationi sic benedixerit, ut patrum ad regimen idoneorum copiam habeat; qui Superiores fuerint, officii sui triennio transacto, possint ad aliud triennium confirmari; post autem ab omni officio immunes in obediencia degant, nisi aliter Capitulo visum fuerit. Quando autem erit in Congregatione tanta copia patrum ad regimen idoneorum, Capituli Generalis iudicium sit.

19. Crimina, propter quæ prorsus, & sine exceptione deponentur tùm Abbas Generalis à Capitulo Generali, aut etiam ab Assistentibus, Visitatoribus, & Procuratore generali conjunctis, vel alii quique Superiores ab Abbate Generali consensum Assistentium, & Procuratoris generalis adhibente, si in aliquod eorum (quod avertat Deus) inciderint, hæc sunt: Carnis copulatio, vel de violata castitate cum altera persona talis suspicio præbita, quæ vehemens, & culpabilis ab iisdem supradictis iudicata fuerit, audito ipso Superiore reo, & rei veritate dumtaxat inspecta; Conversio bonorum Congregationis in rem vel propriam, vel alienam, si res magni momenti fuerit Abbatis Generalis, & sui Consilii iudicio. Item omne crimen, quod à jure civili capite punitur, aut à jure canonico depositione, sicut in descriptione visitationis sigillatim explicabitur. Possint etiam quique Superiores, quantumvis innocentes & probi, à Capitulo Generali absolvi, ut supra dictum est, quodcumque Congregationis utilitas id postulaverit.

20. Si Abbas Generalis ante tempus celebrandi Capituli excesserit è vita, aut exercendo officio suo,

quavis ratione inhabilis factus fuerit, usque ad legitimum tempus celebrandi Capituli senior Assistens illius Provinciæ, cujus erat Abbas Generalis defunctus, Congregationem regat sub nomine Vicarii Generalis. Pro se autem Vicarius Generalis hujusmodi constituat Assistentem seniore, quem alterius Assistentis, Visitatorum generalium, & Procuratoris generalis præsentium tantum pluralitas vocum elegerit.

21. Quod si, Abbate Generali defuncto, etiam Vicarius Generalis moriatur, ipso jure Assistens noviter electus succedere debet, facta regula, quod quoties Vicarius Generalis vel moritur, vel ante electionem Abbatis Generalis quacumque de causa ab officio cessat, in ejus locum suffectus Assistens ejusdem Provinciæ succedat.

22. Abbas Generalis ab officio absolutus toto tempore, quò à superioritate vacabit, titulo Abbatis semper gaudebit; subditus nihilominus Priori suo capitulum culparum non adibit, nec publicis correctionibus subjacebit, sed si corrigendus sit, id summa reverentia à Superiore privatim fiat. Ab officiis regularibus, quæ vel per hebdomodam disponuntur, vel aliis omnibus per vices imponuntur, immunis sit, & ubique locorum post Superiorem localem immediatè cæteros omnes etiam Supprios (nisi quando absente Priore officio Prioris funguntur) præcedat. Sigillum peculiare ad firmandas epistolas hujusmodi Abbati titulari conceditur localium Superiorum sigillo simile, addita tamen in ejus summitate sola mitra, & cum hac inscriptione. Sigillum Abbatis titularis. Ejus porrò epistolæ non videantur,

nec aperiantur, nisi ab ipsis, ad quos mittuntur. Duo Abbates hoc modo titulares in eodem monasterio non commorentur, nec eisdem, nisi ab Abbate Generali, aut de ejusdem consensu monasteria assignentur. Si tamen ipsi ita petierint, concessum sit Visitatoribus Provincialibus, ut aliò transmigrandi potestatem eis faciant. Præfati Abbates ad Capitulum Generale accedendi nullum jus acquisitum habeant.

De senioribus Assistentibus.

1. Ut in rebus gerendis nihil est capitaliùs præcipi ti temeritate, ita nihil est salutarius prudenti consilio. In quam sententiam sacra Scriptura, omnia fac (inquit) cum consilio, & post factum non pœnitebis. Quamobrem è re Congregationis esse duximus adjungere Superiori ejus duos seniores Assistentes, & Procuratorem generalem Consiliarios, & si divina benignitate Congregatio amplificata fuerit, Assistentes quatuor sint. Habeant ii vocem consultivam, non decisivam, præterquam in casibus, in quibus eorum assensus in his Constitutionibus nominatim requiritur, & in iis, quæ ad Capitulum Generale propriè pertinentia, moramque dilationis non admittentia, ab Abbate Generali definienda erunt. Eorum autem electio quomodò fieri debeat, in descriptione Capituli Generalis exponetur.

2. Nullus in Seniore Assistentem omninò assumatur, qui priùs officium Supprioris, aut Magistri Novitio-

vitiorum , vel Secretarii Abbatis Generalis per triennium non exercuerit , vel nisi per annos duodecim Lector Philosophiæ , vel sacre Theologiæ fuerit .

3. Horum Assistentium , & Procuratoris generalis opera Abbas Generalis utatur tum in administrandis rebus Congregationis ; tum in capiendo consilio , ut cum in partem oneris illi impositi veniant , & ille hoc adminiculo sublevetur , & Congregatio firmiori præsidio munita perfectius gubernetur . Imò si Abbati Generali consentaneum visum fuerit , liceat illi pro majori rerum graviorum consultatione , unà simul cum Assistentibus , & Procuratore generali , alios etiam tum Visitatores generales , tum Provinciales sibi consultores adhibere ; dummodò tamen , consultivè tantum , & non decisivè concurrant , nisi eorum assensus aliàs de jure requiratur , & hujusmodi omnes Consultores in ipso actu consultationis eadem loca inter se servant , quæ in cæteris confessibus regularibus servari sancitum est .

4. In eorum electione observetur , ut nunquam (quod etiam de Visitatoribus intelligendum erit) ex ejusdem Provinciæ professis ambo assumantur . Eorum autem , qui superiore triennio Assistentes fuerint , alter in hoc officio ad alterum triennium confirmetur , nisi fortè videatur expedire , ut ambo ad idem munus repetantur , vel reijciantur .

5. Ad majorem tamē tum novi Abbatis Generalis , tum ejusdem Consiliariorum informationem , unus semper eorum , qui anteacto triennio fuerunt de corpore consilii , pro eodem consilio in sequenti triennio eligatur .

6. Nolumus, Abbatem Generalem eorum sequendis sententiis ea necessitate adstringi, ut contrâ eas nihil possit statuere. Hortamur tamen, ut eorum iudicio, & prudentiâ multum tribuens, non faciliè animum inducat à talibus viris dissentire; cum præsertim sciat, faciliùs fieri, ut unus erret, quam plures. Quæ autem nominatim decernimus cum consensu, non tantùm consilio fieri debere, tunc valeant, ratæque habeantur, cum Abbas Generalis in eis constituendis, alterius trium supradictorum consensum habuerit. Quod si id, de quo agitur, per vota secreta decernendum sit, binis ille utatur calculis.

7. Si alter supradictorum antè expletum triennium diem suum objerit, aut quavis ratione ad officium suum factus fuerit inhabilis, aut crimen aliquod admiserit, Abbati Generali curæ sit, ut alius subrogetur, ad eamque rem consensum Assistentium, Visitatorum Generalium, & Procuratoris generalis, qui præsentibus fuerint, habeat, atque totam rem ex sententia majoris partis constituat. Atque idem de Visitatoribus, ac Procuratore generali dictum sit. Eodem modo faciat, si alterius eorum præsentia, propter aliquod grave, aut necessarium negotium, quod ei gerendum alibi mandaverit, diutiùs sit cariturus. Quod si Abbas Generalis ultrâ diætas duas ab Urbe distaverit, & Assistentium, aut Visitatorum alterum, aut Procuratorem generalem mori contingat, aut alio pacto inhabiles reddi; tunc ad id munus alium de consensu Assistentis comitis, vel alterius in ejus locum suffecti, itemque duorum aliorum, sive Priorum, sive Superiorum, vel ex vicinioribus monasteriis, vel alia de causa præsentium, idem Abbas

Generalis eligere valeat. Quod si plures Superiores hujusmodi præsentes fuerint, eorum consensus requiratur, qui alios professione antecedunt.

8. Senioribus Assistentibus aliud officium non imponatur, nec ullo modo eligi possint in Superiores alicujus monasterii, seù aliud officium suscipere, quod Assistentis præcipuo muneri sit impedimento. Ideò in administratione monasterii, in quo vivent, minimè se interponant, nec jurisdictionem ullam habeant in eo, neque in spiritualibus, neque in temporalibus.

9. Cùm verò ipsi in choro, refectorio, aut alibi, ubi totum monasterium convenire solet, absente Abbate Generali, præsident; omnia ibi, præsentibus etiam quibuscumque aliis Superioribus, præstabit, quæ præstare solent monasterii seniores, cum in absentia Prioris, & Supprioris, in supradictis præsident locis.

De Visitatoribus Generalibus.

1. Eligantur à Capitulo Generali duo præstanti pietate, & prudentia Patres, qui cùm Abbas Generalis jusserit, monasteria graviter, & cum auctoritate visitent. Si autem divina benignitate Congregatio creverit, quatuor, aut sex eligantur.

2. In sua visitatione statum omnium rerum tùm spiritualium, tùm temporalium cuiusque monasterii perscrutentur juxtà formam descriptam. Præcipimus tamen ipsis Visitatoribus tùm Generalibus, tùm Provincialibus, ne monasterium residentiæ Abbatis

Generalis sine eiusdem participatione visitent, nec ipso inconsulto quaslibet promulgent ordinationes, aut cellam Secretarii præfati Abbatis Generalis visitent. Hactamen Constitutione præiudicium ullum præfatis Visitatoribus inferre non intendimus, quin taxatum viaticum ab eodem monasterio etiam non visitato persolvendum exigere possint & valeant.

3. Visitatores porrò (quod idem dicimus de Procuratore generali) in quibus erunt monasteriis, Priores locales præcedant, sintque jurisdictioni Abbatis Generalis immediatè subjecti, signa ubicumque præfident Assistentium ad instar facientes.

4. Ambo simul nullo alio comite visitent, actaque visitationis ipsi perscribant. Cui rei si alter eorum minus aptus fuerit, Abbas Generalis alium, cum assensu seniorum Assistentium, & Procuratoris generalis electum in illius locum sufficiat.

5. Nullus in Visitatorem generalem eligatur, qui prius officium Supprioris, aut Magistri Novitiorum, vel Secretarii Abbatis Generalis per triennium non exercuerit, aut denique nisi per annos duodecim Lector Philosophiæ, aut sacre Theologiæ fuerit.

6. Quandiu visitandorum monasteriorum paucitas patietur, possit uterque Visitatorum alicui monasterio præfici. Quod si major anni pars in visitatione ponenda erit, vel propter multitudinem monasteriorum, vel propter locorum intervalla, quibus inter se distant, tùm fas non sit Visitatoribus cuiquam monasterio præesse.

7. Impensam faciendam in visitatione monasteria visitanda sustineant. Confecta visitatione acta per Visitatores ad Abbatem Generalem referantur. Pro
cundo

eundo ad Capitulum Generale, & redeundo Visitationibus Generalibus providendum est à suis respectivè Provinciis juxta taxam ab Abbate Generali consiliarios suos in consilium adhibente, singulis monasteriis cuiusque Provinciæ, assignandam.

De Procuratore Generali.

1. Cùm aliquem è Patribus Congregationis constitui, qui in Urbe apud Romanam Curiam negotia totius Congregationis procuret, per necessarium sit, Capitulum Generale unum ad id officium deligat Procuratorem generalem appellandum ex professis illius Provinciæ, ex quibus Abbas in eodem Capitulo electus non fuerit, & Romæ commoraturum. Isque vocem, prout superius statuimus, tum consultivam, tum decisivam eodem modo, quo Assistentes, potioratur.

2. Nullus in Procuratorem generalem eligatur, qui prius per triennium officium Supprioris, aut Magistri Novitiorum, aut Secretarii Abbatis Generalis non exercuerit, aut denique nisi per annos duodecim fuerit lector Philosophiæ, vel Sacræ Theologiæ.

3. Quæcumque literæ, facultates, aut concessionès à Romana Curia in gratiam Congregationis, aut alicuius eius monasterii, aut etiam fratris cuiuscumque impetrandæ erunt, per Procuratorem tantum (excepto Abbate Generali) alium præterea neminem, petantur.

4. Is rerum graviorum ad universam Congregationem, & ad Constitutiones pertinentium procu-

randarum, nisi à Capitulo generali antea celebrato facultatem receperit, ab Abbate Generali saltem accipiat, quieam illi de seniorum Assistentium consensu, vel tradet, vel negabit; si secus fecerit, gravi pœna multetur.

De Visitatoribus Provincialibus.

1. Visitatores Provinciales, qui singulis Provinciis præsent, constituentur in monasterio commodissimo propriæ Provinciæ commoraturi. Qui Visitatores Provinciales fuerint, non sint Superiores cuiusquam monasterii, nec Abbas Generalis possit in hoc dispensare.

2. Nullus in Visitatorem Provinciale omnino assumatur, qui prius per triennium officium Supprioris, aut Magistri Novitiorum, aut Secretarii Abbatis Generalis non exercuerit, aut denique nisi per duodecim annos Lector Philosophiæ, aut sacræ Theologiæ fuerit.

3. Semel saltem tertio quoque anno omnia monasteria suarum Provinciarum visitent, aut si minus possunt, ab alio idoneo visitanda curent.

4. Cum ad visitationem proficiscuntur, visitationis Secretarium ex gravioribus ejusdē Provinciæ Patribus de Consensu Abbatis Generalis assumere teneantur.

5. In causis criminalibus incipiendis, promovendis, & terminandis, itemque in monachorum, ac fratrum mutationibus, in approbandis Confessariis, & Prædicatoribus, duos viciniorum, scilicet, monasteriorum Superiores in consilium adhibere teneantur.

6. Si Visitator Provincialis diem suum obierit, vel alia quacumque de causa defecerit, totius Provinciæ regimen translatum esse censeatur in Superiorem monasterii ordinariæ residentiæ ejusdem Visitatoris Provincialis, donec per Abbatem Generalem aliter provisum fuerit.

7. Novitii si ad habitum, vel ad professionem recipiendi fuerint, Visitatores Provinciales decreta summorum Pontificum, præsertim fel. record. Alexandri Papæ Septimi, curent observanda.

8. In reliquis omnibus eandem omninò auctoritatem, & iurisdictionem in suis Provinciis habeant, exercentque, quam Abbas Generalis in tota Congregatione habet, exercetque, iis dumtaxat exceptis, quæ in Constitutionibus eidem Abbati reservantur cum consensu sui consilii expedienda.

De Superioribus singulorum Monasteriorum.

1. Superiores singulorum monasteriorum, qui singuli præsent suis monasteriis, in Capitulo generali eligantur modo præscripto, officiumque suum obtineant usque ad alterum Capitulum.

2. Summam curam diligentiamque adhibeant in singulos sibi commissos fratres, cum sciant eorum sibi reddendam esse rationem tum apud Superiores, tum apud ipsum Deum.

3. In servandæ disciplinæ studio, & in præstanda Constitutionibus, & Ordinationibus obedientia studeant cæteros anteire, nec ab æqualitatis regula discedant.

dant, nisi quatenus officii necessitas coegerit. Communibus exercitiis regularibus nequaquam se subducant, eadem lege, qua cæteri fratres, adstricti, chorum, capitulum, collationem Patrum, refectorium, dormitorium suis horis obeundi (nisi gravis, & necessaria causa interdum prohibuerit) ne disciplina regularis eorum absentia languescat.

4. Nullus in Superiorem monasterii eligatur, qui saltem decem professionis annos, & ætatis triginta non habuerit, idemque statuimus de Supprie, cum quo tamen Abbas Generalis de suorum Consultorum consilio possit dispensare.

5. Professi unius Provinciæ ad gubernanda monasteria alterius Provinciæ non assumantur.

6. *Duplici debet doctrina suis præesse &c.* Ut duplici doctrina suis præsent, singulis celebrioribus festis, hoc est, in duplicibus primæ classis, itemque in diebus Circumcisionis Domini, & Nativitatis Beatæ Mariæ Virginis fratres sui monasterii in capitulo brevi saltem concione per se, vel per alium ad virtutem cohortentur. Præterea doctrinam christianam fratribus Clericis, & Donatis, aliisque sæcularibus domesticis, qui opus habuerint, semel quaque hebdomada die festo per aliquem fratrem idoneum tradendam current.

7. Sit ijs curæ, ut semel quoque mense congregatis fratribus collatio, aut disputatio pia, more sanctis Patribus olim usitato fiat de rebus spiritualibus, & sanctis, ipsique Superiores interrogantium partes agant.

8. Quomodo quisque fratrum suorum tempus, & horas suas collocet, exquirant diligenter, atque cognos-

gnoscant : dentque operam , ut omnes omni tempore in officio sint , & ambulent in sapientia tempus redimentes.

9. Nullum locum , aut tempus opportunum prætermittant admonendi fratres suos tùm publicè , tùm privatim , præsertim si qua in re disciplinæ severitatem remollescere videant , ut contracta alligentur , infirma consolidentur : ad eamque rem sumant argumentum , quod occasio dederit ex aliquo loco Regulæ , vel Constitutionum .

10. Singulis mensibus de statu monasteriorum suorum faciant certiores per litteras Abbatem Generalem , aut certè Visitatorem Provincialem , & tùm de personis , tùm de alijs rebus gravioribus , si quid opus sit , eum consulant .

11. Si quis Superior diem suum obierit , aut officio suo inhabilis euaserit , aut , quod absit , in crimen fuerit prolapsus , Supprior cum senioribus monasterii Visitatorem Provincialem per litteras eius rei admo- neat , qui statim Abbatē Generalem consulat . Quod si Visitor Provincialis defuerit , ad ipsum Abbatē Generalem scribant , qui cum suorum Consiliariorū consensu destituti Superiore monasterii regimini prospiciat .

12. Crimina porrò , propter quæ deponendus erit Superior quisque ab Abbate Generali de suorum Consiliariorum consensu , præter iam dicta superius , pag. 14. sint etiam sequentia .

Non fidelitèr juxta has Constitutiones exhibita reddituum consignatio , & pecuniarum tam ex capsis ecclesiæ , quam vndequaue habitarum , si res magni momenti Abbatis Generalis , & sui consilii sententia iudicata fuerit .

Item ea negligentia in visitandis infirmis, & subveniendis tum eis, tum senibus, quæ ab eodem Abbate Generali, ut supra, culpabilis, & gravis iudicabitur.

Item non facta omnibus suis pro festo S. Andreæ (si admonitus fuerit) debita singulis vestimentorum provisio.

Item si in rerum temporalium cura ita negligens sit, aut incapax, ut eius culpa, vel monasterii bona stabilia deperdantur, vel infructuosa iudicio eorum, qui visitant, reddantur.

Demum si ipsorum aliquis exemplaria monasteriorum ædificandorum, & ecclesiarum à nostris delineata, & descripta, non prius à duobus architecticæ artis peritis examinata, & approbata, executioni mandabit.

*De Abbatibus Titularibus iuxta Bullam
fel. recordat. Gregorii Decimitertii
promovendis.*

1. TITULI Abbatiales iuxta supradictam Bullam in nostra Congregatione quatuor sint, duo, videlicet, in qualibet Prouincia. In Prouincia quidem Romana tituli Abbatiales erunt S. Sebastiani ad Catacumbas, & S. Silvestri in Monte Soracte. In Prouincia verò Pedemontana S. Bernardi Vercellarum, & S. Mariæ de Monte Cenisio.

2. Huiusmodi tituli in qualibet Prouincia sic erecti conferantur senibus benemeritis nostræ Congregationis, qui ob ætatem, vel alia de causa inhabiles effecti

effecti sunt ad gubernia, & actualia regimina nostræ Congregationis.

3. Nullus tamen in Abbatem titulare promovetur, nisi sexagesimum ætatis, & quadragesimum religionis attingat annum, & nisi fuerit novem saltem annis alicuius monasterii Abbas, vel Prior, aut Lector Theologiæ, vel Philosophiæ, sub pœna nullitatis promotionis; nec plures sint huiusmodi Abbates in qualibet Provincia; quam duo juxta supradictam Bullam.

4. Huiusmodi Abbates titulares teneantur à Superioribus monasteriorum, in quibus degunt, benedictionem accipere, capitulum adire, quoties monasterii negotia pertractanda sunt, & in reliquis iisdem Superioribus omninò subdi.

5. Inhibetur Abbatibus quibuscumq; nè gestare possint annulos lapillis ornatos sub pœna Abbatibus quidem titularibus privationis privilegiorum, & tituli abbatialis, localibus autem sub pœna suspensionis ab officio per tres menses, exceptis tamen diebus solemnioribus, quibus Abbates locales exercere valent pontificalia.

Haftenus de iis, quæ graviora sunt ad officium Abbatis Generalis, seniorum Assistentium, Visitorum generalium, Procuratoris generalis, Visitorum Provincialium, Superiorum cujusque Monasterii, & Abbatum titularium pertinentia. Cæterum, ut in domo Dei omnia quam ordinatissima sint, tum prædictorum, tum aliorum minorum Officialium, nempè Supprioris, Magistri Novitiorum, Cellerarii, Secretarii, Infirmarii, Portarii, & cæterorum officia latius separatim describentur; ut

cum quisque quasi sub uno aspectu promptum, explicatumque habeat, quid sui officii sit, in ejus administratione per incertitiam non hæsitet, sed omnia faciliè, & expeditè exequatur.

De adhibendis ad consilium fratribus.

C A P U T III.

I. **C**ONVOCET *Abbas omnem Congregationem &c.* Omnis Congregationis nomine intelligimus non unius alicujus conventus, aut monasterii, sed totius Congregationis Monachos universos, quos in Capitulis generalibus Superiores referunt. Quæ autem pertinent ad hujusmodi Capituli celebrationem, & singula in eo gerenda, post alias Constitutiones, extremo loco sigillatim exponentur.

2. *Quoties aliqua præcipua agenda sunt &c.* Horum nomine intelligimus ea, quæ ad cujusque monasterii capitulum pertinent, ut sunt emptiones, & venditiones, conductiones, & locationes immobilium in biennium, aut triennium, eleemosynæ scutatum excedentes &c. In eis, & similibus, quæ juxta sacros canones sine capituli consensu validè fieri nequeunt, decernendis, nisi hujusmodi consensus per vota secreta habeatur, irrita sint, nulliusque roboris, & Superiores prætereà, qui hanc Constitutionem transgressi fuerint, ab Abbate Generali, vel Visitatore Provinciali, seu in actu visitationis à Visitatoribus ad tempus pro rei gravitate ab officiis suspen-

spendantur. Eadem autem in capitulo cujusque monasterii propofita tùm denique, cum majori parti vocalium placuerint, rata fint, executionique mandentur, & ubi illa vocalium fubfcriptione indigeant, eis omnes etiam difcrepantes ipfi fe fubfcribere teneantur.

3. Mandamus autem Superioribus omnibus monafteriorum bona, feù poffeffiones ante tempus præfcriptum, & locatione nondùm completa denudò locantibus, vel cenfuum fructus anticipatè exigentibus, nè fub pœna privationis vocis activæ, & paffivæ ipfo factò incurrenda, immaturas pecunias ex locationibus hujusmodi, aut ex alio quocumque contractu exactas, vel exigendas alicui creditorum, vel aliter in præjudicium fuccefforis, cui ipfæ pecuniæ debentur, fine licentia Abbatis Generalis de confenfu fuorum Confiliariorum, & majoris partis fui capituli concedenda, vel affignent, vel alio quocumque prætextu impendant, aut confumant.

4. *Si qua verò minora agenda funt &c.* Horum minorum nomine, ad quæ exequenda Superiori monafterii fatis eft feniores in confilium adhibere, intelligimus quæ leviora, non tamen quotidiana funt; cujusmodi eft erogare plùs capitato, fivè teftone in eleemofynam, ufque ad fcutati fummam; alicui, aut aliquibus fratrum aliquid eorum, quæ Regula, aut Conftitutiones jubent, ad tempus difpenfatione remittere, & alia hujusmodi.

5. *Seniorum tantùm utatur confilio &c.* Seniorum appellatione intelligimus præter Suppriorem cujusque monafterii, duos Sacerdotes, ubi decem vocales funt, aut unum Sacerdotem, ubi minor eft nume-

rus; quos Superior tanquam virtute, judicio, usuque rerum præstantiores è conventu suo elegerit, ut eorum consilio adjuvetur. Quibus quotiescumque de rebus temporalibus agitur, accedat Cellerarius. Admonendi Superioris monasterii, cum humana infirmitate in officio vacillat, partes sint majoris ex senioribus, idque modestè, & reverentè faciat.

*Quæ sunt Instrumenta bonorum
Operum.*

C A P U T IV.

I. **A**BNEGARE *semetipsum sibi &c.* Ad hanc sanctissimam abnegationem comparandam multum conferet unicuique, si ad viliora, quæque, humilioraque officia studiosè se demittat, easque res potissimum amplectatur, quas naturæ imbecillitas, aut propter asperitatem, aut propter ignominiam magis refugit; si tamen ad eas Superioris jussu vocatus fuerit.

2. *Corpus castigare.* In memoriam, & venerationem Dominicæ Passionis liceat cuique fratrum sexta quaque feria, loco, & tempore à Superiore deputandis per spatium Psalmi Miserere, aut circitè corpus suum verberibus cedere, frequentius non possit sine licentia Superioris.

3. *A sæculi actibus &c.* Rarissimè visitentur seculares, aut benefactores, præsertim mulieres, & numquam nisi propter magnam causam. Possint

tamen

tamen benefactores, cùm necessarium videbitur, nec facile prætermitti poterit hoc officium, à Superiore, vel alio de ejus mandato invisi, præsertim in morbo, nec in ejusmodi, aut alia visitatione liceat alteri fratrum seorsim cum muliere loqui, nisi fratre comite vidente, & audiente.

4. Nemo cujusquam negotii quantumvis ad pietatem exercendam pertinentis procuracionem suscipiat sine Superioris sui licentia. Nemo sine concessu Superioris sui quicquam restituendū ei, cujus est, aut in eleemosynas erogandum, aut in alios quantumvis pios usus conferendum à quoquam accipiat, aut petat. Non liceat fratri cuiquam esse arbitro honorario in compromisso, nec interponere se in litium, aut controversiarum diremptionem.

5. Depositum pecuniarum, vestium, vini, tritici, aliarumque rerum ad mercaturam pertinentium non accipiat in monasterio.

6. *Orationi frequenter incumbere.* Omni tempore, meditatio matutina per dimidię horę spatium post officium noctis fiat. Vesperī autem à S. Paschate usque ad festum S. Crucis in capite jejuniorum regularium post officium Vesperarum fiat. Reliquo anni tempore tantundem temporis meditationi post Completorium impendatur. Ad utramque porrò hanc meditationem trino tintinnabuli pulsu vocentur fratres.

7. *Mala præterita cum lacrymis &c.* Ponat unusquisque quotidie, si minus bis potest, semel saltem cum decurso diei spatio iturus est cubitum, quartam, vel octavam certè partem horę in conscientia excutienda, revocandisque sub judicii, & censurę severitatem, quantum facere poterit, omnibus factis, di-

etis, & cogitationibus suis illius diei; sciens, quò frequentius id fecerit, eò sibi purgatiorum animum, ac mundiorum futurum; à mundis autem corde visum iri Deum spondet, ac recipit ipsa veritas.

8. *Castitatem amare.* Votum castitatis quàm sanctè reddendum sit Deo à monachis, supervacaneum est dicere, cùm sit luce solis clariùs. Quare videant, ut hujus cœlestis, & angelicę virtutis candorem ab omni labe purum, & intactum quàm diligentissimè conservent.

De Obedientia.

C A P U T V.

I. **S**UMMÆ curę sit omnibus quam perfectissimè obedire jussis Superiorum, tanquam Christi ipsius, sive ea literis, consignata sint, ut Constitutiones, Ordinationes, aliaque hujusmodi cuiuscumque sint generis, sive voce tantum, aut etiam nutu data fuerint. Acceptoque, quod jubet Superior, ea celeritate confestim id persequantur, omnibus rebus relictis, ut ne literam quidem inchoatam absolvere sibi fas esse ducant. Quin etiam ubi neque literis mandata jussio, neque voce prolata, neque nutu significata erit, quid voluntati Superioris maxime consentaneum sit, attentè cogitent, & quibus poterunt conjecturis, & argumentis colligant, ad idque se accommodent. Nec majoribus tantum obtemperent, sed minimis etiam Officialibus in iis, quę ad eorum officium pertinent.

2. Præceptum Superioris, si de re majoris momenti, & verbis præceptivis factum fuerit, ab eo, cui datur, genu flexo accipiat: sin aliter, profunda inclinatione. Quæ etiam sufficiat, cum fratres congregati, sicut in capitulo fit, ipsum illud præceptum accipient.

3. Quidquid acturi erunt, cum Superiore suo communicent. Ad obedientiam pertinet, ut quisque promptus, & expeditus sit ad officia quæque, ministeriaque monasterii, & si quid aliud operam, & sedulitatem monachi requirit. Ad ea igitur cum primum tintinnabulo, aut alio quovis signo vocantur fratres, nulla interposita mora, continuo se conferant.

4. Si quis tardus, languidus, aut difficilis ad obedientiam fuerit, aut in voluntate Superioris non acquiescens, alicujus favore, vel auxilio cupiditatem suam explere conatus fuerit, aut id in alterius gratiam tentaverit (quod in monacho facinus indignum est) gravi animadversione coerceatur.

5. Fratres, qui ad fora ecclesiastica (sanctæ Sedis Apostolicæ excepto) vel ad secularia recurrere, vel ad Capitulum Generale appellare tentaverit, vel id se facturos minati fuerint, ut mandatorum Abbatis Generalis executionem eludant, ipso facto voce activa, & passiva, si Clerici fuerint, privati existant, si Donati, jejunio uno in pane, & aqua singulis hebdomadis per annum pletantur.

De Taciturnitate.

CAPUT VI.

1. **A**NTIQUISSIMO, sanctissimoque more sanctorum Patrum Ordinis nostri sint in singulis monasteriis bina locutoria, alterum in clauastro, aut proximè: alterum propè infirmitorium, ubi loquantur, quibus licentia data fuerit. Ea locutoria aperta, & patentia sint, atque adeò sine ostio. Superiores tamen in ea secedere non teneantur cum aliquo locuturi.

2. Ut constitutis locis, & temporibus silentii religio sanctiùs seruetur, inviolataque sit, semel in die, liceat fratribus in his locutoriis aliquod ex intervallis temporis, quibus absunt à choro, pio, & religioso colloquio consumere, aut etiam iucunda per viridarium ambulatione animum relaxare: sic tamen, ut clamor, & omnis petulantia procùl absit. His autem colloquiis semper intersit Superior monasterii, vel aliquis seniorum.

3. Hos sermones cum pudore, & modestia conferant voce submissa, ut religioni addictos homines decet, nec inter se contendant, aut altercentur. Sed si qua in re fortè dissensio opinionum inciderit, propositis placidè, benignèque rationibus, eam moderationem adhibeant, ut eos non vincendi contrà sentientes, ostentandique ingenii, vel doctrinæ cupiditate ferri, sed veri investigandi studio tantum duci appareat. Hi sermones plerumque sint de ratione comparandæ ab-

negationis sui, aut de progressu in virtutis studio faciendo, adhibita frequenti cohortatione ad sanctam charitatem, coniunctionemque animorum in Domino. Quod etiam faciant, qui extrà hæc solemnia colloquia inter se loquentur permissu Superioris.

4. Quæ ad regimen Congregationis, aut monasterii spectant, nemo curiosè exquirat, aut de ijs sermonem iniiciat; sed quisque in sese tantùm intuens, & ad officium suum attentus, quicquid de se, aut aliis constitutum fuerit, tanquàm divinitus decretum æquo animo securus accipiat.

5. Caveant omnes ab eo affectu, quo plerique solent de suæ nationis hominibus præclarè sentientes, & loquentes, in alienæ nationis homines iniquiore animo procaciter inuehi; complectantur potiùs omni charitate in Domino, laudibusque prosequantur alienas nationes de sua tacentes. Atque, ut peccandi in hoc genere præcidatur occasio, nullus in colloquio de bellis, aut contentionibus Principum Christianorum inducatur sermo.

6. *Scurilitates verò, &c.* Ut omnis ludi, ludicræque leuitatis, & petulantix in monasterio removeatur occasio, nullo modo, nulloque tempore liceat in ulla parte monasterii canes, aut aves, aut aliud animal ad delicias comparatum alere, aut habere. Qui secùs fecerit, panis, & aquæ jeiunio plectatur in medio refectorio cibum capiens, donec eiusmodi animalia eiecerit è monasterio.

De Humilitate.

CAPUT VII.

1. **S**I omni vilitate, & extremitate contentus sit monachus &c. Sicut in media rerum copia periclitatur humilitas, ita in paupertate tutissima est. Quare scitè sanè à Chrysostomo dictum est, paupertatem manu ductricem esse ad Cælum. Colatur igitur ea à monacho, sitque ei in amore, & deliciis, nec ulla, vel minima re unquam violetur. Ac sibi quisque persua-deat rerum monasterii ad vitæ usum comparatarum minimam, deterrimamque partem sibi cessuram, ut ad patientiam, & mortificationem salubritè exerceatur.

2. Supellex omnis, & instrumenta monachorum sint qualia decent pauperes. Lances, patinæ, urceoli, cæteraque mensæ vasa sint fictilia, aut lignea, aut certè stamnea, simplicissimique operis. Mensæ structura simplici ternos palmos altæ, binos cum dimidio latæ, in appa sæculari more non sternantur; sed cuique fratri binę apponantur mappule, vna quidem pectori admovenda, & altera super mensam sternaenda, cum simplicis artificii cultello, fuscinula, & cochleari.

3. Breviaria, libri, cæteraque omnia, quę monacho sunt vsui, non sint exquisitè aut affabrè ornata, sed eorum, quibus deseruiunt, paupertatem ipsa specie testentur. In crucibus, coronis, Agnus Dei, imaginibus, & aliis hujusmodi summa simplicitas serve-

tur. Non adhibeatur eis aurum, aut argentum, ac nè ebur quidem, nec quicquam eorum unius julii, vel illius valoris, vel ad summum duorum iuliorum pretium excedat. Quod si maioris pretii fuerit, quantumvis sit dono datum ab extraneis, non possit fratri cuiquam habendum permitti.

4. Omnia edificia, monasteriaque nostra simplicis structurę sint, commodę tamen, atque opportune ad disciplinę nostrę observantiam. Debet enim nobis esse persuasissimum, nos quò incultius edificamus domos nostras, hòc splendidius edificare conscientias tùm nostras, tùm alienas; cum studium paupertatis maximum sit monachorum decus.

5. Nullis nisi simplicibus picturis, & in locis publicis, hoc est, capitulo, refectorio, dormitorio, nec in omni eorum parte, sed in capite tantum, ornata sint.

6. Sacerdotum, & altaris ministrorum, aliaque ecclesię, & altarium ornamenta munda semper sint, ac nitida, & devotionem redolentia. Pyxis, calices, patenę, & ostensoria ipsa argentea sint, vel auro illita, & tabernaculum ipsum intrinsecus serico saltem panno vestitum sit, & extrinsecus inauratum.

De Officiis divinis in noctibus.

CAPUT VIII.

1. **O**CTAVA hora noctis surgendum est &c. Octave horę nomine intelligimus secundę partis noctis in tres partes diuise horam vltimam, ut nox veterum more accepta, hoc est, spatium temporis, quod à solis occasu ad eius ortum sequentis diei decurrit, in duodecim horas inæquales diuidatur. Quare hyberno tempore, cum nox est quindecim horarum equalium, & communium, quę dicitur à S. Benedicto octaua noctis hora, decima erit huiusętatis horologiorum Italicorum, Gallicorum autem secunda cum dimidia post mediam noctem.

2. Fratres ad crepitaculi signum expergefacti continuo surgentes gratias Deo agant, & cum primū vigiliarum signū audierint, eant alacritè in chorum. In eum ingressi, si transeant ante aliquod altare, profunda inclinatione illud venerentur, & si in eo sacrum Domini corpus fuerit, id genuflectentes adorent; & cum in sua loca peruenerint, iterum altari inclinent, ut in rituali, & stantes deindè pia meditatione contendant animum sancto igne diuini amoris inflammatum ad Dei laudes ritè, religiosèque concinendas excitare, donec signum postremum officii detur. Ritus, & ceremonię toto diuino officio tum diurno, tum nocturno seruandę petantur è Rituali nouo ad antiquissimam consuetudinem Ordinis nostri, quantum fieri potuit, accommodato.

3. A cho.

3. A choro, publicaue recitatione diuini officii nemo absit, nisi iusto impedimento prohibitus de Superioris licentia. Ique maximè adesse semper studeant, quorum aliqua propria functio est, vel officium in choro. Qui autem abfuerit, det operam, ut in choro, vel loco certè alio, qui sacram precationem deceat, & euagationi animi occasionem non præbeat, officium recitet.

4. *Ut jam digesti surgant.* A Pascha ad Kalendas Octobris non liceat cuiquam, cùm post completorium itum est in dormitorium, suprà horę spatium vigiliam producere, nec reliquo anni tēpore suprà duas horas, nisi Superior id nominatim concesserit.

Quot Psalmi dicendi sunt nocturnis horis
Cap. IX.

Qualitèr Æstatis tempore agatur nocturna laus. *Cap. X.*

Qualitèr Dominicis diebus Vigiliæ agantur. *Cap. XI.*

*Quomodo Matutinorum solemnitas
agatur.*

C A P U T XII.

- I. **D**IEBUS Dominicis, & festis, quibus ab opere vacatur, in missa conventuali, id est, cantata, quatuor ad minus cerei accensi super Altare luceant. Diebus verò solemnioribus, hoc est, quibus celebrandæ missæ majoris Superioris partes sunt, sex ad minus cerei accendantur.

*Qualitèr privatis diebus Matutini
agantur.*

C A P U T XIII.

- I. **L**ITANIÆ, & completum est &c. Litaniarum nomine intelligimus Kyrie eleison, quod dicitur ante Pater noster.

*Qualitèr in Natalitiis sanctorum Vigiliæ
agantur.*

C A P U T XIV.

- I. **S**UPERIORIBUS quibusque monasterio-
rum curæ sit, ut dies festi indiæti, & à Sancta
Sede Apostolica in posterum indicendi celebrentur.

Quibus temporibus dicatur Alleluja.

C A P U T XV.

- I. **A**LLELVIA, nè à Sancta Romana Ec-
clesia discrepemus, eo tempore, & iis locis
dumtaxat dicatur, quibus in Breviario, & Missali
monasticis dici præcipitur.

*Qualitèr divina opera per diem
agantur.*

C A P U T XVI.

- I. **I**N triplici officio decantando, hoc est, Regu-
læ, Beatissimæ Virginis, & Defunctorum,
forma, & ritus in Breviario monastico Pauli Quinti
san-

sanctę memorię præscripti, & servato decreto sacre Congregationis Rituum sub die 23. Julii 1661. emanato, omninò observentur.

2. Officium Beatissimę Virginiscantu, qui dicitur indirectum, semper canatur; Itemque officium Defunctorum, præterquam in majoribus anniversariis, & pro præsentī Defuncto, in quibus cantetur ad præscriptum Ritualis lib. 1. cap. 30.

3. Tertia, & Sexta simul, & conjunctim in unoquoque monasterio, jejuniorum diebus recitari possint.

4. Nulli imposterùm detur habitus conversorum. Qui supersunt, omnia servabunt, quę ipsis jam in Constitutionibus impressis Romę anno 1668. præscribuntur. Donati, quorum in operis, & ministeriis temporalibus monasterii versatur officium, horarum canonicarum pensum per orationis Dominicę, & salutationis Angelicę certo numero definitam repetitionem persolvant. Ac pro vigiliis quidem, aut nocturnis dicant viginti Pater noster, todidemque Ave Maria, pro laudibus, & vespers dena, pro reliquis singulis horis quina, sed diebus Dominicis, & festis, quibus ab opere cessatur, duplicato penso dicant ad Nocturnos quadraginta Pater, & Ave. Reliqua officia non duplicent.

5. Donati, sive solemniter, sive simpliciter professi diebus Dominicis, & festis, quibus vacatur, convenient ad omnes horas canonicas tum diurnas, tum nocturnas in locum sibi extrà chorum constitutum, ubi professione antiquiori curę sit alios interim in officio, disciplinaque continere. Ceteris diebus ad nocturnos, laudes, & completorium tantum

convenient in dictum locum. Reliquarum autem horarum preces, cum earum tempus inciderit, ubicumque sunt in opere suo, genibus flexis antè aliquod oratorium, quantum fieri poterit, persolvant, nec eas propter ullum opus, aut negotium non penitus necessarium differant.

6. Ad Antiphonam finalem post completorium decantandam, & meditationem subsequentem ipsi donati, si fieri possit (de quo Superioris judicium sit) quàm diligentissimè convenient, aqua benedicta post à Superiore aspergendi, & rectà cubitum cum silentio ituri. Sin autem donati ad prædictam Antiphonam venire non poterunt, at aquę benedictę aspergioni semper adsint.

Quot Psalmi per easdem horas canendi sunt.

Cap. XVII.

Quo ordine ipsi Psalmi dicendi sunt.

Cap. XVIII.

De disciplina Psallendi.

C A P U T XIX.

1. **A**D divini cujusque officii celebrationem, ne qua ex parte claudicet, juxta præscriptum Breviarii monastici, & Ritualis ritè dirigendam, in omni Congregationis monasterio eligatur ab ejus Su-

periore Prefectus ceremoniarum, idem, videlicet, qui cantor, cui id officium sedulò gerenti omnes in eo genere obediant.

2. In Psalmis, canticis, hymnis, antiphonis, & ceteris ad officium, & missam spectantibus cantandis, cantus Gregorianus, & ordinis nostri adhibeatur, servatis, quę præcepta sunt à Divo Bernardo ferm. 47. in Cantica Canticorum, & ad Manualis chori, & Ritualis præscriptum.

3. Regulę officium aliquantò gravius, & lentiùs cantetur, quàm Beatissimę Virginis, & hoc lentiùs, quàm officium Defunctorum. Quod tamen ipsum distinctè, & cum aliqua respiratione, vel pausa in medio quoque versu pronuncietur. Diebus verò Dominicis, & festis, præsertim solemnioribus, in regularis, & Beatissimę Virginis officii decantatione major etiam lentitudo solito adhibeatur.

4. In nulla divini officii, aut missarum parte liceat cantu figurato, aut symphonico, vel musico, aut quovis alio genere musici instrumenti uti, nec in ea re dispensari possit, nisi bis, aut ter in anno. Permittitur tamen in ecclesiis nostris, divinorum officiorum tempore, Organorum usus ad formam Ritualis, & non alio modo.

De reverentia Orationis.

C A P U T XX.

- I. **C**UM omni puritatis devotione &c. Ne per aspectum extraneorum animus per se ipsum

sum fatis lubricus, & mobilis ab oratione, & piis meditationibus ad inania avocetur, non admittantur extranei in choros monasteriorum nostrorum tempore, quo celebratur divinum officium, nec intrà cancellos altaris, nisi Religiosi, & Clerici.

De Decanis Monasterii.

C A P U T XXI.

1. **S**I major fuerit Congregatio &c. In nostris monasteriis regendis sufficiat post Superiorem Prior in Abbatiis: in Prioratibus verò post Priorem Supprior ex Sacerdotibus semper eligendi.

2. *Secundum vitæ meritum, & sapientiæ doctrinam &c.* Et si probitati, & sanctimonie quantavis doctrina, aut eruditio nè comparari quidem potest; cum tamen illi ex hac multum roboris, & perfidii accedere soleat, ut nostris ad suæ salutis, & alienæ rem feliciter gerendam in Domino, nullum genus auxilii desit, opere pretium visum est, hoc etiam doctrine adjuvmentum illis tradere. Quapropter Abbas Generalis in ipso Capitulo Generali antè Superiorum localium electionem de Assistentium, Visitatorum, & Procuratoris generalis consilio unum, vel plura monasteria, in quo, vel quibus Novitii non sint, in qualibet Provincia pro studiis tam Philosophiæ, quam sacre Theologiæ, atque etiam Grammaticæ, seu Hu-

manitatis deputare teneatur, auditis tamen prius eorum sententiis, qui præterito triennio præfuerunt monasteriis, in quibus præfata studia collocari existimat, in quibus monasteriis, ut supra, pro studiis deputatis, legantur prædictæ facultates ijs, quos Abbas Generalis, vel Visitator Prouincialis de suorum respectivè Consiliariorum consilio ad id idoneos judicaverit.

3. Monachis studiis literarum vacaturis immunitas ab opere manuum concedatur, à communibus tamen exercitiis regularibus chori, coquinæ, & lectoris mensæ nequaquam immunes existant.

4. Lectores Theologiæ, ac Philosophiæ sicut, & Prædicatores cum actu legunt, vel concionantur à divinis officiis, aliisque regularibus exercitiis nonnullis, prout in Rituali, excusentur, & tam Lectores Philosophiæ, ac sacræ Theologiæ, qui per annos duodecim perlegerint, exemptionem à lectione mensæ, & ministerio coquinæ consequantur, atque habilitatem habere censeantur ad omnes eas dignitates, ad quas habiles à nostris Constitutionibus declarantur, qui per triennium officia Supprioris, Magistri Novitiorum, & Secretarii Abbatis Generalis exercuerint, dummodò alio impedimento devincti non fuerint.

5. Cum unius triennii spatium nimis breve sit ad omnes Theologicos tractatus habendos, indeque fiat, ut ad animarum nostrarum, ac aliarum instructionem utiliores tractatus prætermittantur; Imposterum, qui sacræ Theologiæ Scholasticæ Lectores deputati fuerint, per quadriennium saltem idem munus prosequantur, quo tempore teneantur studentes

sibi commissos edocere omnes tractatus distributos, ut infra: Anno primo de Deo Uno, & Trino. Anno secundo, de Angelis, de Beatitudine, & de Actibus humanis. Anno tertio, tractatus de Vitiis, & Peccatis, de Divina Gratia, & de Virtutibus Theologicis. Anno quarto, de Incarnatione, de Sacramentis in genere, de Sacrosancta Eucharistia, & de Pœnitentia. Lectores autem Theologiæ moralis unico triennio integrum Theologiæ moralis cursum conficiant, & præter hujus quotidianam lectionem, habeant etiam lectionem Sacræ Scripturæ bis, vel ter in hebdomada, horis tamen stabiliendis à Superiore locali, quibus Lectoribus sedulò munus suum exequentibus omnia conceduntur privilegia, quibus alii Lectores fruuntur; Præcipimus insuper Lectoribus, ut animarum potius utilitati consulentes, quam ingenii ostentationi studentes eas sententias edoceant, quæ communiores, & probabiliores sunt, quod si quacunque de causa, qui in studii principio deputatus fuerit Lector, munus suum prosecutus non fuerit; tunc Lector subrogatus tractatus non traditos edoceat, ità ut nunquam initium fiat à primo tractatu de Deo, quin omnes supradicti tractatus fuerint expleti; Studentes verò Lectoribus suis omni humilitate, & charitate obsequantur. Si quis verò è studentibus cum Lectore suo verbis procacibus sive in studio, sive foris altercare, aut in eundem aliquid moliri, vel eidem detrahare ausus fuerit, is præter congruam satisfactionem eidem dandam, pro prima, & secunda vice pœna gravi multetur, si verò tertio in idem inciderit, multetur pœna graviori, & à studio removeatur. Injungimus etiam Superioribus mona-

steriorum pro studiis deputatorum, ne Studentibus aliquod munus mandent, quod eisdem vagationis, aut distractionis à studio causam præbeat, sed omninò invigilent, ut totaliter studio, cui deputati sunt, incumbant; Item, quantum fieri poterit, conferentiis, quæ per hebdomadam fiunt, assistere satagant, & sæpè inopinatò, dum lectio repetitur, aut argumentum fit, in studium se conferant, præcipuè in disputationibus, & conferentiis hebdomadariis, & mensalibus, quæ omninò fieri debent: sic etiam melius negligentes corrigent, & castigabunt, ac diligentibus animum adjicient; Studentes tandem quotidianæ recreationis tempore omnes in unum conveniant circulum, & de suis lectionibus differant, disputent, & argumententur; Non autem solum Superiores locales, sed etiam Visitatores Provinciales invigilent super his, & aliis in Rituali contentis legibus observandis, & transgressores omninò corripiant, & castigent; Lectores verò Philosophiæ teneantur triennalis studii tempore etiam Ethicam edocere.

6. Statuimus etiam, ut ad vtilitatem, tùm promotorum ad ordines, tùm promouendorum uno, aut altero die cuiusque hebdomadæ ratio fidei articulorum, sacramentorum ecclesiæ, Decalogi, aliorumque eiusmodi simplici, minimèque curiosa explicatione tradatur. Sacerdotes denique ad scientiâ casuum conscientię uno, & altero minimùm die cuiusque hebdomadæ informentur. Omnibus autem in vniuersum, maximèque ijs, qui linguæ latinę studebunt, omni librorum obscurorum, aut inania tractantium lectione interdiciamus.

7. Donati nullo pacto literis operam dent, aut id sibi concedi petant. Qui tamen eorum expeditè legere sciuerint, ijs præter libellum de doctrina christiana, & horas Beatissimæ Virginis, alius tantum liber spiritualis concedi possit. Qui eorum plus in hoc genere sibi assumpserit, ieiunio panis, & aquæ unum diem multetur, aut aliter puniatur arbitrio Superioris.

8. *Quod si quis fortè ex eis &c.* Superior monasterii, si quem suorum propter scientiam, existimationem, nomen, aut etiam officium, & munus grauius, quo fortè fungitur, aut propter aliam quamcumque causam sibi placere, & superbia efferri animadverterit, aut propter naturæ, vel ingenii eius propensionem ad inanem gloriam, periculum esse viderit, nè in id vitium incidat, omnem rationem prudenter ineat, qua malo vel orto medeatur, vel orienti occurrat, & saluti fratris, & Congregationi (cujus in humilitate, & contemptu omnis humanæ gloriæ summum decus, & dignitas est) prospiciat, atque consulat. Quin etiam, si necesse esse viderit, eum, qui propter officium sese insolenter effert, de officio ejiciat.

Quomodò dormiant Monachi.

C A P U T XXII.

I. **S**INGULI per singulos lectos &c. Ut & honestati, & studio sanctæ orationis solitudinem amantis eadem opera seruiatur, statuimus, ut in posterum vsitato aliis religionibus more, nostrorum
D mona-

monasteriorum dormitoria in cellulas distincta sint. Singulis fratribus singule cellule sint, exceptis Novitijs, & novis Professis, qui quandiu Magistro Novitiorum suberunt, unicam maiorem cellam lectis unicuique separatim assignandis distinctam habeant universi.

2. Cella cuiusque monachi palmos Romanos sexdecim circiter in longitudine, quindecim verò circiter in latitudine non excedat, & alta proportionabiliter sit. Fenestra palmis quinque cum dimidio circiter alta sit, & lata circiter tribus. Cellule ostium sit palmos novem altum, & quatuor circiter latum, clavi utique ad excludendos seculares obserandum; ita tamen, ut communis clavis operari Superior illud aperire possit, & cellam ingredi, cum expedire judicaverit. Superiorum nihilominus, Magistri Novitiorum, & Secretarii Abbatis Generalis cellule possint clavi peculiari obserari.

3. Cellula quęque habeat in superiore parte ostij sui foramen rotundum, tabella facile mobili extrinsecus coopertum, nimirum, ut per id foramen frater cellula sua inclusus possit conspici a Superiore, vel Superioribus, quibus tantum hoc concedimus, ut quid agat frater, studiis ne spiritualibus vacet, an otio fortè langueat, scire possint, nec quisquam id foramen intus occludere, aut aperire audeat. Qui contrà fecerit, ieiunium panis, & aque per unum diem in medio refectorio subeat. Tabellę autem supradictę affixa sit imago Sancti alicuius in charta depicta, ex quo Sancto cellula nomen accipiat.

4. Sicut cellule dormitorii similes inter se, & uniformes esse debent, sit etiam supellex ipsarum prorsus uniformis, ut in omnibus simplicitas, & pauper-

tas monastica eluceant. In quaque cellula sit lectulus ligneus operis simplicissimi, & in eo substratus sacculus palearum, aut matta iuncea cum sacco palearum pro capitali: postremò sagum unum, aut alterum, si opus fuerit, id est, stragula simplicitatis religiosę ad corpus cooperiendum: Qui tamen voluerit super nudis tabulis somnum capere, liceat, nisi Superior nominatim prohibuerit. Imagines religiosę sint in quaque cellula duę, aut tres ad summum, eęque simplices, auro, aut argento nequaquàm illitę. Sit etiam sella cum mensula, & pluteolus, aut asser ad aliquot libros, aut alia necessaria reponenda.

5. Camini in cellis, nisi Abbati Generali, aut alicui Superiorum, vel Prędicatorum de eiusdem Abbatis Generalis licentia nemini permittantur.

6. In cellulam alienam nemini præter Superiorem ingredi fas sit, qui licentiam ab eo nominatim non habuerit. Quam tamen non concedat postquam pulsatum est ad Salutationem Angelicam vesperi, aut antequam pulsatum sit manè, aut tempore quietis meridianę. Qui secùs fecerit, jejuniò panis, & aque plectatur, aut alia pœna graviore arbitrio Superioris.

7. Quoties quis de licentia Superioris in cellulam alienam erit ingressurus, dicat ad ostium cellule, *Benedicamus Domino*. Qui autem intus est, respondeat, *Deo gratias*, nec ille antè intret, quam hoc audierit; & dum ibi ambo fuerint, sit ostium apertum. Liceat cuique fratri ingredi in cellulam Superioris, & cuique Novitio, & novo Professo in cellulam Magistri Novitiorum.

8. *Candela in eadem cella &c.* Cellę illius nomine ipsum dormitorium intelligimus, cellulis, ut dixi-

mus, distinctum, in quo candela, aut lucerna sit, aliquantò antequàm exeatur à completorio, accendenda: ut fratres, dùm è choro in dormitorium veniunt, lumen ibi reperiant. Idque lumen totam noctem usque ad diem perduret. Dormitorium autem fratribus ingressis obseretur, tradanturque claues Superiori.

9. Dormitorium, celluleque omnes singulis saltem hebdomadis euerrantur, omnibusque sordibus expurgentur. Fratres per dormitorium ambulantes placidè, & suspenso pede ambulent, ne quo strepitu alii obturbentur.

10. *Vestiti dormiant &c.* Nemo sine cuculla dormiat, quod si quis non vestitus tunica saltem, caputio, & cingulo dormierit, is ieiunio panis, & aquæ totiès quotiès plectatur.

De excommunicatione culparum.

C A P U T XXIII.

1. **Q**UAMVIS culpæ, quæ committi possunt à Monachis, tam multæ, variæ, multiplicesque sint, ut nec ipsæ, nec pænæ singulis ipsarum debite describi sigillatim ullo modo possint, ut tamen Superioribus lux aliqua afferatur, qua varietates earum possint internoscere, atque ità peccantibus pro modo culpæ cuiusque justas pœnas irrogare, opere pretium duximus culpas omnes in pauca genera conferre, & cuique generi pœnam ejus mensuræ respondentem definire; ità tamen ut ea Superioris arbi-

arbitrio frequenter augenda, vel minuenda sit; cum sæpè propter circumstantias, & culpæ suo genere leves, graves reddantur, & suo genere graves, leves fiant. Igitur, ut culpas leves taceamus, ponatur culparum majoris momenti tria esse genera, & idcirco pœnas quoque in triplici esse differentia. Quod, videlicet, S. P. Benedictus voluit, cùm tres excommunicationis modos constituit.

2. Culpæ sunt graves, graviores, & gravissimæ. Gravis culpa est, in quam qui incidit, mensæ participatione privatur. Cui pœnæ adjunctæ sunt, & aliæ; cujusmodi est prohiberi Psalmum, aut Antiphonam in choro imponere, & lectionem recitare, item refectionem cibi post fratrum refectionem capere. Quæ quidem pœna, quamvis segreget fratrem à fratrum cætu, quod ad hæc attinet, in aliis tamen rebus ab eorum consortio non sejungit.

3. Gravior culpa est, in cujus pœnam frater non solum à mensa communi, & aliis adjunctis excluditur, sed ab ipso etiam Oratorio. Quapropter omnino sermone, commercioque fratrum ei interdicitur, debetque seorsum ab aliis refici, & opus sibi injunctum facere.

4. Gravissima verò culpa est, cujus pœna propriè excommunicatio dicitur, qua qui tenetur, à Superiore tanquam membrum putridum ab omni aliorum societate præciditur, & amputatur. Qui, videlicet, præfracto, & obstinato animo contumax, & rebellis, nec verborum admonitione, nec prædictarum leviorum excommunicationum pœnis, nec corporali castigatione sanari potuit, sed ipsis remediis in graveſcente morbo animi deterior factus magis in

dies insolescit, & in superbiam majorem elatus nulli generi curationis ad sanandam ejus animam adhibere locum relinquit. Atque hæc propriè est excommunicatio canonica, quæ excludit à sacramentis, & communione fidelium, cum duæ superiores monasticæ sint excommunicationes, aut potiùs excommunicationis imagines, & imitationes quædam.

De culpa levi.

5. Culpe levis nomine intelligimus omne peccatum monachi, quod per imprudentiam, aut ignorantem admittitur, lingue errore, aut judicii minus recti vitio, oblivione, incuria, aut negligentia, aliisque hujusmodi minoris pravitatis causis, non male, aut improbo animo, qualia sunt (ut ex paucis judicium fiat de omnibus) quæ sequuntur.

6. Si quis non omnibus relictis, ut vocatur ad Divinum Officium, confestim (modesta tamen festinatione) sese contulerit in Oratorium. Si ad primum *Gloria Patri*, cujusque officii non adfuerit in Oratorio, aut sine permissu Superioris omninò ab officio abfuerit. Si in Oratorio divini officii tempore vagis, & curiosis oculis, aut quovis capitis, manuum reliquive corporis indecoro, & parùm religioso gestu, aut motu animi sui levitatem prodiderit.

7. Si quis cum in capituli, lectionis, aliorumque verborum, quæ in choro aliis audientibus unus tantum pronunciat, recitatione erraverit, aut aliud quidvis, quo turbetur chorus, admiserit, non continuo coram omnibus terram fuerit osculatus, aut si

dùm cantat cum aliis, aliquo errore lapsus, non statim terra digitis contacta satisfecerit. Si quis in choro, capitulo, refectorio, aliisue locis, in quo cœtus uniuersus fratrum conuenit, risum ediderit, aut aliis concitauerit. Si quis in inclinationibus, genuflexionibus, aliisue ceremoniis ritè, religioſèque obseruandis negligentior fuerit. Si in diuino officio dormita-
uerit, si in oratorio, aut dormitorio strepitum, quo alii obturbentur, ediderit.

8. Si cùm habeat loquendi facultatem, de rebus vanis, & inanibus sermonem fecerit. Si res monasterii negligentè tractauerit. Si vas, aut aliud quidquam ex supellectili fregerit, aut amiserit.

9. Si capitulo, aut lectioni Collationum, quę fit ante Completorium, non adfuerit, aut prætermiſſa communi Conuentus refectione, in alteram posteriorem, quę Lectoris mensę, & coquorum est, cibum capere sine licentia distulerit. Si proclamatus ab alio eum vicissim eodem die proclamauerit. Si otiosus per monasterium vagatus fuerit. Si in alterius officium se interposuerit eo inuito. Si egressus è monasterio alia loca petierit, quam ad quę licentiam eundi a Superiore acceperit. Si reuersus in monasterium non statim adierit Superiorem.

10. Hęc, aliaque huiusmodi leuiora peccata primò quidem verbis castigantur, post autem proclamatione facta in capitulo, aut coram Superiore, qui peccanti iniungat, ut psalmum, aut aliud in pœnitentiam recitet, aut in refectorio, vel alibi in conuentu fratrum culpam suam ipse palam pronunciet, eiusque veniam à Deo, & fratribus petat. Ad idem pœnæ genus pertinet humi cibum capere in refectorio. In choro

cum cessatur ab officii celebratione, passis brachiis aliquantisper preces aliquas recitare, genibus flexis precari Deum, ut sibi peccatum condonet, in aliquo abiecto ministerio versari.

II. Cui autem hæ pœnitentię nihil proderunt ad emendationem culpę, volumus, eam culpam, quamvis per se leuem, in numerum grauium referri, & pro graui haberi, atque plekti. In quo Superioris erit acri iudicio adhibito rem expendere, ut leues culpas à grauib; prudentèr discernat. Fit enim sæpè, ut peccata, quę genere suo leuia sunt, propter insignem contemptum legis, aut præcepti, proteruiamque peccantis, ad grauium peccatorum ordinem pertineant. Quare non tam quid factum sit, quam qua mente factum sit, intueudum est, ut culpa quaque iustis ponderibus examinata, quę pœna debeat peccantibus inferri, possit ritè constitui.

Qualis debeat esse modus excommunicationis.

C A P U T XXIV.

De graui culpa.

I. **G**ravem culpam incurrit frater, primum qui contrà Superioris præceptum aliquid quantumvis paruum, minimique momenti committit. Nec tamen id propterea mortale peccatum censi debet, nisi natura sua tale fuerit, aut cum contēptu præcipientis.

tis admissum sit, aut Superior in virtute sanctę obedientię iusserit. Item qui violat jeiunia regularia sine licentia. Qui cum aliquo Priorum suorum peruiaciter contendit. Qui superbę respondet Superiori. Qui alteri calumniando detrahit, aut alterum contumelia afficit. Qui cum altero rixatur siuę in monasterio, siuę foris, vel qui dedita opera mentitur. Qui silentium inutili sermone frangendi, aut in alia quacumque re delinquendi consuetudinem habet. Qui suum, aut alterius peccatum defendit. Qui literas ad aliquem mittit, aut ad se missas legit, non ante monstratas Superiori.

2. Qui negotium aliquod extraneum suscipit sine licentia Superioris, aut susceptum cum Superiore non communicat. Qui in domo seculari, aut alibi seorsum à socio cum muliere loquitur, ita nimirum; ut videri non possit.

3. His, aliisque huiusmodi grauibus culpis, ut primum admissę sunt, pęnarum, quę sequuntur, aliqua inferatur. In pane, & aqua ieiunare, aliquot dies è monasterio pedem non efferre, & interim continuo silentio obmutescere, pedes singulorum fratrum in capitulo osculari, peccatum palam confitendo, petendoque suppliciter veniam, verberibus seipsum cedere. Has, aliasque similes pęnas (cuius generis sunt, quę in Regula Sancti P. Benedicti sunt descriptę) luant, qui culpam grauem admiserint. Quę tamen pęnę arbitrio Superioris habita ratione circumstantiarum culpe, minui, augeri que possint.

De Grauioribus culpis.

C A P U T XXV.

1. **C**ULPA grauiori tenetur, qui manifesta contumacia, aut rebellione Superiori negat obedientiam, aut inobedientiam suam malitiosè defendit. Item qui cum Superiore, siuè in monasterio. siuè foris proteruè contendit. Qui contrà Superiorem aliquid occultè sruit, aut machinatur, aut ad excitandam discordiam in monasterio, vel Congregatione cum alio, vel aliis societatem init. Qui Superiorum imperium detrectans ad præsidium extraneorum, & vias ab instituto regulari alienas confugit. Qui Superiorem aliqua iniuria afficit, aut maledictis insectatur.

2. Qui pœnitentiis sibi pro culpa iniunctis defungi pertinacitè recusat, aut ad humiliora ministeria sese abiicere cum pertinacia renuit. Qui alicui sualor, & auctor est, ut aliquid graue contrà disciplinam regularem, aut præceptum Superioris faciat. Qui à regulari correctione appellat, aut appellanti consentit, vel adheret. Qui Visitator Prouincialis, aut Prior Constitutionū observantiam negligi patitur, postquam fuerit admonitus. Qui literas ad Abbatem Generalem, aut seniores Assistentes, Visitatores, Procuratorem generalè & Visitatores Prouinciales, vel ab ipsis ad alium, aut alios missas aperit, aut malitiosè detinet. Qui secreta monasterii, aut res in monasterio gestas extraneis reuelat. Qui ad altiorem quemcumque dignitatis gradum in Congregatione assequèdum auctoritate Prin-

cipis seularis, aut ecclesiastici abutitur.

3. Qui professus, aut Sacerdos sine legitima dispensatione diuini officii recitationem per integrum diem prætermittit. Qui ei, à quo offensus est, veniam petenti denegat. Qui nudum corpus alterius tangit, excepto si infirmitas valetudinis exegerit. Qui ostio clauso cum aliquo est in cellula sua. Qui recedit à consueta vestitus ratione. Qui alium quemvis iniussu Superioris, vel leviter percutit. Qui alium falsò accusat.

4. Qui ex Congregationis, aut alicuius monasterii, aut etiam fratris cuiusvis infamatione apud extraneos sibi patrociniū quærit. Isque præter alias pœnas actiua, & passiva voce priuatus sit per annum, aut ampliùs, si Superiori videbitur. Qui sussurro, murmurator, detractor, aut perspicuè mendax est. Qui vel semel inebriatur. Qui officialis in officio suo fraudem committit. Qui Donatus preces suas sciens omittit.

5. Qui vel tantulum pecuniæ sciens plus viginti quatuor horis seruat, in scio Superiore. Qui aliquid emit, aut mutuò accipit aliter, quam per Superiorem, aut Cellerarium, aut de Superioris consensu. Qui malitiosè egreditur de monasterio sine socio sibi assignato, aut cum alio, quam qui assignatus est. Qui veniens in urbem, in qua monasterium aliquod Congregationis est, non petit rectà monasterium, sed prius in aliā domum diuertit. Cuius culpæ grauitati multum accedit, si extrà monasterium pernoctet. Qui sine licentia extrà monasterium cibum capit sine necessitate.

6. Qui in monasterio non egrotus, & sine legiti-

ma licentia , vel foris , nisi in morbo , qui licentiam ei impetraret in monasterio , carnibus vescitur . Qui sine licentia nouum locum monasterio fundando accipit , aut maiorē aliquam structuram edificiū sine licentia Abbatis Generalis , aut Visitatoris Prouincialis aggreditur . Qui priuati alicuius conuenticuli conscius non patefacit , & generatim , qui cum aliquid sciat , undē Congregatio uniuersa , vel monasterium aliquod possit detrimentum capere tacet . Qui malitiosē dicit aliquid , quod Congregationi , vel alicui monasterio possit esse damno . Qui dissidium inter fratres excitat , aut factionis , seu partialitatis in monasterio , vel Congregatione exortæ particeps est ; cuius culpæ , vel qui probabiliter suspectus est , graviori pœnæ sit obnoxius .

7. Qui de pœnis sibi propter culpas irrogatis à Superiore suo apud alium , quam Abbatem Generalem , Prouincialem , aut Visitatores conqueritur . Qui Donatustonsuram Clericorum usurpat . Qui sine legitima licentia sacros ordines suscipit , cuius culpæ reus ipso facto ab ordine suscepto usque ad Capitulum Generale suspensus sit , nec possit cum eo dispensari .

8. Harum autem , aliarumque huiusmodi culparum grauiorum pœnæ sint , primū à communi mensa , & choro , & omninō à societate fratrum segregari , ut cum huius culpæ reo , quamdiū in pœnitentia est , non liceat cuiquam fratrum colloqui sine speciali licentia ; deindē cibum humi capere in medio refectorio ieiunantem in pane , & aqua ; ante , & post singulas horas canonicas , itemque post gratiarum actiones refectiōem consequentes , intrantibus in oratorium , & exeuntibus fratribus prostratum iacere ante

fores oratorii ; In cellula sua tanquam carcere conclusum manere silentium seruantem . Quibus pœnis, si culpæ magnitudo postulauerit , aliæ accedant , arbitrato Superioris (qui, cum opus fuerit , admoneat semel , atque iterum secundum Regulā) quales sunt , flagellis se cedere in conspectu fratrum per spatium temporis , quod Superiori videbitur , voce actiua , & passiuā ad tempus priuari , de munere , & officio imposito deiici , aut etiam de gradu , quem obtinet inconuentu ad infimum locum ad tempus deuolui , si Clericus est , post omnes Clericos, si Donatus , post omnes Donatos . In quibus , alijsque consimilibus , ut iustus pœnæ modus statui possit , habeatur ratio circumstantiarum culpæ cuiusque , nec quantum fieri poterit , pœnæ in Regula præscriptæ prætermittantur .

De his , qui sine iussione Abbatis junguntur excommunicatis . Cap. XXVI.

Qualiter debeat esse sollicitus Abbas circa excommunicatos . Cap. XXVII.

De his , qui sæpius correpti non emendauerint . Cap. XXVIII.

De gravissima culpa.

1. **Q**UOD si nec ita se correxerit &c. Culpam graviorem sequitur gravissima, de qua S. P. Benedictus hic agit, postquam de aliis egit. Est autem culpa gravissima, primum hæresis, quod malorum omnium profundum iure dicitur, & cuius cognitio ad maiores iudices pertinet. 2. Ea peccantis in vitio suo perniciousa, & obstinatio, ut neque peccatis abstinere, nec pœnas, aut pœnitentias sibi indictas sustinere velit; aut certè cum eas frequenter subierit, iudicio grauium, prudentiumque Patrum nullum inde sanioris mentis, aut emendationis vitæ fructum percipiat. 3. Superioris quæcumque percussio, estque percussor ipso facto excommunicatus, nec ab alio, quam ab Abbate Generali, aut ab eo, quem ille ad id nominatim delegauerit, absolui possit, ac reus confestim in carcerem detrudatur, & tùm aliis pœnis, tùm pœna circulari (quod est in capitulo omnes circumire, & genibus flexis nudatum tergum verberandum præbere) semel in hebdomada per mensem plectatur. 4. Furtum pecuniæ, vel rei grauioris, & notabilis a senioribus monasterii iudicandæ. 5. Falsificatio literarum, aut sigilli Abbatis Generalis, aut seniorum Assistentium, aut Visitatorum, Procuratoris generalis, aut etiam Visitatoris Prouincialis, aut denique proprii Superioris, vel adulterini sigilli usus. 6. Vulneratio gravis cuiuscumque fratris, estque qui vulnerauit, excommunicatus excommunicatione reservata Abbati Generali. 7. Criminis cuiusvis à quouis fratre Cōgregationis

tionis admissi quibuscumque extraneis facta revelatio, qua frater, aut Congregatio in infamiam, aut damnum aliquod incurrerit. 8. Apostasia à Congregatione. 9. Conatus transeundi à Congregationis arctitudine ad nostri Cisterciensis Ordinis mitiorem statum. 10. Castitatis cum altera persona opere commissæ violatio, vel eiusdem violationis suspicio vehemens, cuius peccati conuictus per mensem ad minimum carcere conclusus ter quaque hebdomada ieiunet in pane, & aqua, & sexta quaque feria in capitulo coram omnibus cædatur verberibus, sitque ultimus omnium professorum, aut aliis pœnis gravioribus arbitrio Superioris plectatur. 11. Excitata, aut fota, aut consilio adiuta in monasterio, vel Congregatione discordia, & partialitas. 12. Proprietatis crimen. 13. Ad impetrandum quodvis priuilegium contrà Constitutiones Congregationis adhibita contentio. 14. Quodcumque crimen capitale extremo supplicio in sæculo puniendum, qualia sunt sacrilegium, homicidium, aliaque huiusmodi, quibus infamiæ nota incurritur.

2. His grauissimis culpis, aliisque, quas ad idem genus pertinere Capitulum Generale definierit, inferantur aliquæ pœnarum, quæ sequuntur, arbitrio Superioris. Ad tempus, aut in perpetuum ab ordinum sacrorum susceptione, aut usu suspendi. Ad aliquot annos, aut in perpetuum actiua, passiuæque voce priuari, virgis cædi, ad eamdemque pœnam repeti arbitrio Superioris; ad tempus, aut in perpetuum carcere constrictum teneri; pane, & aqua tantum vesci, aut alio jejunio multari ad certum tempus, arbitrio Superioris; de gradu suo infra omnes Clericos, si Clericus est, aut infra omnes Donatos, si Donatus est, deici; omni

omni officii administratione spoliari. Quibus accedant pœnæ in Regula præscriptæ.

3. Postremò decernimus, ut quibus consuetudo est culpam leuem admittere, pœna graui multentur; quibus mos est in grauem culpam labi, pœna grauiori coerceantur; qui denique culpa grauiori frequenter peccant, pœnam grauiissimam luant. Atque ità pro culparum ingrauescentium ratione, pœnarum quoque grauitas augeatur. Vt autem calumniæ, falsæque accusationis occasio præcidatur, si quis aliquem alicuius prædictarum culparum apud Superiorem non simpliciter denunciando, sed accusando, & criminando insinulauerit, is nisi crimen, quod infert, legitime probauerit, eiusdem criminis pœnam, iuxta sacros Canones, cum infamia subeat.

4. *Vtatur ferro abscissionis.* Si quis in hac Congregatione incorrigibilis (quod auertat Deus) deprehensus fuerit, expelli ab ea non possit, nisi ab Abbate Generali de consensu sex Patrum in singulis Capitulis Generalibus ad hunc effectum eligendorum, & seruata forma Decreti SS. D. N. Innocent. XII. de Apostatis, & eiectis. Statuimus proindè, ut in unoquoque monasterio carceres sint firmi ac muniti, in quos, qui aliis remediis sanari non possunt, mittantur, & includantur, ac in pœnitentia pane tantum, & aqua vescentes per sex menses probentur; quibus completis, nisi resipiscant, è Congregatione ad formam præfati Decreti eiiciantur.

5. Crimina porrò, quibus aliquis incorrigibilis censendus est, præter ea, quæ in hoc capite descripta sunt, sint etiam sequentia. Primò, rebellio contrà Superioris mandatum, seu denegata Superiori obedi-

tia. 2. falsa accusatio, seu testimonium falsum. 3. Recursus ad Tribunalia sæcularia. 4. Conspiratio contra quemcumque Superiorem. 5. Scribentes libellos famosos. 6. Periurium in iudicio. 7. Ludus à sacris canonibus prohibitus. 8. Percussio quæcumque Superiorum. 9. Ingressus in monialium claustra ad malum finem. 10. Introductio mulierum intra septa monasterii ad malum finem. 11. Scribentes literas amatorias monialibus, aut artem alchimix exercentes.

6. Si quis ergò in præfatis excessibus repetitis vicibus inciderit, instituatur pro prima vice contra ipsum processus, & per sententiam puniatur. Si secundò in idem crimen, vel in aliud ex prædictis incurrerit, iterum prævio processu grauius multetur, & moneatur, ut ab huiusmodi excessibus in futurum sub pœna incorrigibilitatis, & eiectionis à Congregatione abstinere. Quod si indurato in malum animo, tertio iam peccauerit, processu formato, & lata sententia, in carcerem, ut supra, detrudatur, & post sex menses, si nulla sit spes emendationis, ad formam decreti præfati omninò expellatur.

7. Quo decreto tamen non prohibemus, quominus Abbas Generalis secundum priuilegia nostra, propter aliquam grauem causam fratri, qui Congregationi magno damno sit, cum Seniorum Assistentium, & Procuratoris generalis consilio licentiam transeundi ad aliam religionem dare possit; ita tamen, ut hic transitus sacris Canonibus non repugnet.

*Si debeant iterum recipi fratres exeun-
tes de monasterio.*

C A P U T XXIX.

I. **Q**UI discedunt è Congregatione duorum sunt generum, aut enim fugitivi sunt, aut cum licentia dimissi. Ac de fugitiuis quidem, nisi intra quinque dies redierint, sive habitum dimiserint, sive non, aut qui habitum dimiserint, etiamsi statim redeant, declaramus eos tanquam sancti instituti desertores, & apostatas ipso facto excommunicatos excommunicatione maiori, à qua, nisi ab Abbate Generali, aut de ejus speciali mandato absolui non possint. Qui supradicti omnes, cum redierint, carcere conclusi per quantum tempus Abbati Generali visum fuerit, tot hebdomadis, quot abfuerint, singula jejunia panis, & aquæ, singulasque flagellationes in capitulo subeant, tantumque tempus de illorum anterioritate professionis detrahatur, quantum in apostasia permanferint. Si per mensem apostatæ fuerint, sint perpetuò inhabiles ad quascumque dignitates, & gradus Congregationis. Si autem ante mensem reuertantur, voce activa, & passiva per decennium privati existant. Quas pœnas Abbas Generalis pro ratione circumstantiarum, & personæ possit augere, vel mitigare; præsertim verò, si quis sponte sua reversus fuerit.

2. Quod si retento habitu ante quinque dies reversi fuerint, quamquam excommunicati censendi

non

non sunt, jejuniis, & verberibus acriter plestantur, & tùm voce activa, & passiva, tùm ipso loco, & ordine, quem obtinent in monasterio, priventur Superioris monasterii arbitrio. Si ad apostasiam furtum rei majoris, aut aliud grave crimen accesserit, præter pœnas apostatis decretas, pro ratione facti gravius puniantur. Quod si quis in apostasia fuerit ordinatus, aut post incursum apostasiam in ea celebraverit, ab officii, quo abusus est, executione in perpetuum sit suspensus, nisi postea mutata mente in omni virtute sic enituerit, ut ab ipso Capitulo Generali cum eo dispensandum videatur. Crimina, quæ ab apostata in apostasia fortè commissa fuerint, eadem pœna, qua si in monasterio perpetrata fuissent, vindicentur.

3. Quod ad alterum discedentium è Congregatione genus attinet, qui cum venia dimissus è Congregatione exierit, & ut ad aliam religionem transeat, si intrà tempus sibi præscriptum in obedientialibus literis eadem mente discedendi à Congregatione in aliquod monasterium Congregationis se contulerit, nequaquam recipiatur. Sin autem tempus ei præscriptum fuerit elapsum, agatur cum eo, sicut cum fugitivis, aut apostatis agendum esse diximus. Qui propter gravissimam culpam in carcerē fuerit aliquando coniectus, ante Capitulum Generale non possit ad aliquam monasterii præfecturam, aut aliam maiorem dignitatem promoveri, nisi Abbas Generalis dispensaverit.

4. Qui accepta à Congregatione licentia transeundi ad aliam religionem, elapso tempore sibi præscripto, extrà Congregationem nihilominus cum scandalo, tùm Congregationis, tùm laicorum vivit, nisi

68 *Constit. Congregationis*

monitus ad officium redierit, Superiores monasteriorum Congregationis loco illi viciniorum agant cum Ordinario, ut is carcere, aliisque pœnis legitimis juxta sacri Concilii Tridentini decreta coerceatur. Quod si admonitus, ut suprâ, redierit, patientia ei imponatur infra zonam palmum descendens, sicut novitii utuntur, & eam per annum deferat, ultimus post omnes, voce activa, & passiva per trennium privatus. Quibus pœnis aliæ etiam addantur in Constitutionibus descriptæ, secundum culpæ modum.

5. Si quis post apostasiam pœnitentia ductus, & ad Congregationem reverti cupiens ad aliquod ejus monasterium se contulerit, Superior ejus monasterii, dum per literas consulit Abbatē Generalem, quid opus factum sit, apostatam loco separato ab omni aliorum commercio, & sermone segregatum contineat. Si verò animo non redeundi ad Congregationem ad aliquod ejus monasterium venerit, comprehensus in carcerem detrudatur, & cum eo agatur, ut de apostatis dictum est.

De pueris minori ætate, qualiter corripiantur.
Cap. XXX.

De Cellerario monasterii qualis sit.

C A P U T XXXI.

1. **C**ELLERARIUS monasterii &c. In quoque monasterio Cellerarii electionem ad Superiorem ejus pertinere, volumus, qui seniores suos in
 con-

consilium adhibens studeat, quam maximè poterit, ei fratrum munus hoc mandare, qui virtutibus ijs, quas S. Pater hic enumerat, sit exornatus. Qui autem electus fuerit, eam modestiam in omni parte officii sui adhibeat, eamque prudentiam, integritatem, sinceritatem, & religionem in omni re gerenda præstet, ut cum à sæcularibus moribus, ab omni avaritia, calliditate, fraude, mendacio, calumnia summè abhorreat, exemplo virtutis profit omnibus, noceat nemini. Cujus rei curam præcipuam in Superiorum animis altissimè defixam esse cupimus, idque eis quam maximè commendamus.

2. *Curam gerat de omnibus &c.* Cellerarius extrà monasterium omnia temporalia administret, sintque ei curæ prædia quæque monasterii, redditus, census, creditæ, debitæque pecuniæ. Ejus officii sit emere, aut alio modo comparare, & in monasterium comportanda, vel convehenda curare quæcumque vel ad annonam, victum, & vestitum, vel ad alios quosvis usus monasterii necessaria sunt, ad præscriptum Superioris, cui quàm diligentissimè obediat.

3. *Animam suam custodiat &c.* Ne cura temporalium rerum sic obrui se sinat Cellerarius, ut in spiritualibus langueat, cum illæ his tanquam administræ ancillari debeant. Quarè det operam, ut quàm rarissimè absit à choro, & officio divino, à meditatione, & aliis exercitiis regularibus, quæ quidem illius officium non impendant.

4. *Sine jussione Abbatis &c.* In omnibus, quæ paulò majoris momenti erunt, ut verbi causa, in frugum, vini, olei, & alius cuiusvis annonæ in longum tempus reponendæ, & aliarum rerum majorum compa-

randarum emptione, cum Superiore communicet. Non possit, nec alteri cuiquam, nec sibi ipsi communem cibum, aut potum mutare, vel augere, nisi de mandato Superioris. Quæ fratres sinè licentia in usus suos accipere non possunt, eadem nec ipse Cellerarius possit sibi.

5. *Nihil ducat negligendum &c.* Cellerarius computa, & rationes accepti, & expensi, itèm creditæ, debitæque pecuniæ quater in anno ostendat Superiori suo, ac sæpius, si iusserit. Ille autem cum senioribus monasterii horum omnium rationem ineat, & subducatur. Idemque Cellerarius hæc eadem proferat, cum Abbas Generalis, Visitatores generales, & Provinciales venerint in monasterium, visitandi causa. Similiter si ab uno monasterio ad aliud migret, omnis administrationis suæ rationem reddat Superiori suo.

6. *Solatia ei dentur &c.* Si videbitur Superiori, liceat constituere Procuratorem sæcularem monasterii, hominem spectatæ probitatis, qui in negotiis extramasterium gerendis Cellerario sit adminiculo, à fratrum commercio, & aspectu ipso, quantum fieri poterit, seiunctus: ob eamque rem, ubi monasteria sunt in urbibus, extramasterium habitet. Ac si litigandum fuerit (quod quantum fieri poterit, transactionibus, compromissis, & omni alio remedii genere, cedendo potius de jure nostro, quam omnia ad vivum refecando, caveatur) is in foro agat omnia, & cum Superiore monasterii communicet. Utatur etiam Donatis Cellerarius, præsertim ad coemendas in diem res quasque necessarias. Eorum enim opera efficiet, ut rariùs sibi prodeundum sit è monasterio. Denique quantum poterit plateas, mercatus, fora, tribunalia.

lia, & loca quæque celebriora declinet, per Procuratorem, & Donatos, aut etiam alios potiùs agens, quæ illic agenda sunt; quamvis id interdùm à monasterii utilitate alienum esse videatur.

7. Non liceat Superiori monasterii, nedùm Cellerario litem ullam cuique intendere, nisi de consensu capituli monasterii. Ubi Cellerarius ad munus suum ritè agendum procurę instrumento indigebit, teneantur monasterii Vocales instrumento hujusmodi assensum præstare, in idque compellantur (si opus fuerit) à Superiore sub pœna excommunicationis sibi reservatæ. Non possit tamen Capitulum cujusvis monasterii procuram quamcumque generalem cuivis siuè Superiori locali, siuè subdito facere, excepto Cellerario pro exigendis dumtaxat redditibus monasterii. In omnibus verò negotiis, in quibus requiritur procura specialis, non nisi pro tali determinato negotio fiat, numquam verò generalis sub pœna Superioribus privationis ab officio ipso facto incurrenda.

De ferramentis, vel rebus monasterii.

C A P U T XX XII.

I. **S**UBSTANTIA monasterii &c. Officialis qui sibi mandatum, res suæ fidei commissas, facto earum inventario, accipiat, ut cum deponet officium, aut quandocumque Superiori visum fuerit, fides ejus in eis ritè conservandis, & reddendis appareat. Superior autem monasterii habeat omnia Officialium suorum inventaria separatim descripta, ut ea novis ministris,

& Officialibus tradat, & exactis eorum officiis repetat, ac diligentè excutiat, nùm quid desit, aut dissipatum sit, aut etiam accesserit novi, vel instauratum fuerit.

2. Fiat in quoque monasterio inventarium omnium librorum ejus, & in prima pagina cujusvis libri scribatur nomen monasterii, cujus est. Scripturæ, & instrumenta omnia ad universam Congregationem pertinentia, qualia sunt Privilegia, Indulta, Bullæ, Exemptiones, Donationes rerum majorum Congregationi factæ, aliaque id genus, diligentissimè custodiantur ab ipso Abbate Generali in monasterio, in quo habitat, isque eorum reddat rationem Capitulo Generali. Copiæ autè authenticæ, & transumpta hujusmodi privilegiorum, & chartarum habeantur in quoque monasterio, ut ubicumque opus fuerit, possint à nostris jura quæque, libertates, & prærogativæ Congregationis asseri, & defendi. Quæ autem scripturæ graviores ad unum aliquod monasterium Congregationis tantum pertinent, eæ in illo monasterio servantur in capsâ tribus diversis obserata clavibus, quarum una penès Superiorem monasterii sit, altera penès Suppriorem, tertia penès Cellerarium.

3. Iniungimus autem singulis Superioribus, ut accepti, & dati librum, itemque pecunias omnes in dictâ capsâ servant, & in ipso libro quater saltè in anno acceptam, datamque pecuniam describant. Rationem præterea dati, & expensi quater in anno ineant cum Cellerario.

4. Alium librum conficiant, in quo describantur fructus proventuum ex prædiis, vineis, armentis, & aliis extrâ pecuniam numeratam, ex quo libro constet etiam, quidnam ex dictis fructibus pro ùsu monasterii

expensum sit, & quid venditum. Quorum omnium exactam rationē reddere teneantur Visitatoribus generalibus, & provincialibus in actu Visitationis. Contraficientes si admoniti fuerint, & constet de corpore delicti, irremissibiliter deponantur ab officiis, non solum in actu visitationis, sed etiam extrā, de consensu tamen Abbatis Generalis, & nisi legitimam exceptionem afferant in contrarium. Præcipimus autem Visitatoribus Provincialibus, ut invigilent super hujus decreti observantiam.

5. Constituat sibi Superior cujusque monasterii Secretarium, qui reliquas minoris momenti scripturas, & instrumenta monasterii asservet. Idemque, quæ in capitulo præcipua agentur, eorum acta diligentèr in codicem referat. Reliqua minora breviter perstringat, eaque omnia apud se habeat, & custodiat.

Si quid debeant Monachi proprium habere.

CAPUT XXXIII.

I. **P**RÆCIPUE hoc vitium &c. Cùm abdicatio proprietatis, sicut & custodia castitatis, adeo sit annexa Regulæ monachali, ut contrā eam nec summus Pontifex (juxta Canones, undè hæc ad verbum descripsimus) possit licentiam indulgere; nostrum profectò est hoc proprietatis crimen sic exhorrescere, ut ea ipsa, quæ proprietatis nullam partem attingunt, sed aditum ad eam parant, refugiamus, & decli-

declinemus; cum præsertim ea non solum paupertati, sed etiam aliis omnibus religionis, & sanctinoniæ partibus bellum indicat, atque adeò pestem, & perniciem inferat. Ad id autem efficiendum sancienda duximus, quæ sequuntur.

2. Qui monachus in proprietatis crimen lapsus esse deprehensus fuerit, cum aliis pœnis gravissimis puniatur, tum monasterium pro carcere per annum habeat, ita ut ex eo pedem non efferat.

3. Singuli fratres initio cujusque mensis omnia sibi ad usum concessa monstrent, aut scripto significant Superiori, ut ipse, quæ supervacanea videntur, adimat, quæ necessaria, concedat, idque scriptum semel minimùm in anno fiat. Ac videat Superior, nè quis extrà fines sanctæ paupertatis à Regula præscriptæ ulla ex parte prodeat.

4. Superior monasterii quater minimùm in anno omnes cellulas, & omnia loca monasterii adiuncto sibi Suppiori, vel alio ex senioribus monasterii, de improvviso perlustret, & excutiat, nè quid ullo loco desit, aut supervacuum sit, & ne quid contrà disciplinam admittatur. Eademque opera si quos animadverterit aliquarum rerum immoderata cupiditate teneri, nimioque studio aliquod retinere, aut amplecti; hujusmodi cupiditatum, & propensionum occasiones cautè, & prudentèr amputet, & excidat. Denique non patiat, quemquam rem ullam apud se habere, quam is ipsi Superiori, quandocumque vel ipso nutu repetierit, non sit libentissimè traditurus. Volumus insuper, ut in die palmarum cujusque anni iidem Superiores excommunicationem cōtrà proprietarios, incendiarios &c. juxtà formulam in Rituali, & Ma-

nuali contentam fulminent , & publicent .

5. Quidquid à quoque fratrum fuerit in monasterium allatum , aut alicui donatione , legato , ab intestato , vel quacumque juris dispositione undecumq; obvenierit , id omne non in illius proprium , sed commune statim censeatur , nec ille in eo , vel possidendo , vel utendo plus juris habeat , quam alius quivis frater , sit autem commune totius Congregationis . Liceatque Abbati Generali cum assensu Seniorum Assistentium , & Procuratoris generalis , prout ex usu Congregationis esse in Domino judicaverit , id alicui monasterio , vel pluribus tribuere , nisi tamen donantium , vel testantium , vel aliter disponentium voluntas repugnet .

6. *Omnia verò necessaria &c.* Quæ , cuique res concedi debeat , in arbitrio Superiorum sit ; ita prorsus , ut sine eorum permissu , nè usum quidem ullius quantæcumque rei quisquam sibi arroget . Multò verò minus possit de eo , quod in usum suum acceperit , disponere .

7. Concedendi cuique , quod opus est , ea servetur ratio , ut nihil cuiquam supervacaneum permitatur , nihil necessarium negetur ; ut hac ratione omnis occasio præcidatur , ea , quibus quisque indiget , alia via , quam ex Superioris concessione , sibi querendi , sive ea ad victum , sive ad vestitum , sive ad valetudinem , sive ad suscepti alicujus muneris ritè gerendi facultatem , aut alia ejusmodi pertineant . Qua in re ministrorum charitas ità diligens sit , ut indigentium petitionem antevertat .

8. Si quis sibi aliqua re , sive ad victum , sive ad vestitum , sive ad officium suum , aut aliud quidvis opus

esse existimaverit, primum convertat se ad Deum, & rectum ea de re iudicium precibus ab ea contendat. Deindè si rem Superiori patefaciendam duxerit, patefaciat in Domino, vel sermone, vel brevi scripto, nè fortè excidat ei è memoria. Quod cum fecerit, omni in Superiorem rejecta sollicitudine; securus expectet otioso animo, quod ille censuerit, nec instet, sive ad se, sive ad alium res pertineat. Quicquid autem, reintellecta, fuerit ab illo statutum, id sinè dubio, & ad honorem Dei, & ad utilitatem suam accommodatiùs, ac meliùs fore sibi persuadeat.

9. Si quæ res alicui à Superiore suo denegata fuerit, is ab alio Superiore eam rem non petat, nisi quemadmodùm illius rei ab illo petitæ repulsam tulerit, & quamobrem tulerit, adjungat.

10. Transeuntes à monasterio in monasterium nihil omninò, vel minimum secum ferre audeant, non antè monstratum Superiori monasterii, à quo discedunt, & sibi ab eo nominatim concessum. Ne ipsis quidem Superioribus liceat pecuniam apud se habere, sed eam statim suo loco deponant. Præter Cellerarium nullus omninò fratrum, nisi in itinere fuerit, habeat, aut expendat tantillum pecuniæ, nisi de Superioris expressa licentia. Sed pecuniam undecumquè acceptam, ut primum habuerit, tradat Superiori.

11. Postremò Superiores Congregationis universos, & singulos admonemus, & in visceribus Christi obsecramus, ne qua negligentia, dissimulatione, remissione, indulgentia, aut etiam cupiditate committant, ut aliqua fictione, aut interpretatione hujus vitæ communis, sanctissimæque paupertatis

divinus splendor umquàm obsolescat, nec pestiferam consuetudinem ulla die in Congregationem illabi sinant, qua frater apud se, aut apud alios ita aliquid habeat, ut si spectetur usus, & disponendi facultas, vera proprietas sit, & qui hanc fraudem admittit, verbo monachus, re proprietarius, & sæpè divitum, & abundantium in sæculo unus sit.

Si omnes æqualitèr debeant necessaria accipere. Cap. XXXIV.

De Septimanariis coquinæ.

C A P U T XXXV.

1. **N**ULLUS excusetur &c. Omnes Sacerdotes, & Clerici per vices in coquinæ ministerio adjuvent Donatos ejus officii præcipuos ministros. Qui & ipsi per vices arbitrio Superioris, quantum fieri poterit, inter ipsos mutandas ad coquinam adhibeantur.

2. Sacerdotum, & Clericorum munus in coquina exercendum è Rituali petatur. Sed & ipsos Superiores hortamur, ut cum per occupationes licebit, hoc ipso officio diligentèr obeundo, exemplum sanctæ humilitatis aliis præbere non graventur. In illorum autem officium nemo se interponat, nec in coquinam ingrediatur; eodemque modo in infirmitorium, & in cellas monasterii, quales sunt cellæ, penuraria, vinaria, vestiaria, medicamentaria, &

aliæ hujusmodi, nisi de licentia Superioris generatim, vel nominatim concessa, non liceat introire; nec cum necessitas jusserit, nisi permissu eorum, qui his cellis, aut receptaculis præsunt.

3. *Singulos biberes, & panem &c.* Mixti nomine Lectori mensæ, & septimanariis coquinæ omni tempore, concessi, quatuor ad summum panis uncias, & singulos vini scyphos intelligimus, nullo adhibito obsonio; diebus autem jejunii ecclesiastici ad summum duas uncias paulò antè lectionem sumendas.

De infirmis fratribus.

C A P U T XXXVI.

1. **N**E aliquam negligentiam patiantur &c. Superior monasterii fratres infirmos frequenter invisat, & amantèr consoletur; majorem charitatem iis præstans, quam quæ patrum naturalium in filios esse solet. Ut, qui in morbum inciderit, de Superioris licentia in infirmitorium fuerit deductus, curet Infirmary, ut quam primum peccata Sacerdoti confiteatur, & ipsum ægrum, tum ad confessionem, tum ad sacram communionem hortetur. Videat etiam diligentèr, ut qui graviùs ægrotant, Extremæ Undionis sacramento maturè muniantur.

2. Nullus æger medicum consulat, aut ab eo remedium petat, nisi Superior nominatim permiserit. Infirmary medicum prudentèr admoncat, ut cognita ratione morbi fratris cujusque, curationem, & remedia adhibenda non ægro, sed sibi separatim ex-

ponat. Ægri, ut medicis suis spiritualibus ad animæ salutem, sic medicis corporalibus, & Infirmario ad salutem corporis sanctè obediant. Si ægri mensæ simul accumbentes plures tribus fuerint, lectio non desit; eaque si fieri potest, per aliquem ex minùs infirmis facienda. Cum quis ægrorum cum quovis licentiam loquendi habuerit, loquantur in ipso infirmatorio voce submissa.

3. *Balnearum usus &c.* Balnearum nomine intelligimus domestica balnea. Quæ quidem si in aliquo monasterio fuerint, permitti possint, externa autem minimè, nec ea cuiquam concedi possint, nisi à Capitulo Generali, aut si periculum esset in mora, ab Abbate Generali. Ægri nè propter infirmitatem infrequentius utantur confessione, aut communione, cum potius earum præsidio frequentius quam sani muniri debeant.

De senibus, vel infantibus.

C A P U T XXXVII.

1. **S**ENES etsi non tam ætate, quàm corporis imbecillitate considerandi sint, sexagenarios tamen à regularium jejuniorum observantia, & à mensæ lectione omninò dispensamus, præberi-que eisdem carnes, si petierint, mandamus. Hujusmodi senum privilegio gaudere etiam decernimus, qui omninò debiles fuerint, si tales ab Abbate Generali judicati fuerint.

De hebdomadario Lectore.

CAPUT XXXVIII.

1. **M**ENSIS fratrum &c. Ubi fuerit major multitudo fratrum, secunda mensa lectione non careat.

2. *Lectio deesse non debet* &c. Legatur ad mensam primò caput Bibliorum latinè, deindè vita Sanctorum, aut certè alius liber spiritualis vulgari sermone scriptus, ut non solùm latinè scientium utilitati consulatur.

3. *Post missas, & communionem* &c. Ex his verbis occasionem nacti de sacra communione hæc statuimus. Donati decimo quinto quoque die, & festis primæ classis communicent, & frequentius, si voluerint, de licentia confessarii. Reliquos domesticos monasterii Superior hortetur, ut singulis mensibus confiteantur, & communicent, idque saltem quater in anno non liceat eis prætermittere.

4. Sacram communionem antecedit sacramentalis confessio peccatorum. Teneantur quique non Sacerdotes semèl in hebdomada confiteri, & communicare, die, videlicet, Dominico, & festis etiam primæ classis. Moneanturque Clerici, ut frequentius, ac saltèm semèl præter diem Dominicum confiteantur. Sacerdotes ter, aut frequentius in hebdomada, bis certè non prætermittant. Qui Superioris permissu sacra communione interdùm abstinerit, confessionem tamen constituto tempore faciendam
non

non prætermittat sine licentia Superioris .

5. Quod attinet ad casus reservatos , servetur decretum Clementis Octavi . Julium , vel summam julio æquivalentem furatum esse , in hac Congregatione peccatum mortale censeatur . Quare juxta dictum decretum casus Superiori reservatus esse possit . Minoris autem pecuniæ , vel rei furtum minimè ; cum per id decretum ejusdem furti peccatum reservari possit à Superiore , quod peccatum mortale est .

6. Nemo constituatur Confessarius , tùm fratrum , tùm sæcularium , nisi prævio examine approbatus , & habita in scriptis licentia , aut à Visitatoribus generalibus , aut provincialibus , aut ab ipso Abbate Generali , aut certè ab aliis eorû mandato . Quibus Superior cujusq; Monasterii proponat Sacerdotes , quos ei muneri idoneos judicaverit . Si quo tamen casu inciderit , ut repente confessarii monachorum , ac fratrum desint in monasterio , liceat Superiori ejus prævio examine probatos confessarios constituere , idque donec à Visitatoribus generalibus , vel à Visitatore provinciali , vel ab Abbate Generali approbentur , vel improbentur . Confessariis monachorum sic approbatis liceat , accedente Superioris monasterii licentia , quorumvis monasterii fratrum , itemque domesticorum sæcularium , & postulantium habitum Congregationis , ut primùm in monasterium admissi sunt , confessiones audire .

7. Superior monasterii fratri alicui confessarium habenti , alium specialem confessarium ad tempus aliquandò concedat , si petierit . Non liceat ulli nostrum alii cuiquam Sacerdoti extraneo confiteri , nisi

82 *Constit. Congregationis*

in itinere , cum deest Confessarius Congregationis.

8. Hic autem fratres Congregationis magnopere hortamur , ut cum peccati morbo languentium animarum remedium confessione præsentius nullum sit , præter ordinarias confessiones bis in anno confessionem dimidii anni generalem faciant . In cujus rei gratiam Superiores monasterii casus omnes sibi reservatos , & potestatem ab eis absolvendi , quam habent , non bis quidem , sed semel in anno confessariis impertiant .

9. Nullus ad publicum examen mittatur , nisi antea , ut supra examinatus sit , & approbatus . Qui autem sine hujusmodi approbatione , & licentia , vel cum sola Episcopi , vel alterius ordinarii facultate sæculariū confessiones audire præsumpserit , privationis vocis activæ , & passivæ , & perpetuæ inhabilitatis ad audiendas confessiones pœnam ipso facto incurrat .

10. Non possint confessarii , vel alii nostrorum negotia temporalia quorumlibet sæcularium procuranda ; vel pertractanda suscipere , nisi re prius cum Superiore communicata , & de ejus licentia .

De mensura ciborum .

C A P U T XXXIX.

1. **D**UO cocta pulmentaria &c. Communia cibaria Congregationis præter panem sint omne genus leguminum , olerum , fructuum arborum , & lacticiniorum , ovorum item , & piscium .

2. Iter facientes in jejuniis regularibus omnino
dispen.

dispensamus. Diebus quibuscumque jeunii ecclesiastici, & toto Adventu ab ovis, & lacticiniis abstinenceur eodem modo, quo in Quadragesima. In locis tamen olei penuria laborantibus, ubi sæcularibus in ipsa Quadragesima butyro pro oleo vesci licet; possit ijs temporibus Adventus, & jejuniorum butyrum pro oleo ad condiendos cibos dumtaxat, non in obsonium, aut pulmentum adhiberi.

3. Pisces apponendi non exquisiti, aut sumptuosi, sed vulgares, & viles sint, & quibus vesci solent pauperes, nè sumptuosæ lauitiæ indignitate sanctæ paupertatis decus pulcherrimum violetur. Piscium obsonii, non plus quinque unciis in singulos fratres apponatur, aut certè senis, jejunii tempore, nec ova, & pisces simul apponantur, nec ova plura binis in singulos. Simplex sit, & minimè exquisitus apparatus ciborum.

4. *Panis libra una &c.* Panis cibarius sit, & communis. Hospitibus tamen, & ægrotis possit melior dari. Tantùm panis apponatur in mensa, quantum necesse est, cum panis libra, quam Regula permittit, tanta sit, ut cuicumque homini sufficiat.

5. *Carnium verò quadrupedum &c.* Multò magis volatilium, quod ab ipsis iter facientibus arctissimè servetur, nisi propter eum morbum, qui in ipso monasterio licentiam vescendi carnibus mereretur. Itaque sciat hæc Congregatio omni victu, cibatuque carniū cujuscumque generis sibi esse penitus interdictum.

6. Præcipimus ergò, ne quis tam in monasteriis, quam in civitatibus, & locis, in quibus, vel propè quæ, sita sunt monasteria, & in Grangiis, ac prædiis, vel à monasterio dependentibus, vel vicinis, palàm, vel

furtivè carnes comedere præsumat, aut comedi permittat, nisi in casibus, quos Regula, & Constitutiones, sacrique Canones nominatim excipiunt. Superiores, qui contrà hoc decretum fecerint, pœnam suspensionis ab officio ad arbitrium Abbatis Generalis, aut Visitatoris provincialis, aut etiam Visitatorum generalium in actu Visitationis incurrant. Monachi verò, qui in hoc deliquerint, priventur voce activa, & passiva. Donati verò, si carnes quoque manducaverint, vel paraverint carceri mancipentur per mensem ter in hebdomada eo durante in pane, & aqua jejunantes.

7. Prohibemus etiam, ne quis hujus à carnibus abstinentiæ ullo unquam tempore, vel modo, vel per se, vel per alium, directè, vel indirectè, ex toto, vel ex parte dispensationē petat. Qui fecerit, procuraverit, aut proposuerit, ipso facto voce activa, & passiva privatus in perpetuum careat, & ad quæcumque Congregationis officia factus inhabilis, aliis prætereà gravibus pœnis arbitrio Abbatis Generalis irrogandis puniatur; non obstantibus quibuscumque concessionibus victus carniū à summis Pontificibus olim ordini nostro Cisterciensi datis, quibus aliquis forsan in perniciem regularis observantiæ, qua hæc Congregatio utitur, abuti velit.

8. Donati eisdem cibis utantur, quibus reliqua Congregatio, & ab Idibus Septembris usque ad Pascha in memoriam passionis acerbissimæ Domini nostri Iesu Christi, sexta quaque feria jejunent; sic tamen, ut liceat eis meridie refici, & ad vesperam aliquantulum panis, & vini pro collatione sumere. Omnium sanorum fratrum monasterii, tum Superiorum, tum

subditorum iidem prorsùs, & genere, & conditura, & quantitate cibi sint, idemque panis, & vinum.

De mensura potus.

C A P U T XL.

I. **H**EMINAM vini &c. Quoniam parum constat, cujus mensuræ fuerit hæc hemina vini a Sancto Patre Benedicto in potum constituta, eam vini quantitatem existimamus singulis esse apponendam, qua utpotè necessitati suffectura, in tota Congregatione hætenùs usi sumus. Vinum non meracum, sed dilutum aqua mensis apponatur. Diluatur autem pro ratione acrimoniæ, ut generoso vino plus aquæ misceatur, vulgari minùs, arbitrio Superiorum. Apponatur etiam urceolus aquæ, ut possit qui voluerit dilutiùs bibere.

2. Quibus propter laborem, quo se fatigaverint, aut propter naturalem constitutionem corporis mensura communis non suffecerit, Superior, cum id ita esse compererit, possit, quod deest ei mensuræ, quantum necessitas, non quantum intemperantia postulerit, supplere; quod quidem si ad longum tempus concedendum sit, adhibitis in consilium senioribus, concedat. Quisquis vino prorsùs abstinere voluerit, id sine licentia liberè possit, nisi Superior prohibuerit.

3. Scyphis, aut pateris aliis, quàm fictilibus; aut ligneis, utraque manu ori admovendis uti non liceat.

Nulli liceat extrà refectiōis tempus, nec sanis extrà refectōrium, nec infirmis extrà Infirmitorium bibere, nisi nominatim concessum fuerit, sanis quidem à Superiore, infirmis autem ab Infirmaryo.

Quibus horis oporteat reficere fratres.

C A P U T X L I.

1. **I** EIUNENT usque ad Nonam &c. Diebus jejuniorum, tùm hyeme, tùm æstate, præterquàm in quadragesima, fratres à Nona hora ante meridiem celebranda exeuntes ad refectōrium accedant.

2. *In quadragesima verò &c.* In quadragesima verò cum Nona sic dicta fuerit antè meridiem, ut inter ipsam, & Vesperas hora antè meridiem dicendas, aliquantùm temporis interiectum sit, Vesperis absolutis ad refectiōem eatur. Omni die jejunii regularis extrà Adventum in collatione serotina à Paschate ad 13. Septembris inclusivè antè, & ab hac die usque ad Pascha post Completorium sumenda, cum pane, qui uncias quatuor excedere non debet, singulis fratribus acetarium apponatur crudum, vel coctum, vel aliquis fructus coctus item, vel crudus, & nihil aliud, quod jejuniō ecclesiastico incompatible sit.

3. Dispensamus autem, ut in festis tam primæ Classis, quàm B. Mariæ Virginis, & ab Ecclesia præceptis, quæ extrà Adventum occurrerint. Itemque in Natalitiis sanctorum Mauri, & Placidi, & in festo omnium

omnium sanctorum monachorum propter eorum reverentiam non jejunetur.

4. Superiores locales teneantur singulis mensibus concedere suis monachis prandium, seu cœnam in aula hospitum, ut aliquantisper ab asperitatibus jejuniorum, aliisque regularis vitæ oneribus allevientur.

5. Nullum cibi genus apponatur in secunda mensa, quod in priore appositum non fuerit. Qui fortè in mensa jure, vel vino effuso mantile suum fœdaverit, aut alia quavis graviore imprudētia peccaverit, surgat, & pro ratione erroris Psalmum *De profundis*, vel *Miserere mei*, stans in loco suo voce submissa pronunciet.

6. Nullus fratrum priori mensæ sine licentia Superioris desit, præter Servitores, Ministros coquinæ, & Lectorem. Qui autem defuerint, obeant secundam mensam, ne tertiam addi unquam necesse sit. Nemo explicet mantile suum, aut edere incipiat antè signum ab eo, qui præsidet, in refectorio datum, quod quidem post inchoatam lectionem dari debet. Nec rursus peracta refectiōe quisquam complicit mantile suum, nisi præses signum dederit.

7. Nullus extrà refectorium, & refectiōis horas quicquam cibi, vel potus capiat, nisi Superior nominatim permiserit. A Paschate ad festum S. Crucis in capite jejuniorum ante Completorium, reliquo verò tempore post Completorium cœnetur.

Ut post Completorium nemo loquatur.

C A P U T XLII.

I. **O**MNI tempore &c. In oratorio, dormitorio, refectorio, claustris, & capitulo non solum post Completorium, sed reliquo etiam omni tempore inviolabilis silentii lex servetur. Nec dispense Superior, ut in ijs locis silentium frangatur, nisi necessitas urgeat. Arctissime etiam servetur silentium in toto monasterio à Completorio ad exitum à Prima diei sequentis, itemquè meridianæ quietis tempore, videlicet, à meridie usque ad Nonam. Aliis autem horis liceat de rebus necessariis breviter loqui. Sermonem autem longiorem habere, aut extraneos alloqui sine licentia fas non sit. Dum horæ canonicæ celebrantur, silentium sit in toto monasterio, nec tùm nisi propter necessitatem, & submissa voce loqui liceat. Eadem lege, qua silentium indicitur, prohibetur etiam omnis strepitus in monasterio. Quare omnibus horis silentii summa religione caveant fratres, ne quod opus faciant, quo strepitus, aut fragor, aut stridor excitetur.

*De his, qui ad opus Dei, vel ad mensam
tardè occurrunt.*

CAPUT XLIII.

1. **A**D horam divini officii &c. Cùm officium Beatissimæ Virginis ad formam Breviarii monastici susceptum solis Nocturnis, & Vesperis officii majoris præcurrat, statuimus, ut qui in ejus officii Beatissimæ Virginis Nocturnis ad *Gloria Patri* primi Psalmi, qui post hymnum dicitur, aut in diurnis horis ad *Gloria Patri* primi Psalmi, non adfuerit, aut initio Completorii, cùm dicitur, *Adjutorium nostrum in nomine Domini*, defuerit, in negligentiae pœnam non in locum suum, sed in eum, qui peccantibus in hoc genere constitutus est, toti choro conspicuus, se conferat, ibique stans moretur, donec Præses chori signo dato potestatem ei faciat aliis sese in ordine suo adiungendi. Qui in missæ celebratione occupatus, aut aliàs concessu Superioris distentus ad divinum officium, aut ad mensam in tempore adesse non potuerit, is statim sine ulla satisfactione locum suum petat.

2. *Usque ad secundam vicem corripitur &c.* Hæ duæ castigationes sic fiant. Qui defuerit versui *Gloria Patri*, qui mensæ benedictionem antecedit, satisfaciat super genua, hoc est flexis genibus, & capite paulum inclinato, donec surgendi signum det qui præest. Superior si tardiùs quàm supra constitutum est, in chorum venerit, accedat, & ipse ad locum negligentibus

tibus destinatum, ibique terra digito contacta, non expectato aliquo signo rectà locum suum petat. Similiter quocumque Superiore sive majori, sive locali tardè accedente ad refectorium, absente Abbate Generali, necnon respectivè ad Superiores locales, Visitatore provinciali, lector mensæ cesset à lectione, idemque Superior facta profunda inclinatione ante Crucem, sive imaginem rectà petat locum suum. Si quis dum in choro, capitulo, aut alio quocumque congregatorum fratrum cætu est opus habet ad breve tempus indè discedere, is ex ipso loco suo se versus eum, qui præest, inclinet. Qui autem discedere volet, non reversurus, genu flexo ante ipsum Præsidentem, verbo, vel signo licentiam accipiat.



*De his, qui excommunicantur quomodo
satisfaciant* Cap. XLIV.

De his, qui falluntur in oratorio.

C A P U T XLV.

I. **S**IQUIS dum pronunciat &c. Quotiès quis in choro psallens malè pronunciat, aut in incipiendo versu præceps, aut in finiendo tardus est, aut aliud quidpiam incauta pronūtiatione levitèr peccat, totiès pro errore terrā manu tangens satisfaciat. Qui verò in Antiphona, aut Psalmo imponendo, aut in alio quovis eorum, quæ choro audiente unus pronunciat, erraverit, osculetur terram.

*De his, qui in aliis quibuslibet rebus
delinquant.*

C A P U T XLVI.

I. **A**NTE Cōgregationem ipse ultrò satisfecerit, &c. Ternis diebus singularum hebdomadarum, hoc est feria secunda, quinta, & sabbato, nisi in festis primæ classis occurrerint, capitulum habeatur in quoque monasterio ad emendandas, & recognoscendas culpas, in quo servetur ordo, & ratio in Ritua-
li

li descripta. In eo capitulo unusquisque fratrum se de peccatis externis, quæ contrà Regulam, Constitutiones, vel præcepta Superioris admiserit, breviter, & apertè palàm ipse accuset, & pœnitentiam à Superiore indictam æquo animo accipiat, religiosèque subeat. Id, videlicet, menti S. P. Benedicti jubentis hoc loco Regulæ, ut ante Congregationem eatur ad satisfaciendum pro culpa, maximè consentaneum est. Possint etiam qui deliquerint, non expectato capitulo, continuò post admissum delictum apud Superiorem satisfacere.

2. Qui proclamatus fuerit, aut seipsum proclamaverit, toto corpore humi prostratus iaceat, & iussus surgere profundè se inclinet, expectans indicendam pœnitentiam. Non prætermittatur officium fraternæ correctionis ab ipso domino præceptum, juxtà Sanctorum Patrum præscriptum in graviùs peccantes religiosè præstandum, quod hujusmodi est. Qui peccare fratrem animadvertit, opportunum tempus, & locum nactus, eum primò remotis arbitris secretò moneat, modum ad emendationem quàm maximè accommodatum adhibens. Si perstet ille in peccato, coram uno, aut altero vocatis iterùm moneat; ut peccans eorum unà commonentium consentiente judicio, aut etiam auctoritate moveatur, vel certè testimonio, si opus fuerit, vincatur. Quod si ne tunc quidem vitium emendet, tùm sanè palàm in capitulo, vel apud Superiorem separatim eum deferat, ut qui ad monentium voces obsurduit, saltem pœnæ à Regula, vel Constitutionibus præscriptæ, vel arbitrio Superioris inferendæ acerbitate commotus experegiat, & resipiscat. Sint autem, qui ad secundam
-moni-

monitionem adhibentur, Seniores, aut alii virtute præstantes, quorum consentiens cum admonente iudicium plùs habeat ponderis ad peccantem promovendum.

3. Nulli tamen Donatorum liceat nec extrà, nec intrà capitulum monachos choro addictos proclamare, nec eorum culpas in capitulo audire, sed tales suas culpas in capitulo simpliciter fateantur, & statim recedant.

4. Si compertum fuerit, aliqua peccata committi, magnum damnum monasterio, aut multis allatura, nisi celeritè comprimantur, periculumque sit in mora si monitionis fraternæ ratio, quam diximus, servetur, aut spes fratris monitione corrigendi nulla appareat, prætermiſſa monitione res ad Superiorem deferatur; si tamen explorata fuerit. Qui monitionis officium præstaturus erit, id magna cautione, prudentiaque faciat; præsertim si ætatis gravitas, aut longi temporis in religione transacti auctoritas illi defuerit. Omni remota arrogantia, & indignatione rei suaptè natura molestæ asperitatē summa mansuetudine, humilitate, & spiritu lenitatis, & charitatis planè fraternę temperet, atque condiat, considerans seipsum, nè & ipse tentetur, & reprehendendi fratris initium à sui reprehensione ducens.

5. Pœnæ, aut pœnitentiæ à Superiore monasterii constituentur. In gravissimis tamen, quales sunt, quas descripsimus cap. 28. consulat Visitatorem provincialem, aut etiam Abbatem Generalem, qui de participatione suorum respectivè Consiliariorum, pœnam constituent: quod quidem de peccatis manifestis intelligi volumus.

6. Hujusmodi autem capitula, cùm de causis, & remediis vitiorum differendi campum ingentem aperiant, eam occasionem Superior non amittat de manibus, sed opportunitatem oblatam ad admonendos suos diligenter arripiat.

De significanda hora operis Dei.

C A P U T XLVII.

1. **T**ALI sollicito fratri injungat &c. Sacristæ, vel alterius prudentis, & attenti fratris, cui Superior mandaverit, partes sint officii cujusque divini die, noctuque celebrandi signum pulsu tintinabuli dare, & fratres è somno tùm ante vigiliis, tùm post quietem meridianam crepitaculi sonitu excitare. Sit autem Sacrista, si fieri poterit, ex ordine Sacerdotum, aut certè Diaconorum.

2. In qualibet sacristia capsula sit duabus clavis obferanda, quarum una sit penès Superiorem, altera apud Sacristam. In ea reponantur omnes pecuniæ, quæ veniunt tùm pro missis celebrandis, tùm pro eleemosynis. Eodem tempore, quo dictæ pecuniæ extrahuntur, scribantur in libro, qui vulgò dicitur, *della cassa comune*. Invigilent autem Visitatores omnes, ut ista Constitutio omninò servetur. Quod si invenerint aliquem Superiorem in hoc deliquisse, eum suspendant ab officio per duos menses.

3. Sacrista Sanctorum reliquias quàm diligentissimè custodiat sub clave à Superiore monasterii tenenda, nec ulli, vel minima earum pars detur, nisi

ob gravissimam causam, & de Abbatis Generalis licentia. Cætera de ejus officio petantur è Rituali.

De opere manuum quotidiano.

C A P U T XLVIII.

1. **O**CCUPARI debent fratres &c. Viæ nihil operantium (inquit sapiens) stratae sunt spinis, & multam malitiam docuit otiositas. Quo circa luminum illorum rei monasticæ SS. Basilii, Benedicti, & Bernardi sanctissimo exemplo invitati fratres quique Congregationis nostræ, animo non solum æquo, & libenti, sed etiam alacri, atque avido, horis à regula constitutis in opus manuum diligenter incumbant; idque publicè in cætu aliorum, nisi propter gravem causam Superior aliter jusserit. Ad opus manuum à fratribus congregatis faciendum, ii signa minoris alicujus tintinnabuli jussu Superioris, aut Supprioris dato convocati celeritè, studiosèque conveniant, nisi cui infirmitas corporis, aut alia gravis causa justam excusationem dederit.

2. In omni fratrum communi exercitatione, si fieri poterit, nunquam desit pii alicujus libri vulgari sermone scripti lectio clara voce distinctè faciendâ. Absit autem, quantum fieri poterit, omnis alia vox, susurrus, & mussitatio, summumque silentium servetur. Ex quo quantum decus exercitationi per se pulcherrimæ accedat, dici non potest. Nec tam quod agunt fratres cogitent, quam propter quod agunt, perpetuò memores cum S. Bernardo, illius versus

Davidici : *Omnis consumationis vidi finem*.

3. De genere operis cujusque tùm in cœtu , tùm privatim faciendi constituat Superior . In primis autem videat, ut honestum sit , & quo sæculares ad vanitatem , aut delicias abuti non possint . Donati labore manuum, continuootium tanquam hostem capitalem acriter insectentur , Nullus Donatorum literas legere , aut pingere doceatur , nec ullam partem Grammaticas , aut artis , scientiæve literariæ cujusquam attingat ; sed in suo quisque officio , & ministerio summa , simplicissimaque humilitate diligenter in Domino versetur .

4. *Lectiōni vacent* . Horas à regula lectiōni assignatas fratres in cellula quisque sua ad lectiōnem librorum spiritualium conferant , aut etiam , si voluerint , ad orationem . Quod si vel propter officia monasterii , quibus fortè fuerint implicati , vel propter negotia sibi à Superiore mandata , non possint , excusati censeantur . Caveant autem nè specie lectiōnis , aut orationis languori se dent , vel obrepenti somno cedant, cùm se quantum abditos hominibus , in conspectu Dei esse sciant, juxtà illud Pauli : *Omnia autem nuda , & aperta sunt oculis ejus* , & tùm admissæ fraudis , tùm amissi temporis graves pœnas ei datueros . Ne autem id temporis quisquam vagetur per monasterium , seniorum deputatorum iisdem horis monasterium circumeuntium diligentia provideat . Libros ad facultatem , & captum suum accommodatos unusquisque à Superiore accipiat .

5. *Horis incompetentibus* . Horas incompetentes declaramus esse omnes horas divini officii , & silentii nocturni , hoc est , à Completorio ad Primam diei sequentis

quentis absolutam , itemque tempus meridianæ
quieti æstate concessum .

De Quadragesimæ observatione .

C A P U T XLIX.

I. **I**STIS diebus quadragesimæ &c. Quadragesimæ
initium in hac Congregatione , quod ad ci-
borum abstinentiam attinet, secunda feria post Do-
minicam Quinquagesimæ fit . Adventus verò ini-
tium , prima Dominica Adventus .

*De fratribus , qui longè ab oratorio labo-
rant , aut in via sunt. Cap. L.*

*De fratribus, qui non satis longè proficif-
cuntur. Cap. LI.*

De Oratorio monasterii.

C A P U T LII.

I. **E**XPLETO opere Dei &c.. Absoluto quo-
que divino officio, antequàm signum detur
exeundi ex oratorio ; per spatium psalmi , *De pro-
fundis* , quiescat ; quo tempore qui fortè aliquid
omiserit ex divino officio , suppleat .

2. Si quis fratrum post divinum opus expletum, tempore lectioni constituto mavult in oratorio præcari, liceat.

3. *Simpliciter intret, & oret &c.* Cum oratio sit animæ sanctæ firmissimum præsidium, atque robur, & ut ait S. Augustinus, pœnitentiæ religionis laus tota, fratres nostros, etiam, atque etiam hortamur in Domino, ut S. Bernardum audientes studeant furari aliquandò se à semetipsis, & à propria quæstione furripere, jaculari animos sæpè, & vibrare corda in id, quod suum est, & quod quantò naturalius, tantò suavius est. Hoc enim est, quod dicit Dominus *Vacate, & videte, quoniam ego sum Deus*. Nec verò dubium est, quin quo vehementiùs in hoc studium sanctissimum incumbant, hoc suavius jugum, & levius onus religionis sint reperturi; cum iis contrà, apud quos oratio friget, religio sit *jugum illud ferreum Moysis, & Zachariæ plumbi talentum*, & onus prorsus intolerabile.

De hospitibus suscipiendis.

C A P U T LIII.

I. **M**ENSA hospitibus apponatur frugalis, & redolens temperantiam, & paupertatem religiosam, juxta Constitutionem Clementis Octavi fel. record. absitque ab ea cibus omnis carniū. Qui verò carnes intrà Monasterii septa eis apposuerit, plectatur pœna Abbati Generali arbitraria. Hospitum mensæ, quantum fieri poterit, adhibeatur lectio, quæ

quæ signo dato à Superiore, cum ei videbitur opportunum, desinat.

2. *Non inquietent fratres &c.* Plus triduo non liceat hospites in monasterio habere etiam si sint artifices, sine consensu capituli monasterii. Nec ad commune refectorium cum fratribus admittantur; nisi fortè Superior id eis propter aliquam insignem conditionem, præsertim virtutis, & religionis, tribuendum censeat.

3. Monachis nostris hospitibus, si ex aliena Provincia advenerint, ultrà diem, quo erunt in hospitio, apponatur in refectorio per octo dies, præter ea, quæ cæteris dabuntur, pitantia una, cum fructibus. Iis verò, qui ex eadem adveniunt, per tres dies id agatur, & utrisque per eosdem dies jejuniorum regularium etiam diebus detur cœna in refectorio, servato tamen silentio.

4. Nullam ob causam liceat quemquam extraneum in monasterium ad habitandum admittere; nisi fortè Abbas Generalis cum consilio Seniorum Assistentium, & Procuratoris generalis, id alicui fundatori petenti propter gravem causam concedendum duxerit. Si quis extraneorum loca regularium monasterii, qualia sunt oratorium, capitulum, dormitorium, & refectorium visere cupierit, id ei postulanti concedi possit. Nè tamen in ullam cellularum introducatur, nisi monito prius fratre, cujus est cellula. Nemo, nisi permissu Superioris ab extraneis consilium petat.

5. *Hospitibus autem, cui non præcipitur &c.* Nemo, qui ad loquendum cum hospite, aut extraneo fuerit adhibitus, quicquam eis enuntiet eorum, quæ gesta,

aut gerenda sunt in monasterio, nisi communia, & ad ædificationem opportuna. Similiter neque Constitutiones, neque alia scripta ad Congregationis disciplinam, institutionem, confirmationem, aut aliud ejusmodi pertinentia, nisi Superior nominatim permiserit, cum eis communicet.

Quod non debeat monachus literas, vel eulogia accipere.

C A P U T L I V.

1. **S**IBI invicem literas, aut eulogia &c. Caput hoc regulæ de non mittendis, aut accipiendis literis sine licentia Superioris, quàm arctissimè, sanctissimèque servetur. Ac videat Superior literas utrasque, tum acceptas, tum mittendas; nisi à Superioribus superioris, aut ad eos scriptæ fuerint. Literas cujusque sive ad Abbatem Generalem, Assistentes, Visitatores generales, Procuratorem generalem, & Visitatores provinciales, sive eorumdem Superiorum ad alios quoscumque directas, qui retinuerit, vel aperuerit, nisi ab eodem Abbate Generali, vel de ejus mandato, à nemine absolui possit.

2. Qui nisi de licentia Superioris sui ad alios, quàm Superioris Superiores literas scripserit, aut ab aliis, quàm Superioris sui Superioribus missas legerit, locum suæ professionis pro prima vice ad tres menses, ad sex pro secunda privatus existat ultimo loco ponendus. Quod si jam tertio peccaverit, voce activa,

& passiva per annum omninò careat. Qui verò carent voce activa, & passiva, pœnas luant cœdendo se flagellis in refectorio semel in hebdomada per mensem. Ut autem huic periculo occurratur, prohibemus ne quis literas à quoquam fratre sibi traditas, ut det, aut curet perferendas, accipiat, ut hoc officium illi præstet, nisi permissu Superioris.

3. Constituimus etiam, ut quæcumq; literæ Portario monasterii traditæ fuerint, eas ille nequaquam ei det, cui inscriptæ sunt, ac ne significet quidem se accepisse, sed Superiori tantum reddat. Si contrà fecerit jejunio unius diei panis, & aquæ puniatur. Eodemque modo quisquis frater literas cuicumque fratrum, vel sibi inscriptas extrà monasterium acceperit, eas cum pervenerit ad monasterium, Superiori det, alii prætereà nemini sub eadem pœna. Si quis monstratis Superiori literis, aliud quicquam eis adscripserit, graviter puniatur. Superior literas fratrum mittendas, cum legerit, ipse obsignet, seu sigillet, vel secretario suo tradat sigillandas. Literas porrò sic monasterii sigillo non munitas (si ad Subditos à quocumque non Superiore destinantur) eis, quibus mittuntur dari omninò interdictum sit: sed eas cum Superiores acceperint ad Visitatores provinciales transmittant, & illi ad delinquentis scriptoris Superiorem remitti curent, eundemque admoneant, ut transgressorem pœnis jam statutis, nulla excusatione admissa puniat, & coerceat. Ea simplicitate iisque titulis literæ quæque scribantur, qui in formula tradita in Rituali exponuntur.

4. *Vel quælibet munuscula &c.* Quicquid mitti, vel donari cuivis fratrum à quavis persona contigerit, id

primum tradatur Superiori. Cui liberum sit id cui-
cumque voverit, dare, & in quemcumque voluerit,
usum conferre, tanquam aliam quamvis rē monaste-
rii. Quod si dandum censuerit ei fratri, in cujus gra-
tiam donatum fuerit, ita det, aut potius uten-
dum concedat, ut contra communia instituta disci-
plinæ regularis hujus Congregationis nihil admitta-
tur. Constitutio Clementis Octavi fel. recordat. *De*
largitione munerum ad literam accuratissimè tenea-
tur in Congregatione. Quæ quidem nobis, & ad Re-
gulæ caput ritè servandum, & ad nos à tetro, pestife-
roque vitio|proprietas vindicandos magno|præsidio
erit. Non liceat cuiquam, nec per se, nec per alterum,
directè, vel indirectè quicquam ab ullo extraneo pete-
re, nisi permissu Superioris.

De Vestimentis, & Calceamentis
fratrum.

C A P U T LV.

1. **D**E quarum rerum colore &c. Vestimenta fra-
trum, & Congregationis omnia sint alba
ex vili, & rudi panno, juxta regulam. Ut in tota
Congregatione eadem sit forma vestitus, nec varietati
locus ullus detur, ejus forma in Rituali descripta in
officio Præfecti vestiarii, ab omnibus eodem modo di-
ligentèr, religiosèque servetur.

2. *Per singulos cucullam, & tunicam &c.* Cuculla
cingulo ex eodem panno facto semper cinta sit, capu-
tio superinducto.

3. *Scapulare propter opera &c.* Scapulare propter opera concessum, tantumque gestandū in opere manuum ex tela alba sit, habeatque Caputiolum assutum.

4. *Indumenta pedum pedules, & caligas &c.* Omnes monachi, & fratres hujus Congregationis, juxta regulam S. P. Benedicti tam in monasteriis, quam extra incedant calceati juxta consuetudinem antiquissimam, & immemorabilem ordinis nostri Cisterciensis, & omnium aliarum Congregationum monasticarum. Adeoque teneantur Superiores singulorum monasteriorum in vigilia S. P. N. Bernardi quotannis tribuere suis monachis, & fratribus tibialium paria tria, par unum calceorum, & par crepidarum, & fæmoralium lineorum paria duo. Calcei autem sint nigri coloris, forma simplices, sine omninò ocellis, sed clausi, coriaceo ligamine adstringendi, ac prominentiori calcaneo carentes; quibus autem pro toto anno par calceorum non sufficit, teneantur Superiores præfati de altero providere; quod idem dictum sit de tibialibus, & aliis ad vestitum spectantibus. Tibialia verò non permittantur, nisi ex panno albo communi, lana, vel tela, aut crassiori filo. Caveant autem Superiores monasteriorum omninò, nè sub pœna depositionis ab officio tradant fratribus pecuniam, sed ipsas omninò res.

5. Possit, & pileus ad fovendum caput indigentibus à Superiore concedi sub caputio numquam detegendus, nisi loco ab arbitris remoto. Iter facturis hyeme fæmoralia lanæ, si petierint, dentur. Iisdem Viatoribus Galeri albi simplicissimi dentur, & si voluerint, detur, & ipsis pallium ex panno albo vilissi-

mo, absque collari, paulò infrà genua demissum, fibula, vel uncinulo suprà pectus adstringendum, sudatoria etiam ex tela crassiore, nullo prorsus opere adhibito; nunquam autem indusia, vel camisia, nisi in morbo, & cum licentia Superioris. Concedatur, & ipsis ocrearum usus, quæ tamen monasticam modestiam, & paupertatem redoleant. Pallio supradictò uti possit qui voluerit, in choro hyemis tempore à festo, scilicet, omnium sanctorum usque ad Pascha, dum dicuntur vigiliæ dumtaxat; & quotiès necessitas exegerit exeuntibus è monasterio uti galero liceat.

6. Ægrotis fratribus, & ex morbo decumbentibus pro camisia detur tunica ex tenuiore, vel detrito panno, cum caputiolo assuto. In graviore autem morbo sub tunica possit etiam camisia concedi. Non adhibeantur lectis ægrotum lintheamina, nisi in gravioribus morbis. Puluinus tamen, sive cervical tela alia contegatur.

7. Habitus Novitiorum Clericorum à Professorum habitu patientiæ infrà zonam palmum descendens, in lineam rectam, distinguatur. Donati sine camisia, præter tunicam ad media circiter crura demissam, zonaque cingendam, femoralia, caligas, galeorum, & pallium ad imam tunicam descendens (quæ omnia ex panno albo sint) calceos etiam habeant. In vestitu Novitiorum Donatorum panniculus sit tunicæ ante pectus assutus, quo à Donatis professis distinguantur.

8. *Deponenda in Vestiario &c.* Sit in quoque monasterio vestiarius vestimentis ad usum nostrum accommodatis instructum, è quo cum permissu Superioris.

ris, quod cuique necessarium est, ad vestitum suppe-
ditetur. Sint, & flagella, aut disciplinæ, & cilicia. Quibus
utrisque cum licentia Superioris uti cuique liceat.

De Mensa Abbatis.

C A P U T LV1.

I. **M**ENSA Abbatis &c. Cum ad disciplinæ
conservationem permagni referat Super-
iores omnibus exercitiis cōmunibus monasterii ad-
esse, suoque exemplo aliis ad omnes officii partes qua-
si calcar admoveere; quod etiam illis ipsis Superioribus
ne liberiore vivendi ratione (quæ humana infirmitas
est) ad languorem, & desidiam sensim delabantur,
utilissimum est, opere pretium duximus constituere,
ut cujuscumque Superioris mensa in hac Congrega-
tione cum fratribus in refectorio sit communis. Quod
si interdum contigerit, ut Superior cum hospitibus
extrà refectorium cibum capiat (quod per quam rarò
fit) quantum fieri poterit adjunctum sibi monachum
semper habeat. Rectè etiam faciet, si nonnumquam
manens ipse in refectorio, duos, ubi multitudo con-
ventus finit, ad hospites mittat, ut cum ipsis accum-
bant.

De Artificibus monasterii.

CAPUT LVII.

1. **A**RTIFICES si sunt in monasterio &c. Cum nihil sit operi divino præponendum, Superior cujusque monasterii, si quos habeat fratres alicujus artificii peritos, non facile animum inducat eis ad artem suam facitandam, vacationem à choro dare, sed nè ab aliis quidem exercitiis ad divinum cultum pertinentibus. Nec hoc sibi fas esse existimet, nisi causa gravis id aliquandò postulet. Nullus fratrum artificum mittatur in Domum sæcularem, ut in ea quicquam operis faciat. Nullus librum, quem scripserit, edat, aut edendum curet, nisi Capitulum Generale, aut Abbas Generalis permiserit.

2. Hic porrò omnes hujus Congregationis Superiores, & inferiores admonitos esse volumus de observantia motus proprii fel. record. Urbani Octavi incipientis in suprema Pastoralis specula contrà Monetarios editi. Injungimus propterea omnibus Superioribus, ut invigilent, nè quis sub quovis prætextu, etiam medicinæ, artem Alchimix exerceat, sub pœna Superioribus depositionis, & perpetuæ inhabilitatis, Sacerdotibus perpetuæ infamix, cæteris autem perpetui carceris, seu etiam triremium. Declarantes supradictis pœnis subjectos esse, tam ipsam artem, ut suprà, exercentes, quàm consulentes, participantes, permittentes, ac etiam reos hujus delicti non revelantes.

De disciplina suscipiendorum fratrum.

CAPUT LVIII.

1. **N**OUITER veniens quis ad Conversionem &c.
 Cùm Novitiorum accipiendorum, & instituendorum negotium, de quo in hoc capite agitur, tanti momenti sit, ut in eo Congregationum religiosarum summam verti experientia doceat (sunt enim Novitii Congregationis cujusque seminaria) nec sit ulla pars rei monasticæ, in qua majori periculo peccetur, non erit alienum instituto nostro de hac re, oblata occasione, paulò copiosius agere. Ita enim quæ sint in ea servanda, diligentius explicabitur, & definietur. Ut autem in hac tractatione ordo, & ex ordine perspicuitas sit, rem totam in quinque capita dividemus. Primum de impedimentis in hanc Congregationem recipi prohibentibus. Alterum de his, qui accedentes ad eam, & postulantes habitum sunt examinaturi, & de ipsa ratione examinandi. Tertium de his, quæ ipsi, qui recepti sunt, facere debent antè susceptionem habitus. Quartum de loco, in quo habitu induendi sunt, & de tota disciplina Novitiatu eorum. Quintum deniquè de professione, & vitæ ratione post professionem tenenda.

*De Impedimentis in hanc Congregationem
recipi prohibentibus.*

2. Impedimenta præcipua, quibus arcentur homines ab hac Congregatione, sunt undecim. Primum est, ætas major æquo, quod ita intelligatur. Si qui vult admitti in ordine Clericorum hujus Congregationis sit septemdecim annis expletis minor, aut quadraginta quinque major. Si futurus Donatus sit viginti quinque annis minor, aut quadraginta major. In qua tamen re, ut & in aliis impedimentis (sexto, nono, decimo, & undecimo exceptis) possit ab Abbate Generali interdum cum Seniorum Assistentium, & Procuratoris generalis consilio, propter magnam causam, puta, virtutem, aut scientiam &c. dispensari. Secundum impedimentum est; si quis hæreticus aliquandò fuerit, aut de hæresi probabiliter suspectus. Tertium, si schismaticus fuerit. 4. si Clericorum fratrum habitum petens ea irregularitate sit adstrictus, quæ nullam, aut difficilem dispensationem admittat. 5. Si non sit à legitimo matrimonio natus. 6. Si ære alieno sit obstrictus, aut si aliquarum personarum egestati subvenire teneatur. 7. Si futurus Clericus lingue latine sit imperitus. 8. Si qua ignominia notatus sit, præsertim in ipso loco, in quo habitum petit. 9. Si flagitiis, aut sceleribus sit contaminatus. 10. Si corporis infirmitate laborat, quæ disciplinæ nostræ austeritatem diù ferre non posse videatur. 11. Si alterius Religionis habitum, vel ad modicum tempus gestaverit, & professio illorum, qui hoc ultimum impe-

dimen-

dimentum reticuerint sit ipso jure irrita, & invalida.

3. Quibus de rebus si quis eorum, qui postulant habitum, interrogatus (id enim prætermittendum nunquàm est) vel in una aliqua mendacio fefellerit, cùm rei veritas postea comperta fuerit, liceat in fraudis hujus poenam, aut nondùm professum missum facere, aut si jam professus est, Clericum quidem voce activa, & passiva in perpetuum privare, aut etiam ordinibus sacris ei interdicere; Et si in undecimo impedimento revelando mendax repertus fuerit, sive adhuc Novitius sit, sive non, seu jam professionem emisserit, de Congregatione expellatur. Atque hoc decretum unicuique postulantium habitum, antequàm induatur, & iterùm antequàm professionem emittat, coram testibus legatur, nè quis excusandæ ignorantiaë relinquatur locus.

4. Nec verò defunt alia non contemnenda impedimenta cautè, & sagacitè exploranda, quale est, si qui recipi vult, aliqua humana ratione, non divini honoris, aut animæ salutis studio mero adductus ad religionem se conferat; si deformis corpore supra modum sit, si parum mentis compos, aut fatuus esse videatur. In quibus omnibus considerandis, & expendendis cùm diligentia adhibita fuerit, quod instituto, & utilitati Congregationis magis congruere videbitur, nec charitati repugnabit, id sequendum erit.

*De Postulantium habitum examinatione,
& officio examinantium.*

5. *Sicut ait Apostolus, probate spiritus &c.* Ut quis ad aliquod monasterium Congregationis accesserit, petens in fratrum numerum aggregari, Superior monasterii adiunctis sibi duobus, iisque primis senioribus (nisi fortè alteruter postulanti propinquitate, aut maiore aliqua necessitudine, amicitia vè coniunctus sit, tùm enim proximum ab eo seniore ad id negotium adhibere conveniet) interroget, & examinet hominem prudenter investigans, nùm quæ prædictorum impedimenta habeat, nùm qua corporis, aut animi conditione ad hujus Congregationis institutum, requisita careat, quo spiritu humano, an divino feratur, an deniquè vitæ generi, & instituto Congregationis aptus sit.

6. Uideat pro ratione ordinis, in quem ille admitti petit, nùm qua dote, aut qualitate ad eum ordinem necessaria destitutus sit. In Clericis futuris, quibus literis imbuti sint. In Donatis qua prudentia, consilio, & integritate, quibus etiam corporis viribus calleant. In omnibus deniquè, qua tùm corporis sanitate, tùm animi virtute, & religione sint præditi.

7. Poscat etiam ab eo literas testimoniales à duobus minimùm idoneis testibus subscriptas, quibus testatum fiat, ipsum, qui recipi petit natum è legitimo matrimonio, ære alieno non esse obstrictum, neque cujusquam administrationis rationibus reddendis obnoxium, neque facinorosum esse,

juxta

juxtà Sixti V. fel. recordat. Constitutionem. Quod si ille hujusmodi literarum testimonium non habet, det operam, ut habeat. Caveat autem nè tam in hac, quàm in alia omni re ad Novitiorum receptionem pertinente, contra præfatam Constitutionem, seu etiam alia summorum Pontificum decreta in aliquo delinquat.

8. Atque ut animus, & ingenium postulantis certius, & exploratius cognoscatur, idem Superior det negotium alteri dictorum Seniorum, ut cum diligentius per complures dies, sicut expedire judicaverit, examinet, eademque opera nostræ disciplinæ, atque instituti rationem edoceat, quid illi sit præstandum, aut exercendum in monasterio, præsertim verò quid tolerandum, nihil reticens asperiorum, exponat. Quo intellecto, postulantis animus, aut si satis habet roboris, in sententia, consilioque confirmetur, aut si fluctuat, incæpto viribus majore prudentèr desistat.

9. Eodem tempore de ejus conditione, moribus, & antea acta vita, etiam ab extraneis, & longinquis, si opus sit, exquiratur. Advenæ, quibus tantum expectandi facultas non est, citius recipi possint, arbitrio Superioris.

10. Ergo si veniens perseveraverit &c. Cum in hac disquisitione tantum temporis positum fuerit, quantum ad explorandum, cognoscendumque hominem, ejusque conditiones Superior monasterii, & Seniores adjuncti satis esse judicaverint, nihilque fuerit inventum, quamobrem aspernandus, aut reiiciendus esse videatur, tanquam ad Congregationem minus aptus; cum denique ea probitas, animique constantia in eo notata fuerit, ex qua perseveraturum eum in suscep-

to proposito facile speretur; tùm sanè quærant iidem ex eo, qua mente, & voluntate sit: si perstet in sententia, idem Superior Abbatem Generalem, aut Visitatorem provincialem commonefaciat, remque totam, ut evenerit, & suum, seniorumque adiutorum iudicium, nominibus subscriptis, perscribat. Abbas autem Generalis, vel Visitator provincialis cum voto suorum respectivè consiliariorum statuatur de postulante recipi, nec ne debeat, prout ad divinam gloriam, & bonum Congregationis magis conducere existimaverit.

Quid facere debeant Postulantes habitum, postquam admissi sunt, antè habitus susceptionem.

II. *Sit in cella hospitem &c.* Simul atque Abbas Generalis, aut Visitator provincialis literis ad se scriptis respondens eum, de quo agitur, recipere, vel missum facere jusserit, si quidem recipiendus est, mittatur quam primùm ab illius monasterii Superiore ad monasterium Novitiatus. Ubi in ipso suo vestitu, modesto tamen, & humilitati novi status suscipiendi consentaneo per aliquot dies, ut hospes sit. Quo tempore generalem confessionem peccatorum suorum faciat, & à Magistro Novitiorum rerum spiritualium, & cœlestium meditatione exerceatur; maximèque earum, quas illi magis congruere judicaverit: sive cogitatio fuerit inanissimæ vanitatis mundi fallacissimi, rerumque omnium caducarum, & mor-

mortalium, sive pœnarum, & suppliciorum sempiternorum peccantibus constitutorum, sive quatuor rerum postremarum hominis, sive passionis, & mortis acerbissimæ Domini Nostri Jesu Christi, sive summarum utilitatum, uberrimorumque fructuum, qui percipiuntur ex instituto monastico, aut aliorum id genus. Quæ Magister Novitiorum facilitati consulens tradat illi in capita distributa, ut ea minori negotio cogitatione verlet. Idemque magister illius caputui sese accommodans, descriptas, & dispositas horas, quibus quodque caput meditandum erit, assignet.

12. *Postea autem sit in cella Novitiorum &c.* His diebus in hac exercitatione consumptis, cum progressus in omni virtute, maximèque humilitate faciendi spem dederit, induatur sanè in Domino habitu Novitiorum, & in eorum cella per annum sit. Vestes ejus, & si quid pecuniæ, aut aliud suum attulerit, scribantur, & omnia usquè ad professionem ejus diligentèr asserventur, nisi fortè dùm Novitiusest, aliquid eorum in ipsius usum insumi contigerit. Induantur Novitii in capitulo coram fratribus, adhibitis ceremoniis in Rituali descriptis. Atque hæc actio perscribatur in codice in eum usum comparato, adscripto die, mense, anno, nomine, cognomine, patria, diœcesi, & ætate Novitii; tempore etiam, quo in vestitu suo vixit in monasterio, deniquè nomine Superioris, à quo habitum acceperit.

*Quonam in monasterio debent habitu
indui, quidque facere debeant
toto tempore no-
vitiatus.*

13. In quaque Provincia monasterium institutioni Novitiorum auctoritate Apostolica destinatum sit: eoque postulantes habitum, quos accipere visum fuerit, è tota Provincia mittantur. Quoniam autem alendæ tantæ multitudini Novitiorum, quæ fortassè erit, vix sufficient facultates monasterii, Novitii pro impensis necessariis ad victum, & vestitum tempore novitiatus faciendis persolvant saltèm scuta sexaginta monetæ Romanæ; quod si propter eximias animi dotes Abbas Generalis cum aliquo postulantium dispensandum censuerit, aut in toto, aut in parte, dispensare liceat de suorum consiliariorum assensu. Cætera necessaria, quæcumque defuerint, à cæteris Provinciæ monasteriis pro rata parte, sicut ab Abbate Generali descriptum fuerit, conferantur.

14. Superior illius monasterii sit alter à Magistro Novitiorum; habeatque duos, aut plures pro domus ratione vocis, & juris suffragandi participes monachos, eosdemque tum firma corporis valitudine, tum præstanti animi virtute præditos, quorum exemplo Novitii ad omnes officii partes accendantur. Accedant duo Donati professi, aut plures, si multitudo
Novi-

Novitiorum postulet . Si tamen ex Novitiis aliqui Donati sint , quorum opera monasterio possit esse usui , satis sit unus Donatus professus .

15. Habeantur Novitii in propria cella , ad quam Professis, aliisque omnibus, nisi de Magistri permissu, juxtà Clementis Octavi fel. rec. decretum, omni aditu sit prorsus interdictum , nec liceat Novitiis cum quocquam, ne breviter quidem, sermonem habere, nedùm usu , aut familiaritate commisceri .

16. Prætermiſſis quæ de Novitiorum disciplina quàm plurima, maximique momenti præcepta tradi possunt , hîc breviter monemus , & hortamur , ut cùm in iis rectè , vel secùs instituendis salus , aut perniciēs omnis Congregationis posita sit , in hac potissimùm parte disciplinæ nostræ , quæ reliquas omnes continet , acri studio incumbatur , & qui dant Congregationi nomen , non remissa quadam , aut languida ratione ad mediocritatem quandam officii informantur , sed forti , generosoque tyrocinio ad summam virtutem , & sanctimoniam instruantur . Ex qua institutione fiet , ut ii non solum perfectissimam obedientiam præstent , purissimam castitatem servant , nudamque paupertatem amplectantur , sed etiam in omni vitæ parte ad Regulæ , & instituti normam accuratissimè dirigenda , semper animo excubantes cum omni sermone, voce, gestu, omnique corporis, animique motu summam modestiam , & humilitatem cum ardentissima charitate conjunctam ostendant , tùm ipsa mente , & cogitatione , quantum per humanam infirmitatem licet , Deo continentèr adhæreant .

17. *Senior ei talis deputetur &c.* Ut ad genus

genus virtutum Novitii rectè institui, & erudiri possint, maximum studium adhibeatur, ut ad officium Magistri Novitiorum is semper eligatur, in quo cum vitæ sanctitate docendi peritia, & cum autoritate, & gravitate comitas, & mansuetudo certet, ut tanto muneri rectè gerendo par esse possit. Quantum fructum ex orationibus suis percipiant Novitii, quamque utilitatem ex sacramentis consequantur, etiam ii, qui fortè Sacerdotes sunt, consideret, & scrutetur Magister, ut ex eo, quàm frequentè eorum usum debeat eis concedere, certius colligat. Edoceat illos omnem animi sui sive turbidum, sive tranquillum statum, omnes molestias, tentationes, perturbationes, jucunditates etiam, & pacem spiritualem sibi patefacere, & eorum sensus, atque affectus intimos studeat penitus pernoscere. Quod quidem ad eos rectè instituendos magno erit ei præsidio.

18. Colloqui cum extraneis, sive propinqui, sive alieni sint, aut nunquam, aut perrarò, cū gravis causa postulaverit, eis concedat, præsertim antè professionem; & cum concedet, vel ipse, vel alius ab eo missus colloquio intersit. In seipsis apud Magistrum accusandis humilitatem studiosè exerceant, omnique generi sanctæ mortificationis enixè operam dent. Liberè colloquendi inter ipsos consuetudinem, & solutam quandam familiaritatem minimè permittat, alium cum alio præcipua amicitia conjungi non sinat, nec eos cum professis quicquam commercii habere patiatur.

19. Alia quàm quæ ad eorum mores formandos, & ad disciplinam regularem pertinere iudicio Magistri declaratum fuerit, nequè legant, nequè scribant.

Isque

Isque sciat, qua quisque eorum lectione occupetur. Ut Psalterium memoriæ mandent, curet. Corona monachali, nisi qui nostri ordinis monastici professi fuerint, usquè ad professionem careant. Sacerdotes sæculares qualem habent, retineant.

20. Antè confectum annuæ probationis curriculum nulli eorum liceat, nè sub titulo quidem patrimonii, ad ordines promoveri, nec Abbas Generalis possit in hoc dispensare. Ad professionem admittendus duobus mensibus antè professionem omnium rerum suarum cura, & administratione se prorsus expediat. Cùm de bonis suis antè professionem disposituri erunt, nihil illis, ne nutu quidem, significetur, quo libertas eorum in hac dispositione facienda tantulùm possit impediri. Si quam renunciationem facturi erunt, aut aliquid dare Congregationi in animo habebunt, caveatur nè quid contrà sacri Concilii Tridentini decreta fiat.

21. Antè omnia quicquid est in eorum Regulis (quibuseorum officium latius explicatur) quàm diligentissimè servare studeant, easque tùm privatim singuli crebrò legant, tùm singulis mensibus universi magna voce recitandas audiant: & quid minus observent, inquirent, ac se corrigant.

22. *Si non potes, liber discede &c.* Si quis eorum dimittendus erit, id magna cautione adhibita prudenter fiat, ut ea res, nequè dimissi animæ, aut famæ, nequè Congregationis existimationi, detrimento sit. Cur dimitti debeant, hæ potissimùm causæ sint: si quis ingenio, aut natura sit ad aliquod votorum præstandum perdifficili: si pertinaci, superbo, aut elato ingenio sit: si diuturna graviter peccandi consuetudo

ejus animæ, quasi callum obduxerit: si moribus iis sit, quibus Congregationis concordia, & tranquillitas turbari, aut infirmiores ad peccandum impelli facile possint: si deniquè nostræ Congregationis instituto minimè congruere videatur. Restituantur ei quæcumque attulerit, excepto quod in ejus ipsius usum fortè consumptum fuerit, aut si quid fortè Congregationi legitimè dederit. Quod tamen ipsum restituendum; necne, sit, iudicet Abbas Generalis, aut Visitator provincialis.

23. Magister Novitiorum causas, cur aliquis ex sibi creditis Novitiis dimitti debeat, Superiori locali patefaciat, qui deindè postquam omnia suis vocalibus monasterii participaverit, Abbatem Generalem, seu Visitatorem provincialem respectivè admoneat, & horum alter, quid opus sit factò, cum suorum deputatorum consilio definiat. Quod si Novitius spontè sua velit discedere, Magister nè sit molestus in eo retinendo; tantùm cohortationem benignam adhibeat, & preces ad Deum pro eo. Si quis cum semèl dimissus fuerit, aut spontè sua discesserit, denuò recipi petat, quærat de eo per literas, si fieri potest, ex eo ipso monasterio, quod reliquit: & si denuò admitti ad habitum censeatur, cum eo agatur, ac si tunc primò recipiendus esset.

De Professione, & post eam agendis.

24. Tunc suscipiatur in Congregatione &c. Decurso probationis, aut novitiatus annuo spatio, nullus ad professionem admittatur, nisi per vocum pluralitatem
eorum

eorum , qui sunt in monasterio , vocalium , accedente Magistri voce (cui potissimum haberi ratio debet) approbatus . Quæ approbatio post decimum mensem novitiatus omninò fiat . Cùm igitur ex pluralitate vocum constitutum fuerit , admittendum esse ad professionem Novitium , admoneatur de re tota Abbas Generalis , aut Visitator provincialis , deque suffragiorum numero , quæ in id convenerint . Qui rem diligenter examinatam , momentoque suo ponderatam communicet cum suis respectivè Consiliariis , & de eorum voto statuatur in Domino quid agi debeat . Admissurus autem Novitium ad professionem , ea ceremonia vel ipse defungatur , vel alteri , qui nomine suo defungatur , mandet : idque in eodem illo monasterio , in quo ille probationis curriculum confecit .

25. Novitii à capitulo monasterii , aut ab Abbate Generali , aut Visitatore provinciali respectivè approbati , poterunt ad professionem admitti tempore Capituli Generalis , ex commissione tamen alterius supradictorum .

26. *Suscipiendus autem in oratorio &c.* Professionis faciendæ ratio erit , ut in Ecclesia coram Abbate Generali , aut Visitatore provinciali , aut alio ab altero eorum delegato , cæterisque fratribus præsentibus Novitius ritu , & formula præscripta votum emittat his verbis .

In nomine Domini nostri Jesu Christi : Amen . Anno à Nativitate ejusdem N. die N. Mensis N. Ego frater N. cognominatus in sæculo N. Clericus , vel Donatus , de tali loco , & Diœcesi , promitto stabilitatem meam , & conversionem morum meorum , & obedientiam secundum Regulam S. Benedicti , & Constitu-

tiones Congregationis Monachorum Reformatorum Sancti Bernardi Ordinis Cisterciensis, coram Deo, & omnibus sanctis ejus; quorum reliquæ habentur in hoc loco constructo in honorem Sancti N. In præsentia D.N. Abbatis Generalis, vel Visitatoris provincialis, vel Abbatibus, aut Prioris talis. Ego frater N. à Sancto N. manu propria. ✠

27. Hanc autem formulam professurus ipse, si potest, sua manu scribat, ut est in Regula. Idemque post in libro ad eum usum comparato iterum scribat, & subscribat. Qui liber, professionum liber appellandus diligentè asservetur, eique, si qua controversia inciderit, plena fides adhibeatur. Post professionem novus professus eidem Magistro, eidemque disciplinæ, toto proximò triennio subsit, aut certè ad aliquod Professorium autoritate Apostolica, vel jam deputatum, vel deputandum, ad complendum triennium mittatur, ibi eodem modo, quo suprà educandus, & literis imbuendus ad arbitrium Superiorum. Eodemque tempore nec activam, nec passivam vocem habeat, nec promoveatur ad sacros ordines, nisi fortè Abbati Generali, seniores Assistentes, & Procuratorem generalem in consilium adhibenti virtus, aut ætas alicuius persuaserit, ut cum eo dispenset. Hoc triennio peractò, aut antè (si fortè propter ætatem sacris ordinibus suscipiendis sufficientem cum eo, ut suprà, dispensatum fuerit) poterit Abbas Generalis de suorum Consiliariorum voto novum professum ad aliquod aliud monasterium destinare.

28. Donati quatuor, aut sex menses in eodem monasterio, in quo recepti sunt, pedem non efferentesè monasterio, ad obedientiam, devotionem, labo-

rem, & reliqua necessaria informantur, ac doceantur. Anno probationis Donati confecto, Superior monasterii cum consilio Seniorum, si dignum judicat, qui ad professionem admittatur, cum Abbate Generali, aut Visitatore provinciali per literas consulto facultatem acceperit, eum tandem ad professionem forma in Rituali præscripta admittat. Isque dum in Congregatione perseverat, castitatem, paupertatem, & obedientiam servare teneatur.

29. Donati post omnes monachos ultimum locum semper teneant; seorsum autem à monachis cibum capiant. Itaque vel extrà refectorium capiant, vel in refectorio antè primam mensam, vel etiam in secunda mensa separati à monachis.

30. Si quis eorum recipi petat ad solemnem professionem, non immutato habitu, præviò probationis anno admittatur, dummodò per decennium laudabiliter in Congregatione vixerit, vel post quinquennium, si cum eo Abbas Generalis de suorum Consiliariorum consensu dispensaverit. Quod si hujusmodi Donati admissi ad annum probationis pro emittenda solemni professione in habitu Donatorum decem mensibus elapsis à capitulo monasterii non acceptentur ad dictam solemnem professionem, remanere possint ut prius in habitu Donatorum simplicium; Si verò acceptentur ad professionem solemnem, eam extrà missarum solemnias, nec ad altare majus, sed in aliquo sacello emittere debent, cum ceremoniis tamen, & orationibus, quæ in Clericorum professione præscribuntur, sed sine cantu.

31. Ut verò Donati vitæ activæ, in qua potissimum versantur, operam majori studio, & alacritate

navent, sciant, se omnium bonorum spiritualium totius Congregationis; & omnium Indulgentiarum, & remissionum peccatorum Congregationi concessarum esse participes. Insuper Donatis hujusmodi solemniter tamen tantum professis, quotiescumque per obedientiales Superiorum literas à monasterio ad monasterium demigrant, detur viaticum, sicuti datur aliis monachis; dummodò habeant à capitulo monasterii, à quo discedunt, fidem de bonis moribus antea actæ vitæ, & non alio modo.

32. Quod si quis eorum alicui graviore vitio additus fuerit, aut etiam exemplo malo noceat aliis, agatur cum eo, sicut in Regula præscriptum est, tandemque si incorrigibilis sit, expellatur. Quod de Donatis solemniter professis intelligatur. Donati verò non solemniter professi, habita rationabili causa ab Abbate Generali, vel etiam Visitatori provinciali de suorum respectivè consiliariorum consensu approbanda, expelli possint.

De filiis nobilium, vel pauperum, qui offeruntur.

C A P U T LIX.

I. **S**I ipse puer minori ætate est &c. Cùm superiori capite cautum sit, nè quis ad nostræ Congregationis novitiatum sine Abbatis Generalis dispensatione admittatur, qui decimum septimum ætatis annum non expleverit, nullus huic capiti Regulæ locus relinquitur.

De Sacerdotibus, qui voluerint in monasterio habitare.

C A P U T LX.

I. **C**ONCEDATUR ei tamen &c. Sacerdos sæcularis, qui petierit, ad nostræ Congregationis novitiatum, tandemque solemnem professionem admitti possit. Isque in novitiatu ob reverentiam Sacerdotii cæteros Novitios ordine antecedit; quod tamen in eorum, qui antè ipsum recepti sunt, cum ad Presbyteratum promoti fuerint, præjudicium non sit.

De monachis peregrinis qualiter suscipiantur.

C A P U T LXI.

I. **M**ULTI sæpè, & ij magna ex parte, non ratione, & consilio ducti, sed inconstantia, tanquam æstu, & tempestate quadam abrepti, sua relicta Religione, ad alienam transire conantur. In qua cum idem levitatis morbus eos persequatur, fit, ut non solum quietis expertes ipsi sint, sed etiam contagione quadam, aliis turbas, & molestias afferant. Ut autem semper ab hoc malo Congregatio nostra servetur

tur immunis, decernimus, quod alterius Religionis professi (nostra Cisterciensi excepta) nullo modo inter nos recipi possint, sitque illis omninò ad nos aditus interdictus. Si quis autem ex Ordine nostro Cisterciensi admitti petierit, nisi cum dispensatione Abbatis Generalis non admittatur.

De Sacerdotibus monasterii.

C A P U T LXII.

1. **D**E suis eligat, qui dignus sit &c. Abbatis Generalis, aut certè Visitatoris provincialis sit ordinum suscipiendorum potestatem facere. Habeat tamen priùs à Superiore, & Senioribus monasterii bonum de vita, & moribus Ordinandi testimonium.

2. Quoties quiserit in aliquo monasterio ordinandus, denuntietur id palàm in monasterii, cuius est, capitulo, ut si quis labem, aut vitium ejus aliquod sciat, propter quod ordinari debere non videatur, indicet, non publicè quidèm, sed privatim Superiori, aut uni alicui seniorum.

3. Exploretur etiam quantùm in literis, & doctrina profecerit, antequàm ad examen publicum mittatur, idque per idoneos, quibus Abbas Generalis, aut Visitator provincialis id negotii dederit, qui rationem à Concilio Tridentino præscriptam teneant. Serventur etiam legitima temporum interstitia juxtà ipsum Concilium, nisi propter causam Abbas Generalis cum aliquo dispensandum censuerit.

4. Qui ad Subdiaconatum, & qui ad Presbyterat-

tum erunt promovendi, aliquot antè diebus ad arbitrium Superioris sui in rerum cœlestium sancta meditatione studiosius versentur. Moneaturque quisque ordinandorum uno antè mense, ad quem ordinem promovendus destinetur.

5. Qui per se, vel per alium dederit operam, ut ad quemcumque ordinem promoveatur, ei suceptione ordinum ad tempus arbitrio Superioris constituendum sit interdictum.

6. Celebretur missæ sacrificium ab omnibus Sacerdotibus ad Missalis monastici præscriptum. In missis solemnibus tot candelæ accendantur, quot præscribuntur in Rituali lib. I. cap. 21. num. 10. accendendæ ad Vesperas, & Tertiam. Rituum, & ceremoniarum in missis tùm majoribus, tùm minoribus servandarum ratio, qualis in Rituali describitur, tam à Celebrante, quam ab eo, qui ei inseruit, adhibeatur.

7. Ad Presbyteratum promoti nè antè celebrent, quam ceremoniarum missæ totam rationem idonea meditatione percalleant. Studeant omnes Sacerdotes missæ ceremonias præscriptas adamussim, quam religiosissimè servare. Ex quo studio summa in missa celebranda ceremoniarum consensio, & uniformitas omnium Sacerdotum Congregationis existat. Missam primam novus quisque Sacerdos sinè oblatione, patrino, & omninò sinè solemnitate celebret, & prorsus, ut quævis alia privata missa quotidie celebratur. Quotidie quilibet Sacerdos, nisi fuerit impedimèto aliquo detentus ab ipso Superiore approbando, celebret; non Sacerdos autè singulis diebus missam audiat. Semèl in hebdomada sit in arbitrio cujusq; Sacerdotis ob quamcumq; piam causam voluerit, missam dicere.

8. Missa conventualis pro Congregatione quotidie in quoque monasterio celebretur. Pro anima cujusque fratris etiam Donati, cum in monasterio, cui adscriptus fuit, diem suum obierit, singuli Sacerdotes ejusdem monasterii ternas missas celebrent. In tota verò Congregatione, singulas. Clerici monasterii Psalterium semel recitent: Donati *Pater noster*, & *Ave Maria* centies quinquagies dicant. Clerici, & Donati totius Cōgregationis persoluant *Pater noster* quinquies, & *Ave Maria* quinquagies. Cetera suffragia ad cujusque arbitrium addantur. Pro Abbate verò Generali defuncto, itemque pro Superioribus majoribus, Visitatoribus provincialibus, cujusque monasterii Superioribus, item pro his, qui aliquandò Generalatus officio functi sunt, & etiam pro his, qui extrà monasterium diem suum obeunt, fiant suffragia, prout in Rituali lib. 1. cap. 31. à num. 5.

9. Ut supradicta præstari possint, Superior monasterii, in quo quisque moritur, statim de ejus morte, quos oportuerit, commonefaciat. Pro aliquo fratre Congregationis de ea benemerito vita functo possit de mandato Superioris ad constituta suffragia aliquid adjungi.

10. Cum pie liberalitati fundantium monasteria debeatur, ut eis tum grata beneficii ab eis accepti recordatione, tum omni pietatis officio, quam maximam gratiam referre studeamus, statuimus, ut cum primum alicujus beneficio monasterium aliquod ad hanc Congregationem accesserit, Abbas Generalis eam universam admoneat, ut à singulis Sacerdotibus pro fundatore sacrificium offeratur. Quilibet etiam Sacerdos celebrans, fundatoris monasterii, in quo celebrat.

brat, in *memento* semper recordetur.

11. Fundatores, parentes, fratres, sorores nostri in societatem meriti omnium bonorum operum, quæ divino munere in tota Congregatione fient, ab omnibus fratribus nostris recipiantur.

12. Missarum onera perpetua legatis, donationibus, aut aliis quibusvis dispositionibus addita, nisi propter justam causam à Capitulo Generali, vel ab Abbate Generali de consensu Assistentium, & Procuratoris generalis expendendam, nec non decreti SS.D.N. Papæ Innoc. XII. servata forma, non accipiantur. Sed ne ea quidem, quæ ad tempus sunt, accipere liceat, si functionibus instituti nostri repugnent, aut sinè gravi causa, cujus judicium penès Abbatem Generalem, aut Visitatorem provincialem, cum Superiore monasterii in quo est, conjunctum sit.

13. In Ecclesiis nostris nemini extraneo concedatur sepultura, præterquàm id jus habentibus, & iis benefactoribus, quibus Abbas Generalis cum Seniorum Assistentium, & Procuratoris generalis consilio id tribuendum duxerit, quod quidem ille ob pias tantum, maximique momenti causas faciat. Multò verò difficiliùs sepulturæ concedantur in iis Ecclesiis Congregationis, in quibus nemini adhuc à nostris concessæ sunt. Cumque sepelietur aliquis in Ecclesiis nostris, fiant omnia, ut in Rituali, exceptis Ecclesiis, in quibus alia consuetudo suscepta est. Nunquàm autem in sepulchro fratrum quisquam condatur, sed in alio separato, nec concedantur sepulturæ, quæ Ecclesiæ sint incommodo. Si aliquandò accidat, ut aliquis in Ecclesia nostra sepeliri expostulet, nec tēpus patia-

tur consulere Abbatem Generalem, liceat Superiori monasterii cum consensu capituli sui sepulturam quidem concedere, non tamen jus sepulturæ.

De ordine Congregationis.

C A P U T LXIII.

I. **O**RDINES suos &c. Post Abbatem Generalem omnes alios dignitate antecedentem, secundum locum obtineant Seniores Assistentes.

2. Post Assistentes, extrà Capitulum Generale, sequantur Visitatores provinciales, mox Visitatores generales, & deinde Procurator generalis, atque post hos Superiores locales, qui extrà monasteria professionis inter se loca tenebunt, in monasteriis verò, monasteriorum, quibus præsunt, ordinem servabunt. Ob prærogativam tamen actualis regiminis, quilibet Visitator provincialis in sua Provincia Visitatores provinciales cæteros, & Abbas, seu Prior in proprio monasterio, civitate, & oppido, in quibus monasteria sita sunt, cæteros alios Abbates, seu Priores respectivè præcedent. In Capitulo autem Generali omnes prædicti servant ordinem, qui infrà, cùm de Capitulo Generali agetur, designabitur.

3. In quoque autem monasterio hic sit ordo. Secundus à Superiore sive Abbas sit, sive non, Abbas titularis, si aderit, cæteros antecedit, nisi cum Superior monasterii vel ultrà mensem abesse, vel mori, aut deponi, aut ad Capitulum Generale contigerit

acce-

accedere ; tunc eorum Prior in Abbatiis , & Supprior in Prioratibus Abbates titulares quoscumque respectivè præcedant . Post hunc , extrà causam prædictam ; Si Superior Abbas fuerit , sequatur Prior , si minus, Supprior , qui Prior in Abbatiis , & Supprior in Prioratibus , itemque Magister Novitiorum in proprio monasterio cæteros inferiores præcedant , in alienis verò loca professionis retineant . Sequantur deindè Sacerdotes , postea Clerici , & postremò Donati . Quorum omnium quisque pro antiquitate temporis , quo professus est , & in Congregationem adscriptus fuit , Sacerdos inter Sacerdotes , Clericus inter Clericos , Donatus deniquè inter Donatos locum habeant .

4. Cùm autem plures eadem die in diversis monasteriis professionem emiserint ; tunc qui primus illorum habitum susceperit , cæteros præcedat ; quod si etiam eadem die habitum susceperint , præcedant inter se secundùm prioritatem monasteriorum , in quibus induti fuerint .

5. *In ipsa appellatione nominum &c.* Hæc Congregatio , juxtà Breve Urbani Octavi fel. record. Monachorum reformatorum S. Bernardi ordinis Cisterciensis appelletur . Superior Congregationis ab omnibus Abbas Generalis , Pater , & Dominus vocetur , addito titulo Reverendissimi . Alii Superiores , sive Seniores Assistentes , sive Visitatores generales , sive Procurator generalis , sive Visitatores provinciales , Patres , Domni , & Admodum Reverendi dicantur , Patres quoque , Domni , & Admodum Reverendi appellentur à subditis Superiores singulorum monasteriorum . Imò subditi universi tenean-

tur suos Superiores, sive mediatos, sive immediatos revereri Paternitatis appellatione, tum in epistolis, tum in familiari cum eis colloquutione, iisdem pariter titulis Superiorum monasteriorum fruuntur Abbates titulares, quicumque illi sint.

6. Priores in Abbatibus, Supprieores, ac Sacerdotes omnes inter se, & ab aliis Reverendi Domni appellentur. Clericos Domnos, & cæteros inferiores fratres tota Congregatio appellabit. Hac eadem titulorum diversitate utantur omnes in scribendis epistolis, prout fusiùs in Rituali.

7. Retineat quisque nomen suum proprium, si quidem fuerit alicujus Sancti nomen, cognomen deponat. Pro quo nomen alicujus Sancti præfixa præpositione, de, vel à, in sexto casu efferendum accipiat, idque à Superiore suo, quo tempore Congregationis habitum Novitius suscipit.

8. *Ubiqumque autem sibi obviant fratres &c.* Cum frater in fratrem inciderit, posterior ordine petat à priore benedictionem, & inclinato corpore caput humiliter aperiatur. Si verò Superior obviam factus fuerit, frater aliquantùm deflectens de via, converso ad eum vultu, profundè se inclinet.

De ordinando Abbate.

CAPUT LXIV.

1. **I**N Abbatis ordinatione &c. Electio tum Abbatis Generalis, tum aliorum quorumvis Superiorum in Capitulo Generali fiat modo separatim descripto

descripto . Ut autem honorum , & dignitatum cupiditati , omnique ambitioni , quantum fieri potest ; obstruatur aditus , decernimus , ut si quis Abbatis Generalis , aut aliam quamcumque dignitatem Congregationis , aut aliam quamvis externam ambierit , aut ut ea mandetur alteri cuivis conatum adhibuerit , is voce activa , & passiva in perpetuum careat , vel etiam graviore poena puniatur arbitrio Capituli Generalis . Quod si quis aliquem ei rei dare operam cognoverit , nisi quam primum deferat ad Capituli Generalis Praesidem , eadem poena teneatur . Quae tamen possit interdum à Capitulo minui . Et in universum quisquis aliquod officium , munus , ordinem , aut gradum superiorem in Congregatione , vel monasterio studuerit adipisci , graves poenas luat , ut ejus exemplo alii sapiant , & huic teterrimae pesti nullus sit in Congregatione locus . Quod si quis contra hoc decretum dignitatem , vel officium ambitum fuerit assequutus , is praeter dictas poenas , dignitate etiam , aut officio adepto multetur , aut iis fungi , quantum in nobis sit , prohibeatur . Nec contra hanc Constitutionem unquam dispensetur .

2. Cæterum caveant omnes , nè beneficia ecclesiastica extra Congregationem ambiant , procurent , & contra Breve Apostolicum Alexandri Papæ Septimi fel. record. infra has Constitutiones relatum obtineant . Transgressores poenis in eodem Brevi contentis omnino coerceantur . Demum nostros omnes monemus , Capitulum Generale acceptasse Constitutiones Pauli Quinti fel. record. in fine hujus libri referendas , quibus praecipitur , ne quis sub poenis in eisdem Constitutionibus expressis ad officia , & digni-

tates Congregationis promoveatur ob favorem, aut literas commendatitias quarumcumque personarum, quarum Constitutionum observantiam, omnibus, & singulis nostris sub eisdem pœnis omninò indicimus.

3. Prohibemus etiam omnibus nostræ Congregationis monachis, nè in quibusvis Universitatibus, aut aliis Theologorum Collegiis, vel alio pacto lauream doctoratus, in quacumque facultate etiam Theologica sine licentia expressa, & in scriptis habita Abbatis Generalis accipiant. Qui contrà fecerit, pœna Abbati Generali arbitraria plectatur.

4. Priores, ubi Prioratus tantum, non Abbatiae fuerint, habeant omnia privilegia, & jurisdictiones, quas Abbates; iis tantum exceptis privilegiis, quæ Abbatibus per benedictionem conferuntur. Superioribus cujusq; monasterii ritè in Capitulo creatis liberam potestatem in monasteria, loca, & personas eorum fidei creditas, tam in spiritualibus, quam in temporalibus secundum Regulam sanctissimi Patris Benedicti, & has Constitutiones damus; ut ex earum præscripto, regendi, gubernandi, coercendi, puniendique, qui sibi commissi fuerint, jus habeant.

5. *In notitiam Episcopi &c.* Cum hæc Congregatio sit ab Episcoporum jurisdictione soluta, ac libera, Sanctæque Sedi Apostolicæ immediatè subsit, quotiescumq; quid extiterit in ea majoris potestatis auctoritate constituendum, id non ad Episcopum, sed ad Abbatem Generalem referatur.

6. *Prudentè, & cum charitate vitia amputet.* Superiores, ut in cujusque animo aliqua immoderatio cupiditas apparuerit, coerceant. Nec solum peccata

com.

commiffa vindicent, fed etiam, quod maius eft, nè committantur, quàm maximè provideant. Itaque fi quem in cibo, aut potu intemperantiorem animad- verterint, fi pigrum, aut inertem, fi nimis fomno in- dulgentem, fi veftitus elegantioris, aut aliarum de- liciarum cupidum, fi pertinacem, & fui juris, aut ela- tionem animi præferentem, hæc omnia tanquàm spinas quasdam ex eorum animis prudenter evellere ftudeant, & malo nascenti, quod corroboratum dif- ficilius fanaretur, folerti curatione tempeftivè occur- rant.

*De Præposito monasterii.**C A P U T LXV.*

I. **O**RDINATIONEM monasterii fui &c.
Præpositi, de quo hîc agitur, nomine, in- telligatur à nobis in Abbatis quidem Prior, in aliis verò monasteriis Priorem pro Superiore habentibus Supprior, què propter graviffimas veriffimasq; caufas, quas hîc S. Pater enumerat, ficut & ceteros monasterii officiales, à Superiore ftatuimus eligendum. Tàm Supprioris igitur, quàm Cellerarii, & cæterorum omnium officialium monasterii cessare cenfeatur offi- cium, quotiescumque Superior monasterii noviter electus fuas patentes in capitulo publicari fecerit. Su- perior verò cùm ex Capitulo Generali, aut aliter in monasterium venerit, novos officiales constituat in Domino, aut fi magis expedire judicaverit, veteres

confirmet, aut partem eorum cum consilio Seniorum suorum. Iisdemque Senioribus consultis eos, cum opus fuerit, deponat. Quod tamen parcè, raròque faciat, propter graves causas.

2. Superior localis præcipuè in parvis monasteriis possit subditos renuentes obligare sub præcepto sanctæ obedientiæ ad exercenda officia ab ipso imposita, quando nulla adest in contrarium rationabilis causa, servata tamen forma Constitutionum circa hunc præcipiendi modum.

3. Nullus in Priorem in Abbatiis, vel in Suppriori in Prioratibus eligatur, qui decem professionis annos, & ætatis triginta non habuerit; nisi specialis, & expressa accedat Abbatis Generalis dispensatio de consilio suorum Consultorum concedenda.

4. Quotiès propter mortem, iter necessarium, aut aliam quàmcumque causam monasterio Superior defuerit, Supprior in omni re vices ejus gerat, eandemque obtineat auctoritatem, tum in spiritualibus, tum in temporalibus usque ad ejus reditum, vel alterius novi adventum. Quæ tamen Superior discedens observari jussit, observentur. Ac si quod majoris momenti negotium, absente Superiore, in monasterio inciderit, quantum fieri poterit, ad reditum illius integrum reservetur. In primis videat Supprior, nè quid contra Superioris absentis voluntatem innovet, ut fratribus obsequatur: aut regularis disciplinæ severitatem, vel minimum relaxet, sciens si fecerit, non impunè fore.

5. Supprior, Superiore monasterii etiam existente in monasterio, monachos, & fratres delinquentes ubicumque invenerit, tum admonere, tum verbis corrigere non omittat, quod si peccantium aliquis illi sta-

tim non obedierit, gravioris culpæ pœna puniatur ab ipso Superiore.

De Ostiario monasterii.

C A P U T LXVI.

I. **Q**UOTIES munera, aut alia quævis extraordinem afferuntur in monasterium, de iis Portarius Superiorem admoneat, literas etiam omnes sibi traditas ei det. Quantum fieri poterit, neminem silentii tempore in monasterium intromittat. Cætera, quæ ad ejus officium pertinent, separatim trademus ab eo studiosè servanda.

2. *Cellam debet habere juxta portam &c.* In ea cella sit oratorium aliqua religiosa imagine ornatum, antè quam fratres prodeuntes, aut redeuntes brevi saltem oratione, aut actione gratiarum cum Deo agant. Sit ibidem tabula, in qua omnium monachorum, ac fratrum monasterii nomina ordine descripta sint. Noteturque quisque prodiens è monasterio per impagem exemptibilem, foramini, quod è regione nominis ejus in tabula sit, ab ipso cum egreditur, infingendam, cum reversus est, eximendam.

3. *Monasterium autem &c.* Monasteria in Congregatione posthac ædificanda ad exemplar descriptum ædificentur: & quæ jam ædificata sunt, ad ejusdem exemplaris formam, quantum fieri poterit, revocentur. Quæ monasteria plusdamni, quàm commodi afferre Congregationi perspicuum erit, ea solius Capituli Generalis judicio dissolvi possint. Extruere, instaurare, aut demoliri ædificia nulli monasterii Su-

priori liceat sine consensu capituli ejusdem monasterii, adiuncta, si res majoris momenti sit, Abbatis Generalis, aut Visitatoris provincialis concessione.

4. *Ut non sit necessitas monachis vagandi foras &c.* Propterea, quantum fieri poterit, res quæque temporales monasterii per sæculares potius, & Donatos, quam per monachos gerantur. Idque in emptione rerum monasterio necessariarum, ut supra cap. 31. de Cellerario dictum est, præcipue servari volumus.

5. *Quia omnino non expedit animabus eorum &c.* In hanc verissimam sententiam scitum est illud Abbatis Ioannis, quod aqua pisci est, id monasterium esse monacho; quare ut piscis extra aquam positus vitam propagare non potest: sic neque monachus extra monasterium institutum vitæ religiosæ cursum facile tenere. Itaque fratribus nostris exeundi è monasterio licentia quam parcissimè detur. Ad eas tantum processiones generales, & generatim à locorum Ordinariis indictas eatur à nostris, ad quas cunctis Ordinibus religiosis sine exceptione conveniri solet, sicut in festo Corporis Christi fit.

6. Si quis ex doctrina, quam vel antè, vel post ingressum Congregationis sibi comparaverit, Concionatoris muneri judicabitur idoneus, possit Superior, prævia Superiorum, ut de confessariis dictum est, approbatione, cum ad hoc officium, quamdiù, & quibus locis expedire judicaverit, adhibere, eique propterea laboris manuum immunitatem dare.

7. Prædicatores, cum ad monasterium redierint, exactam rationem eleemosynæ, quam ex concionibus perceperunt, reddere teneantur statim Superiori suo,

qui renitentes pœna condigna multare non negligat. Nullus localis Superior possit munus Prædicatoris exercere tempore Aduentus, & Quadragesimæ absque expressa licentia sui respectivè Visitatoris provincialis. Prædicatores præfatis temporibus concionantes, si aliis, quàm quadragesimalibus cibis indigent vesci, licentiam à Superiore locali petant. Nullus Prædicator approbetur ab Abbate Generali, vel Visitatore provinciali (penès quos tantummodò residet facultas approbandi Concionatores) nisi, qui per cursum integrum studiis Philosophiæ, & sacre Theologiæ incubuerit.

8. *Hanc autem regulam sæpiùs volumus in Congregatione legi &c.* Quotiescumque statutis diebus capitulum cujusque monasterii habetur, caput unum Regulæ, aut saltem capitis longioris pars recitetur, quæ hoc signo ¶ ab alijs distinguitur, prætereaque diligenter lædatur privatim à singulis. Quamobrém ejus exemplar singuli habeant.

9. Roget quisque Superiorem aliquotiès in anno, ut sibi pro ijs, quæ contrà Regulam, & Constitutiones commisit, aliquid pœnitentiæ irroget. Quod ei ne tam facillè labatur in posterum, non minimo præsidio erit.

De fratribus in via directis.

C A P U T LXVII.

1. **F**RATRES è monasterio Superioris permisso prodituri, eodemque die in monasterium reversuri, accipiant benedictionem à Superiore flexis genibus, capite inclinato, vel in ejus absentia à Superiore, dummodò præsens non sit Abbas Generalis, vel Visitator provincialis; in horum siquidem alterius præsentia, penès hunc, non penès Superiorem localem est benedicere. Ipsi verò Superiores à nemine benedictionem accipiant. Si eodem die reversuri non erunt, accipiant benedictionem toto corpore humi prostrati. Qui ad aliud monasterium mittuntur, vel aliò, non nisi post longum tempus reversuri, in medio chori prostrati, nisi aliter Superior jusserit, benedictionem accipiant.

2. Omnes in monasterium reversi, simul atque ingressi sunt, Superiorem localem, & non alium adeant, eodemque modo, quo benedictionem exituri acceperunt, ab eo tantum iterum accipiant.

3. Qui post quindecim dies revertuntur, si tempore divini officii monasterium ingrediuntur, & Superior choro adsit, post completum officium illud in medio chori prostrati, sicut in Regula præcipitur benedictionem accipiant.

4. Prodeuntes è monasterio Portarium admoneant, quò se conferant, & qua hora se sperent reditu-

ros. Fratres in itinere cum aliqua transierint, ubi sic monasterium Congregationis, alibi quam in monasterio diversari non possint, & ingressi Superiorem illicò conveniant benedictionem eodem modo, quo suprà, accepturi, ejusdemque monasterii Superiori, dum illic morantur, non minus quam proprii monachi, obediant, nec sine ejus permisso quicquam agant cum extraneis. Habeant fratres in itinere literas Superioris sui commendatitias, alioquin non accipiendi, nisi ad pœnitentiam. Quod si quis in aliquod monasterium commorandi causa venerit, literas in eam sententiam scriptas afferat.

Si fratri impossibilia iniungantur.

Cap. LXVIII.

Ut in monasterio non præsumat alter alterum defendere. *Cap. LXIX.*

Ut non præsumat quisquam aliquem passim cedere, aut excommunicare.

C A P U T LXX.

I. **U**T in monasteriis nostris omni rixa, jurgioq; remoto, summa pax, & tranquillitas

perpetuò servetur, statuimus, ut si quis iratus alteri cuiquam se manus allaturum minatus fuerit, quamvis aliud nihil faciat, is sexta quaque feria mensis unius in solo pane, & aqua humi sedens in medio refectorii jejundet, ac se ipse verberibus cœdat. Quod si præter minas verborum, etiam pugnum, aut baculum, aut aliud quidvis quasi percussurus, illi intentaverit, quamvis non percutiat, eam pœnam duplicatam subeat. Si autem hoc in Superiorem admiserit, totos tres menses eadem pœna, aliisque pro rei gravitate adiungendis castigetur.

2. Si quis quemvis fratrem in fensu animo percusserit, præter sententiam excommunicationis, quam ipso facto incurrit (à qua nisi per Abbatem Generalem, aut Visitatorem provincialem, aut cui potestas ab altero communicata fuerit, absolvi non queat) singulis capitulis unius mensis virgis cœdatur, & singulis sextis feriis in pane, & aqua sedens humi, sicut dictum est, in medio refectorii jejundet. Quod si hinc gravior, & enormis læsio secuta fuerit, percussori conjecto in carcerem dictæ pœnæ prorogentur, sola Capituli Generalis, aut Abbatis Generalis, aut Visitatoris provincialis misericordia remittendæ. Eidemque pœnæ sit obnoxius quisquis Superiorem monasterii quamvis ictu levi malitiosè percusserit.

Ut obedientes sint sibi invicem fratres.

C A P U T LXXI.

1. **S**I quis autem frater &c. Cum quis à Superiore quavis de re quantumvis parva reprehenditur, statim genu flexo, demissoque capite expectet, dum Superior ipsi benedicat, surgendique signum det. Si verò animum ejus in se paululum modò commotum esse senserit, toto corpore prostratus humi jaceat, nec antè surgat, quàm ille jusserit. Ac tùm inclinato corpore pœnitentiam imponendam expectet. Caveat autem, nè quantumvis acerbè obiurgatus ullam vocem mittat, nisi interrogatus. Ac tùm summa modestia, & reverentia respondeat.

*De zelo bono, quem debent habere
monachi. Cap. LXXII.*

*De eo, quod non omnis observatio justitiæ in
hac sit regula constituta.*

C A P U T LXXIII.

1. **C**UM nulla sit in religione capitalior pestis inertia, & languore animi, quo monachus oscitans, & torpens in studio pietatis dormitat, & quasi

metam perfectæ virtutis attigerit, de progressu faciendo in ejus curriculo nihil pensi habet, meritò sanè sanctus Pater Benedictus, cum tyronibus militiæ spiritualis reliqua necessaria abundè subministrasset, huic etiam malo succurrendum sibi ratus, ejus in Regulæ suæ clausula remedium in primis salutare, præsentissimumque tradit. Id autem est, ut quanta virtute, quantaque religione, & sanctitate vitæ, tam multi olim admirabiles monachi excelluerint, quàm submissi humilitate, prompti obedientia, placidi mansuetudine, patientes labore, strenui diligentia, austeri jeuniis, insomnes vigiliis, nudi paupertate, muti silentio, segregati solitudine, benefici charitate, puri castimonia, recti simplicitate, nivei innocentia, oratione denique, & rerum divinarum meditatione cælestes potius Angeli, quàm terreni homines extiterint, nos etiam, atque etiam consideremus, animoque contemplemur. Ea profectò cogitatio, nisi trunci, aut stipites sumus, facile torporem omnem nobis ex animo excutiet, acerrimosque stimulos ad virtutem admovebit. Quid enim præ illis sumus? Aut cur nobis placeamus, quasi in virtute simus aliquid, cum propè infinito intervallo ab illorum sanctimonia distemus? Quomodò autem virtutis præstantiam, ad quam illi per tot sudores, & contentiones, per tot dimicationes, & certamina assidua laboriosissimè pervenerunt, nos in otio ludibundi, aut compressis manibus sedentes posse consequi speremus? Hoc igitur, fratres, antè oculos ponamus, hoc dies, & noctes assiduè meditemur. Et cum illos ex eodem, quo nos, lutos fictos fuisse, eandemque naturæ imbecillitatem, quam nos, habuisse intelligamus, expergisca-

mur aliquandò tandem hujus defidiæ somno , & verno ; exuamus hanc enervatam , muliebremque molliem , viriliter agamus , & confortentur corda nostra , accingamus lumbos nostros sicut viri : & divinæ benignitatis ope , non nostris viribus confisi , ad eandem illam perfectionem animi , ac divinam sapientiam , & similitudinem cum Deo , tandemque ad eandem beatæ immortalitatis omnibus bonis cumulatam , & redundantem arcem , ad quam illos videmus ascendisse , quamvis non æquis passibus , per eorum vestigia summa contentione curramus , eodem illo , qui nos benignè præventos in benedictionibus dulcedinis ad hunc gloriosissimum pulverem è mundi cæno vocavit , animos , & vires idoneas ministrante Deo , cui laus , & gloria in sæcula sæculorum. Amen.



CAPITULO GENERALI

In Congregatione Monachorum Reformatarum
S. BERNARDI.

Unoquoque triennio celebrando .



UT Capituli Generalis celebrandi ratio (quam propter argumenti longitudinem, è capite tertio regulæ, ad quod pertinebat, in hunc locum consultò rejecimus) distinctè, & dilucidè tradatur, ejus descriptionem in certa capita partiemur. Primum, quo quæritur, quid sit Capitulum Generale, & quæ sit ejus potestas. 2. De iis, qui sunt ad Capitulum conventuri. 3. Quid observandum sit in unoquoque monasterio tempore Capituli. 4. De tempore, & loco celebrandi Capituli. 5. De eo, quod in primo confessorio Capituli fieri convenit. 6. De electionibus in primo confessorio faciendis. 7. De aliis electionibus in secundo confessorio faciendis, & quæ sit Definitorii authoritas. 8. Qua ratione negotia in singulis confessoribus tractanda sint. 9. De electione Abbatis Generalis. 10. De electione Seniorum Assistentium, & de Superiorum abdicarum scrutinio. 11. De electione Visitatorum generalium, Procuratoris generalis, Visitatorum provincialium, & aliorum cujusque monasterii Superiorum. 12. De ultimo confessorio, & clausula Capituli.

Quid

Quid sit Capitulum Generale, & quæ ejus potestas.

CAPUT PRIMUM.

1. **C**APITULUM Generale est primariorum Patrum Congregationis cœtus totum corpus Congregationis referens. Cùm enim fieri non possit, ut univèrsa Congregatio in unum locum conveniat, dùm primarii Patres Congregationis de rebus ad utilitatem totius Congregationis spectantibus deliberaturi conveniunt, tota Congregatio convenire censetur.

2. Penès Capitulum Generale est summa potestas Congregationis, quippè cum ejus sit eligere, absolvere ipsum Abbatem Generalem, & alios quoscùmque præcipuos Congregationis Officiales. Itèm sancire, & decernere arbitrato suo (debito tamen, & præscripto ritu) quæ à tota Congregatione servanda sunt. Deniquè de maximis quibusque rebus ad universam Congregationem pertinentibus constituere.

3. Sufficiat porrò ad ratificationem contractuum sola Capituli Generalis autoritas, nullo Notario super hoc requisito, & solo Capituli Secretario Notarii vices gerente. Quod si quæ difficultas circa hujusmodi contractuum validitatem suboriat, possit Abbas Generalis debitis modis, & formis eos ratos facere.

*De iis, qui sunt in Capitulum conven-
turi.*

C A P U T II.

1. **Q**UOS primarios, idest, primos Patres Congregationis diximus Capitulum Generale componere, ij sunt, Abbas Generalis, Seniores Assistentes, Visitatores generales; Procurator generalis, Visitatores provinciales, & Superiores singulorum monasteriorum in Abbatias, vel Prioratus erectorum, ad quos omnes, & singulos Abbas Generalis, cum tempus hujus celebrationis advenerit, ita opportunè literas intimatorias mittere curabit, ut ad eos antè festum Nativitatis Domini pervenire possint. Præter supradictos, alius prorsus nemo, nisi facultatem nominatim habuerit ab Abbate Generali, ad Capitulum Generale proficisci audeat.

2. Si quis Visitator generalis fuerit, & simul Superior alicuius monasterii, Capitulum Generale adeat, ut Visitator generalis, & Superior monasterii, non plura tamen, sed unicum votum laturus.

3. Si quis eorum, ex quibus Capitulum constitui debet, existimat, se legitimo impedimento prohiberi, quò minùs veniat, scribat illud ita maturè ad Abbatem Generalem, aut ad Capitulum convocantem, ut ab eo responderi possit, nùm illam excusationem probet, & si non probet, ille in tempore adesse possit. Abbates autem, vel Priores excusationem eundi ad
Capi.

Capitulum Generale habentes, monasteria nihilominus tam in spiritualibus, quam in temporalibus usque ad novorum adventum administrent.

4. Si autem alicuius monasterii Superior fortè objerit, vel alia de quacumq; causa inhabilis factus fuerit intra sex menses proximè antè Generale Capitulum, Supprior pro Superiore non accedat ad Capitulum; sed statim Abbas Generalis de suorum Consiliariorum consensu eligat Vocalem accessurum postea ad Capitulum Generale ex professis illius Provinciæ, & loco illius Superioris, qui defunctus, aut inhabilis, ut supra, factus fuerit. Vocalis autem sic electus mittatur ad regimen vacantis monasterii sub titulo Superioris, & in Capitulo Generali locum habeat post Abbates, & Priores, & deindè omnibus ab officio absolutis, teneat locum suæ professionis, sicut cæteri. Insupèr quia utraque Provincia nostræ Congregationis, Romana scilicet, & Pedemontana pari semper Vocalium numero ad Capitula Generalia debet concurrere, statuimus, quod ex Provincia, quæ monasteriorum, seu Vocalium numero inferior fuerit, tot alios Vocales, præter Abbates, & Priores jam creatos, Abbas Generalis de consensu suorum Consiliariorum, & Visitatoris generalis ejusdem Provinciæ, antè Capituli Generalis celebrationem eligere teneatur, quot ad consequendam Vocalium æqualitatem erunt necessarii. Eligendi tamen qualitates, & requisita habeant, quas in Superioribus monasteriorum eligendis nostræ Constitutiones præscribunt.

5. Si Congregatio divino munere sic aucta fuerit, ut in quinque Provincias, quarum quæque octo saltem monasteriis subsistat, dividenda sit, ad Capitu-

lum Generale convenient, præter Superiores majores, Visitatores provinciales tantum.

6. Qui conventuri sunt ad Capitulum, eo tempore in via se dent, quod illis commodè sufficiat, ut recto itinere ad Capitulum contendentes eò uno, aut altero die, si è vicinis monasteriis veniant, aut si è longinquo paucis antè diebus, ubi Capitulum celebrandum sit, pervenire possint. Qui sinè gravi, & legitima causa contrafecerint, arbitrio Capituli puniantur.

7. Visitatores provinciales secum ferant ad Capitulum quoslibet processus ab ipsis, vel ab aliis de eorum mandato contrà quoscumque fabricatos, etiam si nondum fuerint completi, idemque omninò faciant Superiores locales, quibus præcipitur deferre, & præsentare Capitulo quæ sequuntur. Primū ordinationes Visitationū transacti triennii, cum fide à Senioribus, quod eas servaverint, subscripta. 2. Inventaria sui quisque monasterii revisa, & ut suprà, subscripta. 3. Computa expensæ, & acceptæ pecuniæ, debita monasterii, & credita, statumque rei familiaris, ac reddituum omnium juxtà formam in Rituali descriptam, exactas descriptiones à Senioribus, ut suprà, subscriptas. 4. Numerum missarum in toto triennio celebratarum, & illarum etiam, quæ à die discessus illorum celebrandæ relinquuntur. Quod si eam quantitatem ex manualibus præsertim reliquerint, quæ per duos menses ab adventu futuri Superioris pro rata Sacerdotum celebrari non possit, multentur pœna privationis vocis passivæ subeundæ in eodem tantum Capitulo Generali. 5. Deferant etiam Catalogum eorum Defunctorum, qui diem suum in transacto triennio obierunt. Si quis ex supradictorum aliquod ad Capitulum
Gene.

Generale deferre omiserit, pœna præfata privationis vocis passivæ in eodem tantum Capitulo plectatur.

8. Superior quisque tantam frumenti, vini, saltem, & fructuum quantitatem in suo discessu Successori relinquat, quanta pro sustentatione monasterii usque ad novorum collectionem necessaria erit, qui secus fecerit pœna, ut supra, plectatur.

Quid observandum sit in unoquoque monasterio tempore Capituli.

C A P U T III.

I. **A** die, quâ Superior iturus ad Capitulum è monasterio discedet usque ad ejus regressum, vel alterius adventum, vices ejus gerat in omnibus, & per omnia in Abbatis quidem Prior, in Prioratibus Supprior, quod si nullus Prior, vel Supprior hujusmodi fuerit, præsit is, quem Abbas, seu Prior discessurus nominaverit, atque in hujus defectu Sacerdos professione antiquior.

2. Eodem tempore nemini liceat extrâ monasterium pernoctare, excepto Cellerario, idque ex gravi causa maturo Seniorum judicio approbanda. Nihil circa regularem observantiam, & disciplinam immutetur, nihil circa fabricas, & ædificia, nisi in casu imminenti ruinæ. Mandamus itaque Superioribus monasteriorum, ne insumere audeant pecunias, & victualia excedentia solitam provisionem pro alimoniis fratrum relicta à Superiore in suo discessu ad Capitulum

Generale, nisi in necessariis ad victum, seu pro aliqua re urgente, & quæ non patiaturs dilationem, à toto capitulo monasterii approbanda, nisi Superior in suo discessu aliter jusserit. Qui secus fecerit, suspensionem vocis activæ, & passivæ incurrat ad arbitrium Abbatis Generalis.

3. In singulis monasteriis post Superioris discessum usquè ad novi adventum, quotidie in choro, vel post Primam, vel post Tertiam arbitrio Superioris, publicè, & devotè, sinè tamen cantu, recitentur Litanie Beatæ Virginis cum Orationibus de Spiritu Sancto, de Beata, de Sanctis Benedicto, & Bernardo, & *Omnipotens sempiterne Deus, qui facis mirabilia magna solus &c.* ut in Manuali pag. 151. & idem fiat in monasterio, ubi celebratur Capitulum toto tempore hujus celebrationis. Die verò, qua Capitulum incipiendum erit, cantetur Missa solemnis in unoquoque monasterio de Spiritu Sancto, quæ etiam à singulis Sacerdotibus ea die privatim celebretur pro felici progressu Capituli. Quod si dies festivus esset, & de præcepto, Missa superior de Spiritu Sancto cantetur, & privatæ de Spiritu Sancto in proximum transferantur. Non Sacerdotes verò eodem præfato die communicabunt omnes. Qui in aliquo prædictorum deliquerit, pænæ graviori omninò subiaceat.

*De Tempore, & loco celebrandi
Capituli.*

C A P U T IV.

I. **C**ELEBRETUR Capitulum Generale tertio quoque anno feria secunda, quæ sequitur Dominicam tertiam post Pascha, idque in monasterio, quod à superiore Capitulo fuerit delectum. Si in triennio intermedio ortum fuerit aliquod impedimentum, quominus in eo loco Capitulum haberi possit, Abbas Generalis cum assensu seniorum Assistentium, Visitatorum generalium, Procuratoris generalis, & ipsorum Visitatorum provincialium, si tempus patietur, alium locum Capitulo eligat.

2. Sed & interdum, non expectato legitimo tempore, Capitulum extra ordinem celebrandum occurreret, ut si propter gravissimam causam tempus ordinarium ejus celebrationi constitutum expectari non posse videbitur. Cum igitur res exegerit, ut extra ordinem Capitulum convocandum sit, Abbas Generalis cum senioribus Assistentibus & Procuratore generali idem sentientibus de hoc judicet. Cumque id necessarium esse duxerit, scribat ad omnes Superiores convocandos, tantò antè diem Capituli, quantum sufficiat, ut eorum ad ipsum responsis perlatis, alteræ literæ ipsius ad illos antè tempus proficiscendi ad Capitulum pervenire possint. Si tamen id spatium datum non fuerit, valeant nihilominus, rataque sint, quæ

in Capitulo geruntur, dummodò Vocales utriusq; Provinciæ adsint pares. In eo autem Capitulo sic extrà ordinem convocato electiones Superiorum omnium, cæteraque fiant, ac si suo tempore celebratum esset.

3. Si tempore ordinario celebrandi Capituli casus aliquis ejus celebrationem impenderit, sit ad Capitulum usquè prorogatum officium, tùm Abbatis Generalis, tùm Seniorum Assistentium, ac Visitatorum, generalium, Procuratoris generalis, Visitatorum provincialium, aliorumque omnium Superiorum. De hoc autem ipso, quod Capitulum celebrari suo tempore non possit, pœnès præfatos omnes, aut saltem majorem eorundem partem judicium sit. Quod si id impedimentum nimis diuturnum futurum esse videatur, iidem illi eodem modo, quid opus sit factò, constituent. Nec verò legitimum impedimentum censi debet, quod non possint omnes convenire; dummodò Vocales pares utriusque Provinciæ Romanæ, scilicet, & Pedemontanæ saltem possint aliqui.

*Quid in primo confessori Capituli fieri
conveniat.*

C A P U T V.

I. **C**ONGREGATIS iis, ex quibus constitutum est Capitulum, cùm ejus inchoandi dies advenerit, Capitulares omnes summo mane pri-

vatas Missas de Spiritu Sancto celebrent, & eandem Abbas Generalis cunctis Patribus presentibus cantet. Antequam in Concilium congregentur, signum Concilii detur triginta Campanæ majoris pulsibus; idemque fiat, quotiès Vocales omnes convocandi erunt; quo signo audito, nulla interposita mora, omnes in Concilium conveniant. Missa igitur majori celebrata, instituat, ut infra, Processio, in qua hic ordo servetur.

2. Primò præcedat cum Cruce tota familia monasterii, in quo celebratur Capitulum, Superiore excepto, qui inter Capitulares procedit suo in loco, deindè Superiores monasteriorum præcedentiam inter se respectivè tenentes. Sequantur Visitatores provinciales ordine Provinciarum retento, tùm Superiores majores, & postremò Abbas Generalis.

3. Ordo porrò tam Provinciarum, quàm monasteriorum ex eorum antiquitate, & origine spectetur, ut quò Provincia, vel monasterium priùs erecta fuerit, vel receptum, priorem obtineat locum. Provincia Romana cæteras omnes antecedit, & immediatè post ipsam Pedemontana. Aliæ tres, si ut suprà c. 3. n. 5. eodem tempore erigendæ fuerint, præcedentiam inter se desumant ex antiquiore monasterio ex iis, quibus illa constare declarabitur.

4. Ingressis ergo Patribus, hymnoque completo, recitet Abbas Generalis, prout infra, Orationes, tùm sedentibus omnibus, quærat, nùm plena, & legitima videatur Congregatio Capituli, de quo, si de tribus partibus Capitularibus plures duabus convenerint, dubium non sit. Tunc recognoscatur, quinam absint ex iis, qui convenire debuerint, & cùm quæsitum fue-

fuerit de absentibus expectandis, quod majori parti præsentium placuerit, vincat. Quærat^{ur} de præsentibus, nùm quis eorum inhabilis sit, & si quis fortè repertus fuerit, excludi ne debeat, an habilis reddi, ex pluralitate vocum statuatur. Absentium autem vota nullo modo supplere liceat.

5. Nullus omninò in Capitulo Generali, sive præsens sit, sive absens alterum accuset, aut denunci^{et}, sive præsentem, sive absentem, nisi de crimine, vel jam judicialitè confesso, vel quod per facti evidentiam, quæ nulla possit tergiversatione celari, palàm omnibus constiterit, vel per legitimi Judicis sententiam antè intimatum Capitulum Generale latam, de eo quis convictus fuerit: qui secùs fecerit, omninò non audiat^{ur}, & voce acti^{va}, & passi^{va} per decennium privatus existat. De perpetrata culpa, cui jam imposita sit pœna, nullus accuset, nequè crimen illud opponat, nisi fortè pœna illa nondùm completa sit.

6. Illud autem teneatur, neminem quantumvis legitimè impeditum posse jus suffragii, quod habet, in alterum transferre, nec quisquam absens, & qui confessui Capituli non interfit, vocem habeat in eo, nisi in electionibus. Superiores monasteriorum exhibeant inventaria, & alia, quæ superiùs diximus per ipsos in Capitulum esse deferenda, idemque faciant Visitatores provinciales.

7. Atquè, ut omnis occasio præcidatur Capituli, quasi minùs legitimè congregati impugnandi, eorumque, quæ in eo decreta fuerint pro irritis, & nullis habendorù, qui secundum locum obtinet in Capitulo, absolvat Abbatem Generalem, aut eum qui præest

præest in Capitulo antè locum suum genuflexum hac formula.

Auctoritate Dei omnipotentis mihi licet indignissimo per Sedem Apostolicam concessa, Ego te absolvo ab omni vinculo excommunicationis, suspensionis, interdicti, & à quibusvis aliis sententiis, censuris, & pœnis, tecumque super quavis irregularitate, & impedimento dispenso, quatenus possum, & tu indiges, ad hoc tantum, ut quaecumque per te fient in Congregationibus præsentis Capituli tempore habendis, rata, & firma sint. In nomine Patris, & Filii, & Spiritus Sancti. Amen.

8. Deindè Abbas Generalis, aut qui præest, cæteros omnes genuflexos absolvat iis verbis:

Auctoritate Dei omnipotentis mihi licet indigno per Sedem Apostolicam concessa, Ego vos omnes, & singulos hic congregatos, itemque omnes durante hoc Capitulo nobiscum congregandos ab omni vinculo excommunicationis, suspensionis, interdicti, & à quibusvis aliis sententiis, censuris, & pœnis absolvo, & cum iisdem, & vobiscum super quavis irregularitate, & impedimento dispenso, quatenus possum, & vos, illique indigetis ad hoc tantum, ut omnia, quæ in Congregationibus præsentis Capituli agentur, rata, & firma sint. In nomine Patris, & Filii, & Spiritus Sancti. Amen.

9. His confectis absolvantur omnes tam Officiales, quàm Superiores ab Abbate Generali à suis officiis, & Superioritatibus, quod sic fiat. Sedente Abbate Generali, vel eo, qui præest, in sella sua, cæteri omnes Officiales, & Superiores monasteriorum humiliter in solum se prosternant, ille autem erectus dicat.

Ego Frater N. Abbas Generalis Congregationis Reformatorum

matorum S. Bernardi Ordinis Cisterciensis, auctoritate Dei omnipotentis mihi licet indigno concessa, absolvo, & absolutos esse pronuncio vos omnes presentes Officiales, & monasteriorum Superiores, aliosque absentes ab officiis, & ab administratione monasteriorum vobis commissorum.

Tunc illi surgant, & in subselliis secundum ordinem suæ professionis omninò locum teneant, nulla spectata antea actæ dignitatis perfunctæ ratione.

*De electionibus in eodem primo confesso
faciendis.*

C A P U T VI.

1. **O**FFICIALIBUS igitur, & Superioribus, ut supra, absolutis, eligatur Secretarius vir gravis, & ad excipienda quæque acta Capituli, tum ingenio, tum manu promptus, & idoneus, qui decreta omnia, & acta ab initio ad exitum usque Capituli distinctè, & ordinatè perscribat, eique si opus sit, ad scriptionis commoditatem socius adiungatur. Eligatur autem hoc modo, & idem fiat in omnibus, & singulis futuris electionibus, una Abbatis Generalis excepta.

2. Scribant singuli manu sua in singulis schedulis jam antea super mensam præparatis nomen illius, quem Secretarium fieri velint, & eas in urnam, quæ super mensa imagini Crucifixi supposita est, unus post alium, Præsides ipso incipiente, conjiciat. Quo facto Abbas Generalis, vel qui præsidet, & ultimus capi-

Capitularium Scrutatores futuri primò genibus flexis antè imaginem Crucifixi jurent singuli in hæc verba :

Testor Deum fidei, & veritatis auctorem, me suffragiorum, quæ tributa cuique fuerint, numerum verè renunciaturum, & quamvis alicujus manum agnoscam, nemini unquàm patefacturum, & in hac toto scrutandi officio sinè fraude, & dolo bona fide versaturum.

3. Deindè cùm ad mensam accesserint, inversa urna, schedulas omnes dinumerent, postea ultimus Capitularium, quem diximus, Abbate Generali, seu eo, qui præest, inspectante describat è schedulis, tùm nomina eorum, quibus suffragia contigerunt, tùm numerum ipsorum suffragiorum, quæ quisque habuerit, ab iis præcipuè ducens initium, in quos plures consenserint, ex quibus quò quisque professione antiquior est, hoc priore loco ponatur, idque in omni nominatione, & scrutinio perpetuò servetur. Tùm verò pronunciet ea nomina clara voce, sic ut omnes audiant. Si quis plus quam mediam partem schedularum habere fuerit inventus, is Secretarius erit; sin minus, res ad calculos revocetur, & qui primus amplius dimidia parte calculorum nigrorum habuerit, is erit in Secretarium electus. Quod si res non processerit, iterùm ferantur suffragia primò, scilicet, de iis, qui plura vota habuerint, ut suprà. Quod si nemo habuerit suprà dimidium totius numeri, qui ad eum numerum propiùs accesserit, electus sit, & si pluribus paria numero suffragia faverint, ille electus censeatur, qui professione antiquior erit.

4. Tàm porrò Secretarii electio, quàm Præsidis, & quatuor Definitorum ad ampliorem rerum Congrega-

gregationis notitiam ex gravioribus, & magis spectatæ virtutis Patribus pro æquali portione, partim ex Provincia Romana fiat, & partim ex Pedemontana.

5. Qui Secretarius electus fuerit, Scrutator etiam sit, & immediatè post illius electionem juret eodem modo, & forma, quibus suprâ n. 2. eique curæ sit inspicere cum aliis duobus Scrutatoribus nominatorum schedulas, & eorumdem nomina describere, & pronunciare.

6. Secretario sic electo, è vestigio Abbas Generalis, seu Præses mox absolvendus pauca ad sese ingenuè excusandum, & infirmitatis suæ conscientia præfatus, petat aperto capite à Capitulo veniam. Deindè eligatur Capituli Præses unus, qui statim Abbatem Generalem ad solum prostratum absolvat hac forma.

Ego Frater N. hujus Capituli Generalis humilis Præses autoritate Dei omnipotentis mihi licet indigno concessa, absolvo te, & absolutum pronuncio ab administratione nostræ Congregationis tibi commissa.

Surgat tunc sic absolutus, & sessum eat cum reliquis Patribus secundum ordinem suæ professionis. Postea verò eligantur duo Definitores, apud quos, & Præsidem abdicatus Abbas Generalis, aliis omnibus egressis, reddat, si tempus patietur, eodem contextu rationem administrationis suæ.

*De aliis electionibus in secundo confessu
faciendis, & quæ sit Definitorii
authoritas.*

CAPUT VII.

I. **S**INDICATU Abbatis Generalis absoluto, congregentur iterum omnes, & alii duo Definidores eligantur. Quo peracto, dimittatur confessus, & remanentibus in Capitulo cum Præsidente quatuor Definitoribus coram ipsis Procurator generalis sui officii, & expensarum pecuniarum rationem reddat. Si quid tam in Abbatis Generalis absoluti, quam in Procuratoris generalis scrutinio gravius occurrerit, propter quod Definitorii judicio vel ambo, vel eorum alter ab ipso Definitorio interdicendus sit: tunc alius, vel alii in eorum locum ex Vocalibus ejusdem Provinciæ respectivè à toto Capituli cætu eligantur.

2. Post hujusmodi peractum scrutinium Abbas Generalis, & Procurator generalis absoluti, vel alii in eorum loci suffecti immediatè post Definidores locum habeant; atquè ii septem omnes alios Capitulares præcedentes, communi consilio minora quæque Capituli cognoscant, examinent, & definiant; graviora verò Capitulo reservent. Pro minoribus autem ea sola intelligantur, vel quæ ad aliquam personam particularem, aut aliquod singulare monasterium

spectabunt, sive gratiam concernant, sive justitiam, quorum singula, nisi à Capitulo Generali immediate sequenti confirmantur, nullius roboris sint, excepta tamen collatione titularum abbatialium. Interim verò durante triennio, & donèc ab alio Capitulo, ut supra, abrogentur, ab omnibus tanquàm definitiones omninò observentur. Curæ sit Definitorii Patribus omnia, quæ à quibusvis allata sunt, ad Capitulum referre, & literas, quæ mittuntur ad Capitulum, aperire. Sit præterea penès eos reicere, quæ referenda non videntur, si tamen is, qui refert, non repugnat, alioquin referantur. Possint etiam eorum, qui scripserint, nomina taceri, præsertim si ipsi id petierint, nisi Capitulum prohibuerit.

3. Videant primo loco, & recognoscant, an scripturæ omnes à Superioribus monasteriorum, ut supra, ad Capitulum allatæ, & in primo confesso consignatæ, præscripto modo subscriptæ sint. Subscriptorum attestations perlegant, & examinent, & si quos ex hujusmodi lectione Superiores in re aliqua deliquisse invenerint, vel eisdem auditis ad Constitutionum formam corrigant, vel puniendos in eorum scrutinio Abbati Generali eligendo remittant.

4. Tempore Capituli Generalis perdurante, Præses, & sex Definitores præfati ad cognoscenda, examinandaque negotia bis quotidie congregentur, denturque semper ad id significandum septem Campanæ majoris ictus lento funis tractu. Unicuique confessori Orationes consuetas Præses præponat, & post unumquemque gratias agat, ut infra. Duret autem confessus quisque, Matutinus quidem à completa, Prima usque ad Sextam, Vespertinus verò, à completa

pleta Nona usque ad Vesperas. Eo tempore, quo Definitorium congregatum negotiis incumbit, janus Capituli aliquis semper assistat, is, scilicet, cui id munus Præses injunxerit, quem idem Præses, quotiès opus fuerit, ad se tintinnabuli pulsu advocabit.

5. Capituli Præses antequàm confessum hunc dimittat, aliquos Confessarios diversis ex Provinciis pro Capitularium confessionibus de Definitorum consilio constituat; eligat quoque eodem modo ex peritioribus Patres quatuor, qui Computistarum officio fungantur. Hi autem cujusque monasterii tam expensarum, quàm reddituum computa, & rationes examinent; debitorum causas inquirent, & recognoscant, quas deindè in scriptis relatas Abbati Generali novitèr electo consignabunt, addito etiam, si quid in præfatis computis, & rationibus erratum invenerint.

6. Singulis diebus Missa cum Ministris cantetur, ad quam Capitulares omnes nullo impediti negotio convenient, agantque tam in ea, quàm in Officio Divino persolvendo Cantorum partes, quibus Præses jusserit, qui tam Celebrantem, quàm Ministros, factò priùs cum Præsìde verbo, designabunt, & quæ Missa cantanda sit, indicabunt.



Qua ratione in singulis confessibus negotia tractanda sint.

C A P U T V I I I.

I. **Q**UÆ majoris momenti sunt, pridie quàm tractentur, in Capitulo palàm proponantur. Suffragiis secretis, & usitata calculorum ratione sententiæ quæque stabiliantur in Capitulo, & quæ sententia majoris partis fuerit, ea valeat; quod si paribus suffragiis res suspensa fuerit, iterùm ferantur suffragia, & tùm Præses altero calculo addito rem discutiat, quod idem faciat in omni alio simili casu. Scrutatorum autem partes agant in omni scrutinio Major Capituli, Secretarius, & Vocalium postremus.

2. Si majori parti Capituli placuerit, certis Capitularium certas res cognoscendas, & constituendas mandari liceat.

3. Sententiam dicturi in Capitulo semel tantùm dicant, & nihil iterent, in re tamen magni momenti Præses iterùm dicere petentibus post omnes dictas sententias, concedat; dicturus verò stans, & aperto capite dicat.

4. Ad aliquam sententiam stabiliendam tùm demùm ferantur suffragia, cùm Secretarius eam scripserit, non tamen in libro; scriptam autem recitet, ut intelligatur, nùm rectè expressa sit, & ad mentem Capituli, semel verò suffragiis confirmata mutari

nullo modo possit, nec melioris quidem compositionis, aut elegantiae causa.

5. Porro ut religiosa modestia in dicendis sententiis ab omnibus adhibeatur, hæc servantur. Qui mandato aliorum aliquid proponit, simpliciter ut accepit, proponat nihil immutans, addens, aut detrahens, nec in quam partem propensior sit, significet. Absit inanis verborum copia, nec sine necessitate dilatetur oratio. In loco, & ordine quisque suo sententiam dicat, idque cum à Præsidente facultatem, & benedictionem acceperit. Placide, & quietè loquatur, nec magis contendat vocem, quàm loci amplitudo postulet. Proba sit, & modesta oratio, nec in quemquam aculeata, nec cuiusquam contemptum præferens; gestusetiam omnis compositus sit, & verecundus.

6. Non liceat cuiquam, cum aliter decretum fuerit, ac ipse senserit, adhuc adversari, nec dicere, sibi non probari, quod decretum fuerit, sed id, in quod plures consenserint, rectum esse sit omnibus persuasum. Dicenti nullus obloquatur, nec quicquam, quominus liberè loqui liceat, dicatur, aut fiat. Nulli inter se colloquantur, aut submissa voce mustitent, & nemo, nisi facultate impetrata, discedat, aut moveat se de loco suo. Capitulares, qui morbo detenti confessibus cum cæteris interesse non poterunt, in decretis faciendis suffragia non ferant.

7. Tertia, vel quarta die ab incæpto Capitulo, aut certè alia sibi benè visa, de mane jubeat Præsides coràm omnibus monachorum omnium transacto triennio defunctorum per Capituli Secretarium recitari nomina, additis cuiusque obitus anno, mense, die,

& loco, in quo defuncti sunt. His recitatis surgat primus Capituli Cantor, & stans aperto capite, & facie ad Præsidentem conversa dicat in cantu more solito hæc verba. *Absolvatis animas fratrum nostrorum monachorum hoc triennio defunctorum.*

Quibus dictis, toto cætu surgente, Præsides aperto capite subinferat: *Animæ fratrum monachorum nostrorum hoc triennio defunctorum requiescant in pace.* Et responso ab omnibus, *Amen*, Cantor Psalmum *De profundis* in solito tono imponat, quem alternativè cæteri stantes prosequantur; eoque finito subjungant omnes simul, *Kyrie eleison &c.* & genuflectant. Imponat illicò Præsides, *Pater noster*, & eo completo subjungat Versus, *Et ne nos &c. A porta inferi. Requiescant in pace; Domine exaudi orationem &c.* & surgens, subinferensque, *Dominus Vobiscum*, dicat Orationem, *Deus veniæ largitor* cum suis versibus, ut in Manuali pag. 238.

8. Post hæc sedentibus omnibus, si quid à toto cætu decernendum erit, proponatur sanè, sin minùs, injuncta à Præsidente Missa pro eisdem defunctis eodem mane solemniiter celebranda, confessum dimittat.

9. Præsides verò cū Patribus Definitorii in loco perseverans catalogum eorum Patrum, qui voce passiva in futura Abbatis Generalis electione gaudere debent examinet, atquè constituat, & ex peritioribus scriptoribus alicui in plura folia, quot, scilicet, in Capitulo Vocales fuerint, transcribendum consignet, aut certe imprimi curet.

10. Negotiis demùm, rebusque ad Capitulum Generale spectantibus peractis, stabiliantur in ultimo

ipsius Definitorii confessu taxæ ab unoquoque monasterio in actu Visitationis tam Abbati Generali, quam Visitatoribus tum generalibus, tum provincialibus solvendæ. Moxque iterum toto convocato cætu de præficiendo sibi, ac toti Congregationi Capite, in proximo futuro confessu congregatos commonefaciat. Addat, ut ad hanc tam gravem, tantiq; momenti rem salubritèr peragendam omni humana cogitatione, & cupiditate seclusa, unusquisque in unam Dei gloriam, utilitatemque Congregationis intuens, non solum omni ambitione, & cupiditate honoris (quæ duci monachum flagitium sit) prorsus vacet, sed etiam ab omni alia propensione, aut alienatione, quæ rectum iudicium impediat, purus, & integer sit.

II. Caveant autem omnes, ne tam in hac Abbatis Generalis, quam in omnibus, & quibuscumque electionibus voces, aut suffragia promissione, terrore, odio, passione, conventionibus, & Principum, aut Prælatorum favore, vel sibi ipsis, vel aliis procurent. Qui secus fecerit, pœnas in Constitutionibus contrâ ambientes fulminatas ipso facto omninò luat. Hoc tamen decreto non prohibetur, quin Capitulares antè electionem quamcumque inter sese sincerè, prudenter, & sinè omninò conventionibus de persona eligenda, tam privatim, quam publicè colloqui, & consulere valeant.

De electione Abbatis Generalis.

C A P U T IX.

1. **A**BBATIS Generalis electio de mane fiat semper, & post à Præsidente, quantum fieri poterit, vel ab alio ad illius arbitrium cantatam de Spiritu Sancto Missam, ut in prima die Capituli. Celebrata igitur solemni Missa, convenient omnes in Capitulum, in quo sit antea parata sedes, & cætera ad hujusmodi electionem necessaria. Sudentibus autem omnibus legantur per Secretarium, quæ sequuntur.

2. Nullus in Abbatem Generalem eligatur, qui non fuerit, aut Senior Assistens, aut Visitator generalis, aut Procurator generalis, aut Visitator provincialis, aut denique alicujus monasterii Abbas, vel Prior per integrum triennium, ejusdemque electio alternativè semper celebretur; ita ut una vice ex professis Provinciæ Romanæ assumatur, & altera vice ex professis Provinciæ Pedemontanæ, & idem de Procuratore generali, de Assistantibus, & Visitatoribus generalibus dictum sit.

3. His autem perlectis, cum singulis Capitularibus singula nomina eorum, qui juxta jam dicta in Abbatem Generalem eligi possunt, distributa fuerint, pronunciet Secretarius hæc verba.

In nomine sanctissimæ Trinitatis Patris, & Filii, & Spiritus Sancti ad electionem Abbatis Generalis nostræ Congregationis veniatur.

Tunc

Tunc surgentibus omnibus, Præses in loco suo aperto capite stans juret in hæc verba.

Testor Christum, qui me judicaturus est, me eum eligere in Abbatem Generalem hujus Congregationis S. Bernardi Reformatorem, quem secundum Deum judico eligi debere.

4. Sedeant post hujusmodi juramentum omnes, & eos illicò Præses hoc modo interroget: *Juratis nè & vos omnes, eum vos in Abbatem electuros, quem secundum Deum judicatis eligi debere?* Surgat tunc qui post Præsidentem primus Vocalium est, & manum dexteram pectori admovent, ità ut ab omnibus videatur, alta, & clara voce respondeat, *Juro*, & sedeat, & sic unus post alium eodem modo singuli jurent, primò ii, qui ad dexteram Capituli sunt, & alii deindè, qui ad sinistram, à majoribus semper incipiendo.

5. Tunc Præses Capituli è schedulis sibi datis eam seligat, in qua scriptum est nomen illius, cui suffragari in animo habet, & duobus digitis prehensam attollens, ut videatur, in urnam, quæ super mensam imagini Crucifixi supposita est, conijciat, idemque alii omnes faciant, primò quidem Definidores, deindè cæteri ordine professionis servato.

6. Si qui ex Vocalibus morbo detenti fuerint, accedant cum urna ad eos, qui post Definidores prior est in ordine, Secretarius Capituli, & Vocalium ultimus. Infirmus autem postquam juraverit eadem forma, qua Præses, schedulam suam in urnam conijciat, idemque observetur in suffragationibus, & sequentibus electionibus. Hoc facto accedant ad mensam Scrutatores, & urnam super eam invertant. Hinc schedulas

dulas omnes Præses dinumeret , deindè aperiat , & cum nomen in unaquaque illarum descriptum legerit , eas singulas primò Capituli ultimo , & demùm Secretario legendas tradat , qui Secretarius è singulis ipsarum describat tùm nomina eorum , quibus suffragia contigerunt , tùm numerum ipsorum suffragiorum , quæ quisque habuerit , ab ijs præcipuè ducens initium , in quos plures consenserint , ex quibus quò quisque professione antiquior est , hoc priore loco ponatur , idque in omni electione , & scrutinio perpetuò fervetur .

7. Tùm verò pronunciet idem Secretarius ea nomina clara voce , sic ut omnes audiant . Si quis de tribus partibus schedularum duas habere fuerit inventus , is sinè alio experimento legitimus Abbas Generalis sit ; sin minùs , res ad calculos redeat hoc modo .

8. Scrutatores , quos diximus , statim expeditis calculis , Secretarius quidem ad dexteram sedentibus , ultimus verò Vocalium ad sinistram binos singulis distribuunt , alterum album , quo refragatio declaratur , alterum nigrum , quo suffragatio significatur ; qui quidem calculi non plures illic sint , quàm ut ei distributioni sufficiant ; ac continuò Secretarius nominet eum , cui major schedularum numerus contigerit , ut de eo in suffragium eatur .

9. Tunc singuli ordine suo , ut suprà ; ad mensam accedentes singulos calculos albos , aut nigros in urnam conijciant , istamen , de quo agitur , non accedat , nec suffragium ferat , quod in omnibus scrutinijs generatim fervetur .

10. Cum omnes id fecerint , Scrutatores inspiciant , quòt suffragijs illè sit expetitus , & si duas partes suffragiorum

giorum de tribus tulerit, res confecta est, ille sit Abbas Generalis. Si non habuerit, scribatur numerus suffragiorum, quæ habuit, & palàm pronuncietur. Post proponantur alii, quo ordine scripti sunt, ac de singulis in suffragium eatur. Cui primò de tribus partibus suffragiorum duæ contigerint, is Abbas Generalis sit. Quod si nulli tantum suffragiorum contigerit, pronuncietur quantum cuique contigerit, & redditis cuique calculis, iterùm eodem prorsus modo suffragia ferantur, ità, nimirum, ut quò quisque majorem numerum suffragiorum habuerit, hoc priùs de eo suffragia ferantur. Quod si nec tunc quidem cuiquam evenerit, quantum diximus suffragiorum, tertio idem repetatur, ea tamen lege, ut qui in Superioribus experimentis plus tribus suffragiis non habuerint, excludantur. Si neque tunc res efficitur, quarto ferantur suffragia, ijs, quibus non plus quatuor suffragijs contigerit, exclusis, nisi fortè omnibus eadem sit conditio; quod si sit, nullus excludatur. Si neque tunc duo trientes suffragiorum ulli accesserint, is Abbas Generalis electus censeatur, in quem plura suffragia concurrerint, si modò dimidium totius numeri superent. Si verò (quod vix fieri potest) nec tunc quidem res explicatur, repetito scrutinio tandem exitum inveniet.

II. Electione peracta scribatur à Secretario decretum his verbis conceptum.

Anno Domini N. die N. mensis N. in legitimo Capitulo Generali secundum legitimam, & præscriptam rationem Reverendissimus Pater, ac Dominus N. electus fuit Abbas Generalis Congregationis S. Bernardi Reformatorum Ordinis Cisterciensis.

Hoc decretum Præses Capituli, aut si is electus sit, Definitor antiquissimus recitet, illudque deindè subscribant Definidores omnes, & Scrutatores, & sigillo majore Congregationis obsignent, nec fas sit cuiquam, exceptis Scrutatoribus, schedulas electionis inspicere, sed illæ statim in ignem conijciantur, idemque fiat semper in simili re.

12. Ei, qui sic electus fuerit, ut & reliquis Officialibus eligendis, non liceat officium demandatum detractare, aut ulla ratione defugere, fiducia, videlicet, divinæ benignitatis, quæ cum onus imposuerit, vires ei sustinendo necessarias non denegabit.

13. Cum primò electus Abbas Generalis declaratus est, omnes Capituli Patres eum summa humilitate, & reverentia salutatum eant, Præses primò post impositum à se Canticum *Benedictus* in tono sexto in Capitulo ipso alternatim absolvendum. Quod si is fuerit Abbas Generalis electus, imponat præfatum Canticum Definitorum primus. Salutent eum deindè Definidores, & tunc eorum officium desinat, tùm alii deinceps ordine suo quisque. Interim factò sonitu omnium campanarum peractæ electionis signo, conveniant cuncti fratres monasterii in Capitulum, qui peracta ibidem etiam ab ipsis Abbati Generali salutatione, adjuncti Capitularibus conferant se processionalitèr in Ecclesiam summo animorum, & vocum consensu concinentes Hymnum, *Te Deum laudamus* à Majore Capituli post Abbatem Generalem electum imponendum. Incedant primò Monasterii fratres, qui Capitularibus semper, & ubiquè usquè ad Capituli exitum cedere debent; Capitulares deindè omnes inter sese loca professionis servantes, & Abbas
Gene-

Generalis postremus. Hymno præfato in Ecclesia absoluto, Abbate Generali in loco sibi præparato manente, qui post ipsum antecedit ordine, dicat Versum, & Orationem, ut infra.

*De electione Seniorum Assistentium,
& de Superiorum absolutorum
scrutinio.*

C A P U T X.

1. **A**BBATE Generali electo, sicut dictum est, vel eadem, vel postera die ad ejusdem Abbatis arbitrium, ad Seniorum Assistentium electionem accedatur, quam cum rectè fieri tantum intersit ad conservationem Congregationis, quantum difficile dictu est (sunt enim ea officia præcipua vincula, & firmamenta Congregationis) videat unusquisque in hac electione, ut ab iis affectibus, qui plerumque tenebras animo offundunt, rectumque; judiciū eripiunt, liber, & vacuus, unum Deum in hoc opere sibi antè oculos proponat, & divinum lumen, quo mens, & sua, & aliorum dirigatur, piis precibus imploret. Horum autem electio fiat eodem modo, quem in Secretarii electione explicavimus.

2. Post supradictorum electionem, dimisso cætu, Abbas Generalis Senioribus mox electis, & Abbate Generali absoluto, Capitulique Secretario præsentibus, absolutorum illicò Superiorum cujusque monasterii

sterii scrutinium instituat hoc modo . Examinentur primò cujusque monasterii computa jam revisa , & tam debitorum , quàm creditorum rationes , vocenturque , si opus fuerit , revisores ipsi . Videantur aliæ scripturæ ab absolutis Superioribus monasteriorum ad Capitulum Generale allatæ .

3. His intellectis , cùm Secretarius , Abbate Generali admonente , notaverit , si quæ videantur notatu digna , vocentur Visitatores provinciales , & Superiores per ordinem , & administrationum suarum rationem reddant . Cumque gravioribus , quæ fortè in eos à computorum revisoribus , vel ab aliis relata , distinctè , & sigillatim responderint , Abbas Generalis eos prout expedire judicaverit , vel laudet , vel reprehendat , objurget , & meritis pœnis afficiat .

*De electione Visitorum generalium , Procuratoris generalis , Visitorum provincialium , & aliorum cujusq;
monasterii Superiorum .*

C A P U T X I .

1. **P**RÆDICTIS omnibus jam absolutis , vocatoque iterum totu cætu , eligantur Visitatores generales , & Procurator generalis eadem prorsus forma , qua Assistentes ipsi , quibus electis , dimisso iterum cætu , Abbas Generalis de omnium supradictorum Superiorum majorum consilio , unum ,
vel

vel plura monasteria in quacumque Provincia pro studiis tam Philosophiæ, quàm sacre Theologiæ, aut etiam Grammaticæ, seu Humanitatis deputet, auditis tamen prius eorum sententiis, qui præterito triennio præfuerunt monasteriis, in quibus præfata studia collocari existimat.

3. Studiis sic deputatis, eligantur tùm Visitatores provinciales, tùm cujusque monasterii Superiores per Abbatem Generalem ipsum, Assistentes, Visitatores generales, & Procuratorem generalem dumtaxat, qui si propter alicujus absentiam pauciores, quàm sex fuerint, alius, vel alii, & maximè, si fieri potest, qui eodem officio aliquandò functi sint, in ejus locum, ad hujus electionis effectum tantummodò per Capituli generalis Vocales sufficiantur.

3. In hac electione professi unius Provinciæ ad gubernanda monasteria alterius Provinciæ non assumantur.

4. De necessitatibus Provinciarum, & monasteriorum, deque personis, quas Abbas Generalis parùm noverit, ipse diligentèr inquirat tùm à supradictis Superioribus, tùm etiam ab aliis, qui proximè illis Provinciis, aut monasteriis præfuerunt. Hoc autem ea cautione, & prudentia fiat, ut & qui interrogat, necessaria tantùm interroget, & qui respondet, ad interrogata tantùm respondeat, verbum prætereà non addat. Qui præter interrogata respondens aliquid in alterius infamiam dixerit, gravi animadversione puniatur.

5. Ut autem ad præfatorum electionem veniamus, proponat primò Abbas Generalis unumquemque eligibilem, & auditis, ut suprà, dictorum Pa-

trum opinionibus, eundem deinde suffragiis secretis eorundem exponat. Qui majore calculorum parte probatus fuerit, is electus sit. Abbas porro Generalis tam in hac, quam in simili electione, in qua electores pares numero fuerint, calculos nigros, & albos, binos habeat.

6. Fiat autem hæc electio hoc ordine, ut Superiores, quorum officia majoris momenti esse Abbas Generalis iudicaverit, prius creentur, primò equidem Visitatores provinciales, & proximè post hos Superiores Novitiatuum.

De ultimo Confessu, & clausula Capituli.

C A P U T XII.

1. **SUPERIORIBUS** omnibus electis, & ceteris, quæ ad Capitulum Generale pertinent, expeditis, convocet Abbas Generalis cætum omnem, & palàm tam acta, decretaque Capituli Generalis, quam Superiores constituti alta voce pronuncientur, & promulgentur, eodemque tempore quisque, cum nominatus fuerit, in suo collocetur ordine.

2. Post hæc Abbas Generalis locum pro sequenti Capituli Generalis celebratione proponat Capitularium suffragiis approbandum. Hinc idem Abbas Generalis cum pia, brevique exhortatione congregatos monuerit, quæ pro temporum, & locorum ratione monenda visa fuerint; Hymnum *Te Deum* imponat,

& fiat Processio ad Ecclesiam, ad quam etiam totus monasterii conventus ordine, quo suprà, accedat. Expeditis autem in Ecclesia, prout infrà, precibus, Capitulum dimissum sit.

3. Capitularium quisque primam, quam dicturus est, Missam pro gratiis Deo agendis dicat, si ritus patiat, alioquin cum primùm licuerit.

4. Superior quisque monasterii postulet à Secretario, si quæ ad suum monasterium præcipuè spectantia decreta sint, in authentica forma sibi describi, postea in codicem monasterii referenda.

5. Quæ decreta Capituli in usum conferenda, & executioni mandanda sunt, Abbas Generalis ex actis Capituli per Secretarium fideliter transcribi curet, & eorum exemplaria, sive manu scripta, sive typis impressa ad omnia Congregationis monasteria, quater in anno, eodem, scilicet, tempore, quo solent Constitutiones legi, in eorum singulis legenda per Superiores ipsos transmittat.

6. Qui Capitulo Generali interfuerint, disputationes, quæ fortè in Capitulo intervenerint, non eferant, aut patefaciant; quantumvis enim decreta Capituli palàm fieri debeant, quæ tamen in illis constituendis disputata sunt, proferri fas non est. Quæ divulgata possent Congregationi, vel alicui Personæ detrimentum afferre; perpetuo etiam silentio obruantur. Qui tandem discessuri sunt, ut primò quoque tempore discedant, operam dent.

7. Superiores locales cum primò ad propria monasteria pervenerint, inventaria omnia ad Capitulum ab Antecessoribus delata examinent, & recognoscant, & si quid in eis tam circa utensilia majora, vi-

Etualia, & pecunias, quàm circa debita, & credita, itemque Missas ad Capitulum Generale non fidelitèr delatum fuerit, de ea infidelitate fidem à Senioribus subscriptam ad Abbatem Generalem, aut Visitatorum provincialem mittant; qui delinquentes pro delictorum gravitate omninò puniant; Superiores verò monasteriorum, qui id fieri neglexerint, Abbatis Generalis, vel Visitatoris provincialis arbitrio plectantur.

8. Inquirant etiam præfati Superiores à fide dignis, quid tempore Capituli in eorū monasteriis contrà Constitutiones, ac præsertim contrà caput quintum hujus libri grave commissum sit, & de eo ad præfatos Superiores rescribant cum Seniorum monasterii subscriptione. Abbas verò Generalis, vel Visitator provincialis ijs literis acceptis, ad modum culpæ peccantes puniant.

F I N I S.

*Preces tam antè quemcumque Con-
fessum Capituli Generalis, quàm
post recitandæ.*

Die prima Capituli Missa majori completa, & depositis à Celebrante, & Ministris, vel apud Altare, vel in Sacratio sacris vestibus, conferant se omnes, tam Capitulares, quàm familiæ fratres, antè Altare Sanctissimi Sacramenti, ibiquè genuflexis omnibus, imponat Abbas Generalis Hymnum *Veni Creator Spiritus*, & primo eiusdem Hymni tetrastico persoluto, instituatur Processio. Ea autem ingredi Capitulum incipiente, sistet se Cruciferarius in medio eius cum Ceroferarijs, facie ad imaginem Capituli conversa. Subsequentium verò tam primi, quàm, cæteri omnes, ut ingrediuntur, ultrà se non conferant, sed facta in ipso limine Cruci profunda inclinatione, qui ad dexteram pergunt dextrorsùm, & qui ad sinistram sinistrorsùm, inferiores sedes occupent, ex quo fiet, ut qui primi intrauerunt, ultima loca obtineant, & qui ultimi ingrediuntur, priores sedes impleant; ad propria autem loca cum fuerint, faciem ad Crucem in medio existentem convertant, & sic stent, usquè dùm completæ sint preces.

Hymnus.

Veni Crëator Spiritus
Mentes tuorum visita,

M

Imple

Imple superna gratia,
Quæ tu creasti pectora.

Qui Paraclitus diceris,
Donum Dei Altissimi,
Fons vivus, ignis, charitas,
Et spiritalis Vnctio.

Tu Septiformis munere
Dexteræ Dei tu digitus,
Tu ritè promissum Patris
Sermone ditans guttura.

Accende lumen sensibus.
Infunde amorem cordibus,
Infirma nostri corporis
Virtute firmans perpeti.

Hostem repellas longius;
Pacemque dones protinùs,
Ductore sic te præuio
Vitemus omne noxium.

Per te sciamus da Patrem,
Noscamus atque Filium,
Te vtriusque Spiritum
Credamus omni tempore.

Gloria Patri Domino,
Natoque, qui à mortuis,
Surrexit, ac Paraclito
In sæculorum sæcula. Amen.

Post Hymnum inclinantes se subiungant *Kyrie eleison, Christe eleison, Kyrie eleison*. Tùm Abbas imponat alta voce *Pater noster*, quo secretè completo, addat idem Abbas erigens se cum cæteris sequentes Versus, & Orationes.

V. Et ne nos inducas in tentationem.

R. Sed libera nos à malo.

V. Emitte Spiritum tuum, & creabuntur.

R. Et renovabis faciem terræ.

V. Dominus vobiscum.

R. Et cum Spiritu tuo.

Oremus.

Oratio.

D*Eus, qui corda fidelium Sancti Spiritus illustratio-
ne docuisti: da nobis in eodem spiritu recta sapere,
& de eius semper consolatione gaudere.*

Oratio.

A*ctiones nostras quæsumus Domine aspirando præ-
ueni, & adiuuando prosequere: ut cuncta nostra
Oratio, & operatio à te semper incipiat, & per te cæpta
finiatur.*

Oratio.

M*entes nostras quæsumus Domine lumine tue visi-
tationis illustra: ut videre possimus, quæ agenda
sunt, & quæ recta sunt agere valeamus. Per Christum
Dominum nostrum. R. Amen.*

Hac supradicta forma, antè quamcunque Sessio-
nem tempore Capituli vtendum erit, cùm simul ora-
verint. In secundo tamen, & cæteris Confessibus,
omnia sinè cantu dicantur.

Gratiarum actiones.

P*ost quemcunq; Confessum, siuè soli sint Patres
Definitores, siuè totus adsit Capitularium cœ-
tus; Præses exurgens ipse, & cæteris omnibus stan-
tibus, dicat.*

M.

V. Con-

V. Confirma hoc Deus, quod operatus es in nobis.

R. A templo tuo, quod est in Hierusalem.

V. Speciosa facta es, & suavis.

R. In delicijs tuis Sancta Dei Genitrix.

V. Iusti autem in perpetuum vivent.

R. Et apud Dominum est merces eorum.

V. Dominus vobiscum.

R. Et cum Spiritu tuo.

Oremus.

Oratio.

Concede nos famulos tuos, quæsumus Domine Deus, perpetua mentis, & corporis sanitate gaudere: & gloriosa Beata Mariæ semper Virginis intercessione à præsentis liberari tristitia, & æterna perfrui lætitia.

Oratio.

Excita Domine in Ecclesia tua Spiritum, cui Beati Patres Benedictus, & Bernardus Abbates servierunt: ut eodem nos repleti studeamus amare, quod amarunt, & opere exercere, quod docuerunt. Per Christum Dominum nostrum. *R. Amen.*

Orationes suprâ electum Abbatem Generalem.

Publicato per Capituli Secretarium electionis Abbatis Generalis decreto, & Cantico Benedictus, ut suprâ absoluto, antiquior post eundem Abbatem imponat Hymnum *Te Deum Laudamus*, & fiat, ut suprâ dictum est, Processio ad Ecclesiam, monasterij familia cum Cruce præeunte. Ut in Ecclesiam peruenerint, Crucifero cum Ceroferarijs versùs Altare maius progrediente, ibiquè propè cornu Euange-

lij, versa facie ad cornu Epistolæ, se sistente; cæterorum, qui ingrediuntur, primi hinc indè alas facientes propè ianuam subsistant, facie adinuicem conversa: hinc alij, & alij suprà ipsos eodem modo, & demùm vltimi, qui progrediuntur ad Presbyterij cancellos se collocent, & dùm Abbas Generalis per medium eorum pertransit, omnes ei profundè inclinent. Abbas autem Generalis ad reclinatorium procedat, & ibi vsquè ad finem genuflexus perseueret. Ad totum Versum *Te ergo, &c.* versùs Altare genuflectant omnes. Hymno autem absoluto, versùs Altare stantibus omnibus, professione antiquior dicat ter in cantu sequentem Versum, & subsequentes Orationes.

V. Confirma hoc Deus, quod operatus es in nobis.

R. A templo tuo, quod est in Hierusalem.

Oremus.

Oratio.

D*Eus, qui corda fidelium Sancti Spiritus illustratione docuisti: da nobis in eodem Spiritu recta sapere, & de eius semper consolatione gaudere.*

Oratio.

P*ratende Domine famulo tuo dexteram cælestis auxilij: ut te toto corde perquirat, & quæ dignè postulat assequatur.*

Oratio.

O*mnipotens sempiterne Deus, qui facis mirabilia magna solus, prætende super famulum tuum N. & super Congregationem illi commissam spiritum gratiæ salutaris: & ut in veritate tibi complacere, perpetuum ei rorem tuæ benedictionis infunde. Per Christum Dominum nostrum.*

R. Amen.

Orent deindè genuflexi ; & surgente Abbate Generali, surgant omnes, eundemque ad hospitium euntem comitentur.

Preces in Clausula Capituli.

T Erminatis omnibus in ultimo Capituli Confessu, imponat Abbas Generalis Hymnum *Te Deum*, & fiat Processio eodem modo, quo suprâ à Capitulo ad Ecclesiam, in qua Hymno completo, stantibus omnibus, Abbas Generalis subiungat in cantu ter hunc Versum.

V. Benedicat nos Deus noster, benedicat nos Deus.

R. Et metuant eum omnes fines terræ.

Addat Abbas

V. Dominus vobiscum.

R. Et cum Spiritu tuo.

Tunc Abbas subinferat

Oremus.

Oratio.

D *Eus, cuius misericordiæ non est numerus, & bonitatis infinitus est thesaurus, pijsimæ Maiestati tuæ, pro collatis donis gratias agimus, tuam semper clementiam exorantes: ut qui petentibus postulata concedis, eosdem non deferens ad præmia futura disponas. Per Christum Dominum nostrum.*

R. Amen.

Genuflectant post hæc, & orent aliquantulum, & surgente Abbate Generali, surgant omnes, & eum ad hospitium usquè sequantur.

B R E V E CLEMENTIS

P A P Æ V I I I .

Fel. rec.

Quo hæ Constitutiones approbantur , &
confirmantur .

C L E M E N S P A P A V I I I .

Ad perpetuam rei memoriam .

EX debito Pastoralis officii divina nobis dispositio-
ne commissi ad ea , per quæ personis Deo dica-
tis , præsertim verò Regularibus certa piè , &
cum ædificatione proximi vivendi norma traditur , &
Regularia loca antea laxiora reformationem suscipiunt ,
libenter intendimus , & his quæ providè statuta , atque
ordinata fuisse dicuntur , dùm à nobis petitur , Aposto-
lici muniminis adiciamus firmitatem. Cum itaque hoc anno
MD XCV. Constitutiones quædam , ac declarationes in
Regulam Sancti Benedicti à dilectis filiis Monachis Con-
gregationis Beatæ Mariæ Fulienfis Cisterciensis Ordinis
in eorum Generali Capitulo hic in Urbe congregatis , seu
quibusdam ipsorum , ratione ad eorum Institutum , &
Disciplinam accommodata conditæ , & in eodem Capi-
tulo lectæ , & comprobatæ , ac nobis præsentatæ fuerint ,
ipsiusque

ipsiusque Congregationis Fulienſis nomine nobis fuerit hu-
 militer ſupplicatum, quatenus haſce Conſtitutiones, &
 declarationes confirmare, & approbare de benignitate
 Apoſtolica dignaremur: Nos verò illas Venerabili fratri
 Ludovico Archiepiſcopo Montis Regalis, & bon. mem.
 Audueno Epifcopo Caſſanenſi, Apoſtolica Viſitationis
 noſtræ in Alma Urbe Adjutoribus, & operariis, viden-
 das & recognoscendas, ac ſicubi opus foret, emendandas
 dederimus: Demùm ipſi, Conſtitutionibus, & declara-
 tionibus hujusmodi diligenter, & accuratè per eos viſis,
 & perpensis, renuntiaverint Nobis eas ſacris Canonibus,
 & Concilii Tridentini Decretis minimè adverſari, &
 nihil in eis niſi pium, ſanctum, & ipſius Congregationis
 rationibus, & utilitati accommodatiſſimum contineri:
 Nos igitur cupientes, ut hæ Conſtitutiones à dictis mo-
 nachis toto ſtudio obſerventur, ac volentes ipſam Con-
 gregationem, & illius Generalem, omneſque alios Su-
 periores, ac monachos ſpecialibus favoribus, & gra-
 tiis proſequi, nec non à quibuſvis excommunicationis,
 ſuſpenſionis, & interdicti, aliisque Eccleſiaſticis ſen-
 tentiis, cenſuris, & pœnis à jure, vel ab homine quavis
 occaſione, vel cauſa latis, ſi quibus quomodolibet inno-
 dati exiſtunt, ad effectum præſentium duntaxat conſe-
 quendum, harum ſerie abſolventes, & abſolutos fore
 cenſentes, necnon Conſtitutionum, & declarationum præ-
 dictarum tenores, & qualitates, ac ſi inſertæ forent præ-
 ſentibus, pro expreſſis, & inſertis habentes, hujusmo-
 di ſupplicationibus inclinati Conſtitutiones, & declara-
 tiones prædictas Autoritate Apoſtolica tenore præſentium
 perpetuò approbamus, & confirmamus, eiſque plenæ,
 perpetuæ, & inviolabilis firmitatis Apoſtolicæ robur
 adiicimus: Supplentes omnes, & ſingulos tam juris,
 quàm

quàm facti, ac etiam solemnitatum quarumcumque defectus, si qui intervenerint, aut intervenisse dici possint in eisdem. Et nihilominus omnibus, & singulis dictæ Congregationis Fulienfis Superioribus, monachis, monialibus, novitiis, & personis religiosis auctoritate, & tenore prædictis mandamus, & in virtute Sanctæ Obedientiæ præcipimus, quatenus easdem Constitutiones libenter suscipiant, & amplectantur, ac tanquàm legem, & normam vitæ suæ inviolabiliter observent. Cujus tamen præcepti vi nolumus, nec intendimus, ut si quis eorum contrà dictas Constitutiones deliquerit, alii pœnæ, quàm quæ in dictis Constitutionibus comminatur, subjaceat, neque obligetur. Decernentes propterea à Constitutiones ipsas nullo unquam tempore abrogari, rescindi, aut in aliquo immutari, vel alterari posse, nisi modo, & forma in ipsismet Constitutionibus præscriptis: ac irritum & inane quidquid secùs super his à quoquam quavis auctoritate, scienter, vel ignoranter contigerit attentari. Non obstantibus Constitutionibus, & Ordinationibus Apostolicis, cæterisque contrariis quibuscunque.

Datum Romæ, apud S. Petrum, sub Annulo Piscatoris, die 8. Novembris M. D. XCV. Pontific. nostri Anno IV.

M. Vestrius Barbianus.

B R E V E

Quo URBANUS fel. record. Papa
VIII. Congregationem S. Bernardi
Reformatorem à Congregatione
Fulienfi distinguit.

URBANUS PAPA VIII.
Ad perpetuam rei memoriam.

AD Vberes, & suaues fructus, quos dilecti filij
monachi Cisterciensis Ordinis Congregationis Be-
atæ Mariæ Fulienfis in vinea Domini afferunt, mentis
nostræ aciem intendentes, quod pro laudabilis eorum insti-
tuti felici statu, & directione conferat, attentè perspicimus,
ac desuper officij nostri partes libenter interponimus,
ut ijdem monachi litium præsertim, & discordiarum se-
motis anfractibus, in pacis amœnitate reddant Dom ino
abundantiùs fructus suos. Cum itaque in Congregatione
Venerabilis fratris nostri Marcelli Episcopi Tusculanèn.
Lantes, ac dilectorum filiorum nostrorum Ruberti, San-
cti Alexij Vbaldi, nec non Laudiniij Sancti Sisti, &
Berlingerij, Sancti Augustini titularum S. R. E. Presby-
terorum Cardinalium Gipsij respectiue nuucupat. super
negotijs dictorum monachorum à nobis deputatorum sæ-
pius actum fuerit de differentiis, quæ inter Monachos Gal-
los, & Italos Ordinis, & Congregationis huiusmodi
hactè.

haftenus intercefferunt. Nos eiusdem Congregationis re-
 latione, ac sententia audita, pro maiori animorum con-
 cordia inter monachos utriusque nationis tuenda, & con-
 seruanda, alijsque iustis, & rationabilibus causis ani-
 mum nostrum mouentibus, Motu proprio, & ex certa
 scientia, ac matura deliberatione nostris omnia, & sin-
 gula dictae Congregationis monasteria, ac domus in Ita-
 lia, ac partibus Pedemontium caterisque regionibus dile-
 cto filio Nobili Viro Carolo Emanuelli Sabaudiae Duci,
 & Pedemontium Principi subiectis existentia, illorumque
 monachos, personas, ac bona uniuersa ab omni, & qua-
 cumque iurisdictione, uisitatione, correctione, superiori-
 tate, dominio, cura, & regimine dictae Congregationis,
 eiusque praesentis, ac pro tempore existentis Abbatis Ge-
 neralis, ac Superiorum quorumcumque Apostolica autho-
 ritate, tenore praesentium perpetuo eximimus, separamus,
 ac totaliter liberamus, & tam ex ijsdem domibus, &
 monasterijs sic ut praesertur separatis, & dismembratis
 in hunc usque diem erectis, quam ex alijs quibuscumque
 domibus, & monasterijs posthac ubique locorum sub titu-
 lo tamen, & nomine Sancti Bernardi Reformatorum eri-
 gendis unam Congregationem Monachorum Sancti Ber-
 nardi Reformatorum dicti Ordinis nuncupandam, à pri-
 mo dicta Congregatione, eiusque Superioribus, & mona-
 chis prorsus distinctam, & separatam nobis & Sedi Apo-
 stolicae immediatè subiectam ab uno Generali iuxta regu-
 laria eiusdem Ordinis, Constitutiones, & Statuta Apo-
 stolica auctoritate confirmata, regendam, & gubernan-
 dam auctoritate, & tenore praesentis erigimus, & insti-
 tuimus, & Generalis quidem Congregationis Fuliensis
 suam residentiam, ac sedem ordinariam principalem in
 monasterio Beatae Mariae Fuliensis in Aquitania Riven-

sis Diœcesis, Generalis verò Congregationis Sancti Bernar-
 di in monasterio Sanctæ Pudentianæ de Urbe respecti-
 uè habeant, nec non Congregationi per præsentis erectæ,
 & institutæ, eiusque domibus, & monasterijs, ac Supe-
 rioribus, & monachis, nunc, & pro tempore existentibus
 quod omnibus, & quibuscumque priuilegijs, indul-
 tis, concessionibus, exemptionibus, immunitatibus, præ-
 rogatiuis, fauoribus, indulgentijs, ac alijs gratijs, tam
 spiritualibus, quàm temporalibus eidem veteri Congrega-
 tioni quomodolibet etiam per viam communicationis, seu
 extensionis, aut aliàs, quomodocumque concessis, confir-
 matis, & innouatis, ac in posterum concedendis vii,
 frui, & gaudere liberè, & licitè possint sine aliqua prorsus
 differentia per inde, ac si eidem Congregationi Sancti
 Bernardi, eiusque domibus, conuentibus, Superioribus,
 & personis nominatim, & æquè principaliter concessa
 fuissent eisdem auctoritate, & tenore concedimus, & in-
 dulgemus. Ad hæc statuimus, & ordinamus, quòd Ge-
 neralis, & monachi dictæ Congregationis Sancti Bernar-
 di primo quoque tempore in Romana Curia de domo bone-
 sta, & habitatione commoda, in qua Procurator Genera-
 lis Congregationis Fulienfis possit commorari, ac de pen-
 sione, seu annuo redditu sufficienti in perpetuum pro ipso Pro-
 curatore, & duobus monachis eius socijs providere, ac
 pro huiusmodi domus emptione idem Generalis, & mo-
 nachi scuta mille monete Romanæ, idque semel, pro ali-
 mentis verò centum quinquaginta scuta annui census, vide-
 licet, ratam partem singulis tribus mensibus sine ulla prorsus
 dilatione soluere teneantur. Quòd si contigerit, ut Mo-
 nachi Fulienses ex eleemosynis, & liberalitate aliquo-
 rum benefactorum eam pecuniæ summam annui census in
 Vrbe habere possint, quæ ad centum quinquaginta scuta
 annui

annui redditus possit perungere, tunc, & non prius præfata pensio, siue annuus redditus extinguatur, nec ultra cum Monachi Sancti Bernardi solvere teneantur. Præterea quod Monachi Galli; qui nunc in Italia degunt, si petierint, in Galliam remittantur sumptibus monasteriorum, in quibus commorantur, idemque fiat de monachis Italis in Galliam nunc degentibus iuxta concordatum, non ita pridem in Capitulo Generali dictorum monachorum Parisijs celebrato, initum, quod quidem concordatum quoad alia capita nullum, atque irritum auctoritate, & tenore similibus declaramus. Cæterum electiones, tam Generalis, quam aliorum Superiorum, & Officialium in eadem Capitulo factas quoad ea, quæ præsentibus non aduersantur ad cautelam, & quatenus opus sit confirmamus, & Apostolicæ firmitatis robore communimus. Quasque autem Congregationi Sancti Bernardi regimini, ac prospere directioni per deputationem Generalis prospici possit, Nos per modum provisionis, & usque ad futuram Generalis deputationem per nos mox faciendam in eiusdem Congregationis Prouicarium Generalem dilectum filium Petrum de Sancta Agnete Ordinis, & Congregationis huiusmodi monachum expressè professum auctoritate, & tenore præsentis facimus, constituimus, & deputamus. Mandantes propterea in virtute Sanctæ Obedientiæ, alijsque arbitrij nostri pænis dilectis filiis Congregationis per præsentem erectæ huiusmodi monachis, cæterisque ad quos spectat, ut eundem Petrum in Prouicarium sic per Nos deputatum iuxta tenorem præsentium recipiant, & admittant, illique pareant, faueant, & assistant, ac decernentes præmissa omnia, & singula, præsentemque literas valida, firma, & efficacia, esse, & fore, suosque plenarios, & integros effectus sortiri, & obtinere, ac omni-

bus, quos illæ concernunt plenissimè suffragari, ac ab ijs, ad quos spectat inuiolabiliter obseruari, sicque & non aliter per quoscumque Iudices, & Commissarios quauis auctoritate fungentes, in quauis causa, & instantia iudicari, & deffiniri debere, ac irritum, & inane, si quid secus super his à quoquàm, quauis auctoritate scienter, vel ignoranter contigerit attentari. Non obstantibus quibuscumque Constitutionibus, & Ordinationibus Apostolicis, ac Ordinis, & Congregationis huiusmodi etiam iuramento, confirmatione Apostolica, vel quauis firmitate alia roboratis, statutis, & consuetudinibus; priuilegijs quoque, indultis, & literis Apostolicis sub quibuscumque tenore, & formis, ac cum quibusuis clausulis, & decretis in contrarium premissorum quomodolibet concessis, confirmatis, & innouatis, quibus omnibus, & singulis illorum tenore presentibus pro sufficienter expressis habentibus, illis alias in suo robore permansuris, hac vice dumtaxat specialiter, & expresse derogamus, cæterisque contrarijs quibuscumque.

Datum Romæ apud Sanctam Mariam Maiorem sub annulo Piscatoris die vigesima secunda Maij 1630. Pontificatus nostri anno septimo.

M. A. Maraldus.

Decreta Sac. Congregationis super statu Regularium de mandato S. D.N. ALEXANDRI Papæ VII. pro recipiendis Nouitijs edita.

AD propagandam in Congregatione Monachorum Reformatorum Sancti Bernardi Ordinis Cisterciensis Regularem Observantiam, quæ Nouitiorum institutioni, & educationi præcipuè innititur, Sacra Congregatio deputata super statu Regularium de mandato Sanctissimi D. N. ALEXANDRI Papæ VII. in singulis Italiæ Prouincijs eiusdem Congregationis præsentis Decreti vigore designat, ac deputat infra scripta monasteria pro Nouitiatibus, & Professorijs, videlicet. In Prouincia Romana pro Nouitiatu, & Professorio monasterium Sanctæ Pudentiænæ de Urbe, & in Prouincia Pedemontana pro Nouitiatu, & Professorio monasterium Beatæ Mariæ de Testona Taurinensis Diœcesis. In quolibet autem ex prænominatis monasterijs pro Nouitiatu, & Professorio, ut præfertur, designatis eadem Sacra Congregatio impartitur licentiam hac vice tantum recipiendi ad habitum probationis octo Clericos, seu Choristas, dum tamen ea, quæ sequuntur, inuolantè obseruentur. Primum cum quis ad aliquod monasterium Congregationis prædictæ accesserit petens in monachorum numerum aggregari, Superior monasterij adiunctis sibi duobus, ijsque primis Senioribus (nisi fortè alteruter postulanti propinquitate, aut maiori aliqua necessitudine, amicitiaue coniunctus sit; tùm enim proximum ab eo Seniore ad id negotium adhibebit)

bibebit) interroget, & examinet Postulantem prudenter
 inuestigans nùm aliquod impedimentum in huiusmodi Con-
 gregationis Constitutionibus expressum ne recipi possit, ha-
 beat. nùm qua corporis, aut animi conditione ad ipsius
 Congregationis Institutum requisita careat; quo spiritu,
 humano, an diuino feratur, an denique vitæ generi, &
 Instituto dictæ Congregationis aptus sit; Videat nùm qua
 dote, aut qualitate ad ordinem Clericorum necessaria de-
 stitutus sit; quibus literis sit imbutus, & denique qua
 tum corporis sanitate, tum animi virtute, & religione sit
 præditus. Poscat etiam ab eo literas testimoniales à duo-
 bus minimùm idoneis testibus subscriptas, quibus testa-
 tum fiat ipsum, qui recipi petit, decimum quintum com-
 pleuisse annum, nequẽ natum extrà legitimum matrimo-
 nium, nequẽ ære alieno obstrictum, nequẽ cuiusquam ad-
 ministrationis rationibus reddendis obnoxium, nequẽ faci-
 norosum esse iuxta Sixti V. fel. record. Constitutionem:
 quod si ille huiusmodi literarum testimonium non habet, det
 operam, ut habeat; in eaque re dicta Constitutio seruetur.
 Atquẽ ut animus, & ingenium Postulantis certius, & ex-
 ploratius cognoscatur; idem Superior det negotium alteri
 dictorum Seniorum, ut eum diligentius per complures dies,
 sicut expedire iudicauerit, examinet, eademque opera di-
 sciplina, atquẽ Instituti prædictæ Congregationis ratio-
 nem edoceat, quid illi sit præstandum, aut exercendum
 in monasterio, præsertim verò, quid tolerandum nihil re-
 ticens asperiorum, exponat. Quo intellecto, Postulantis
 animus, aut si satis habet roboris in sententia, consilioque
 confirmetur, aut si fluctuat incepto viribus maiore pruden-
 ter desistat: Eodemque tempore de eius conditione, mori-
 bus, & anteaacta vita, etiam ab extraneis, & longin-
 quis, si opus sit, exquiratur. Cùm autem in hac disqui-
 sitione

sitione tantum temporis positum fuerit, quantum ad explorandum, cognoscendumque hominem, eiusque conditiones Superior monasterij cum Senioribus adiunctis satis esse iudicauerit, nihilque fuerit inuentum, quamobrem aspernendus, aut reijciendus videatur tamquam ad Congregationem prædictam minis aptus: tum sanè quærant ex eo, quamente, & voluntate sit; si perstet insententia, Superiorem Generalem commonefaciat, remque totam, ut euenerit, & suum, & Seniorum adiunctorum iudicium perscribat. Superior autem Generalis cum consensu Seniorum Assistentium, Procuratoris Generalis, & Prouincialis statuat de Postulante recipi, necnè debeat, prout ad diuinam gloriam, & bonum Religionis magis conducere existimauerit. In Prouincia verò Pedemontana, si in ea præsens non fuerit Superior Generalis, committitur facultas Prouinciali illius Prouinciæ recipiendi Postulantes ad habitum, & admittendi Nouitios ad professionem, qui nihilominus tam in acceptatione, quam in admissione prædictis eorum consensum exquirere teneatur, quos Superior Generalis de consensu Assistentium, & Procuratoris Generalis eidem assignabit, qui saltem tres ex grauioribus eiusdem Prouinciæ Patribus esse debent. Si autem contingat Superiorem Generalem à Prouincia Romana abesse, hanc facultatem præfatam Vicario ab ipsomet Generali ad formam Constitutionum prædictæ Congregationis in suo discessu constituendo committat: qui Vicarius de consensu Prouincialis, & aliorum ab ipsomet Generali de consensu, ut suprâ ad bunc effectum deputatorum accipiat, tum ad habitum, tum ad Professionem. His ut suprâ peractis, si admittendus censeatur, mittatur quàmprimùm ad monasterium nouitiatus, ubi in ipso suo vestitu, modesto tamen, & humilitati noui status suscipiendi consentaneo per aliquot dies,

ut hospes sit, quo tempore generalem confessionem faciat, & à Magistro Nouitiorum rerum spiritualium, & celestium meditatione exerceatur; quibus diebus in hac exercitatione consumptis, cum progressus in omni virtute, maximèque in humilitate faciendi spem dederit, induatur sanè in Domino habitu Nouitiorum, & in eorum cella per annum sit; ad quam cellam nisi de Magistri permissu, Professis, aliisque omnibus omni aditu sit prorsus interdictum: Vestes ejus, & si quid pecuniæ, aut aliud suum attulerit, scribantur, & omnia usquè ad Professionem ejus diligenter asserventur, nisi fortè, dum Novitius est, aliquid eorum in ipsius usum infumi contigerit. Illud verò omninò cauendum erit, ne à volentibus ingredi Religionem pro ipso ingressu, nec post susceptum habitum pro admissione ad Professionem, vel alio quocumque prætextu excepto victu, & vestitu Nouitii illius temporis, quo in probatione est, ab ipso, vel eius parentibus, aut propinquis, vel curatorem aliquid accipiat sub pœnis per sacros Canones, & Concilium Tridentinum statutis. Cæterum decurso probationis annuo spatio, nullus ad Professionem admitatur, nisi per vocum pluralitatem eorum, qui sunt in monasterio Vocalium accedente Magistri voce (cuius potissimum haberi ratio debet) approbatus. Cum igitur ex pluralitate vocum constitutum fuerit admittendum esse ad Professionem Nouitium, admoneatur de re tota Superior Generalis, deque suffragiorum numero, quæ in id conuenerint: qui rem diligenter examinatam, momentoque suo ponderatam communicet cum Senioribus Assistentibus, Procuratore Generali, & Prouinciali, & cum eorum consensu statuatur in Domino quid agi debeat. Idemque fiat, absente Superiore Generali, in Prouincia Romana à Vicario, & in Prouincia Pedemontana à Prouinciali

de consensu suorum , ut supra respectu deputatorum .
 Et si admittendus ad Professionem censeatur , admittatur
 sub exacta tamen vita communi ad præscriptum Regule ,
 & Constitutionum prædictæ Congregationis , quavis la-
 xiori consuetudine , seu potius corruptela non obstante , ser-
 uataque forma Sacrorum Canonum Concilii Tridentini ,
 & Constitutionum Apostolicarum , ac præcipue Decreto-
 rum sanctæ mem. Clementis Papæ Octauæ . Quod si aliquem
 ex dictorum Nouitiis antè Professionem à Religione disce-
 dere , aut expelli contigerit , alius in eius locum subrogari
 possit , dummodò tamen in omnibus seruetur forma superius
 præscripta . Post Professionem nouus Professus eidem
 Magistro , eidemque disciplinæ toto proximo triennio subsit ,
 eodemque tempore , nec actiuam , nec passivam vocem ha-
 beat , nec promoueatur ad sacros Ordines , nisi fortè Su-
 periori Generali , Seniores Assistentes , & Procuratorem
 Generalem in consilium adhibenti virtus , aut etas persua-
 serit alicuius , ut cum eo dispenset . Porro in prædictis
 monasteriis tam pro Nouitiis , quam pro Professori-
 is , ut supra assignatis , nec Superior , nec Nouitiorum
 Magister eligatur , seu deputetur , vel amoveatur , nisi
 ab ipsomet Superiore Generali de consensu Assistentium ,
 & Procuratoris Generalis ; familia verò constituatur ab
 eodem Generali cum consensu Assistentium , Procura-
 toris Generalis , & Prouincialis , nec in eis collocentur nisi
 Religiosi graues , deuoti , exemplares , & regularis ob-
 seruantiæ , ac puritatis Regule studiosi : præcipue vñ
 caueatur , ne ibi ponatur aliquis , qui non consentiat ser-
 uare vitam communem , quæ in prædictis monasteriis ad
 Regule , & prædictæ Congregationis Constitutionum præ-
 scriptum exactè observetur , indeque amoveantur , qui
 tam sanctæ ordinationi contradicere , aut quoquomodo se

opponere ausi fuerint. Quod si propter grauissimam aliquam causam amouendus sit aliquis à præfatis monasteriis pro Nouitiis, & Professoriis assignatis, & Superior Generalis absit, nec possit sine aliquo scandali periculo diutius res differri; tunc amoveatur per Prouincialem de consensu suorum, ut supra deputatorum, ita tamen, ut statim de re tota, deque causis huius amotionis Superiorem Generalem commonefaciat, qui alium seruata forma superius præscripta illius loco collocet. Ad extremum postquam Nouitii in Professorum numerum, ut supra cooptati fuerint, Superiores Regulares, ad quos pertinet, illicò S. Congregationem edoceant superscripta omnia, & singula fuisse ad unguem adimpleta, & executioni mandata, alioquin pœnas in memoratis Decretis Clementis Oëtauï fel. record. statutas se subituros, ac nouas licentias recipiendi Nouitios nequaquàm forè impetraturos certò sciant. Non obstantibus quoad præmissa omnia, & singula Constitutionibus, & Ordinationibus Apostolicis, nec non prædictæ Congregationis, statutis, consuetudinibus, & priuilegiis, cæterisque contrariis quibuscumque.

Datum Romæ die 12. Iunii 1655.

B. Card. Spada.

Loco ✠ sigilli.

P. Fagnanus S. Cong. Sec.

B R E V E

ALEXANDRI PAPÆ VII. felic.
rec. contrà Ambientes dignitates
tàm intrà, quàm extrà Congregatio-
nem.

ALEXANDER PAPA VII.
Ad perpetuam rei memoriam.

Nuper pro parte dilecti filij Procuratoris Generalis
Congregationis Reformatæ Sancti Bernardi Ordinis
Cisterciensis Nobis expositum fuit, quod inter alias
eiusdem Congregationis Constitutiones à fel. recerd. Cle-
mente Papa VIII. Prædecessore nostro confirmatæ una
reperitur tenoris sequentis, videlicet. Ut autem honorum,
& dignitatum cupiditati, omnique ambitioni, quantum
fieri potest, obstruatur aditus, decernimus, ut si quis
Superioris Congregationis, aut aliam quamcumque digni-
tatem Congregationis, aut aliam quamvis externam am-
bierit, aut ut ea demandetur alteri cuius, conatum ad-
bibuerit, is actiua & passiuæ voce in perpetuum careat,
vel etiam grauiori pœna puniatur arbitrio Capituli Gene-
ralis. Quod si quis aliquem ei rei dare operam cognoue-
rit, nisi quamprimum deferat ad Capituli Generalis Præ-
sidem eadem pœna teneatur. Cum autem, sicut eadem
expositio subiungebat, nonnulli monachi dictæ Congrega-

tionis professionis regularis per eos emissæ immemores beneficia Ecclesiastica, etiam curam animarum annexam habentia extrâ præfatam Congregationem non sinè præiudicio eorum animarum contrâ Constitutionis præinsertæ dispositionem conferre sibi procurent, eaque occasione disciplinam regularem relaxare, carnibus vesci, aliaque incongrua contrâ eorum Regulam committere cum reliquorum dictæ Congregationis monachorum scandalo, & sæcularium personarum offensione non vereantur. Nobis propterea idem Procurator Generalis humiliter supplicari fecit, ut in præmissis opportunè, ut infra providere de benignitate Apostolica dignaremur. Nos igitur dictum Procuratorem Generalem specialibus fauoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quavis occasione, vel causa latis, si quibus quomodolibet innodatus existit ad effectum præsentium duntaxat consequendum harum serie absolventes, & absolutum fore censentes, huiusmodi supplicationibus inclinati, præinsertam Constitutionem cum omnibus, & singulis pœnis, & aliis in ea quomodolibet contentis ita quod omnes, & singulæ gratiæ, quas cæterò contrâ eiusdem Constitutionis dispositionem obtineri contigerit, nullæ, & inualidæ, nulliusque valoris, & momenti existant, Apostolica auctoritate tenore præsentium confirmamus, & approbamus, illisque inuiolabilis Apostolicæ firmitatis robur adiicimus, ac omnes, & singulos iuris, & facti defectus, si qui desuper quomodolibet interuenerint, supplemus. Præterea à singulis præfatæ Congregationis monachis ne ullum beneficium Ecclesiasticum absquè licentia Capituli Generalis eiusdem Congregationis de triennio in triennium celebrari soliti in scriptis, &

non aliter, nec alio modo obtenta consequi, neue, ut aliquod simile beneficium sibi quoquomodo conferatur, directè, vel indirectè per se, vel per alium, seu alios, & aliter quomodolibet procurare præsumant sub expressis in præinserta Constitutione, necnon nullitatis provisionum contrà presentium dispositionem quomodocumque faciendarum, ac perpetuæ inhabilitatis ad quosvis gradus tam in dicta Congregatione, quam extrà eam consequendos pœnis per contravenientes incurrendis auctoritate, & tenore præsentis inhibemus. Decernentes præsentès literas semper firmas, validas, & efficaces existere, & fore, & ab omnibus, ad quos spectat, & pro tempore spectabit, inuiolabiliter obseruari. Sicque in præmissis per quoscumque Iudices ordinarios; & delegatos etiam causarum Palatii Apostolici Auditores iudicari, & definiri debere, ac irritum, & inane quicquid secùs super his à quaquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, necnon, quatenus opus sit, dictæ Congregationis, etiam iuramento, confirmatione Apostolica, vel alia quavis firmitate roboratis statutis, & consuetudinibus; privilegiis quoque indultis, & literis Apostolicis in contrarium præmissorum quomodolibet concessis, confirmatis, & innouatis, quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore permansuris specialiter, & expressè derogamus, ceterisque contrariis quibuscumque.

Datum Romæ apud S. Mariam Maiorem sub annulo Piscatoris die 11. Augusti MDCLV. Pontificatus nostri anno 1.

B R E V E

PAULI V. fel. rec. contra
Ambientes.

PAULVS PAPA QUINTVS
Ad perpetuam rei memoriam.

QUoniam nemo debet sibi assumere bonorem, nisi vocatus à Deo tanquàm Aaron, & à regularis vitæ instituto valdè alienum est, ut Religiosi viri (quos bonorum, & dignitatum gradus, sanctitate vitæ, & aliis religiosi virtutibus potiùs præmereri, quàm appetere, eosque gradus, cum ad eos assumuntur, obedienter suscipere, susceptosque humiliter administrare decet) mendicatis secularium præsertim personarum studiis ad eos sibi aditum patefacere contendant, undè magna in Ecclesia Dei pernicies afferri solet. Nos, qui pro muneris nostri debito in hoc potissimum laborare non desistimus, ut Ecclesiastica, Regularisque disciplina pristino candori restituatur, huic malo opportunum remedium adhibendum censuimus. Cum itaque sicut accepimus, quidam in Ordine Sancti Bernardi Congregationis Cisterciensium Italiae, professionis, & Regulæ, quam professi sunt, penitus immemores, nimiaque dignitatum, & officiorum Ecclesiasticorum in dicta Congregatione consequendorum ambitione ducti pro iis consequendis, Ecclesiasticorum, & secularium Principum studia requirant, & à S. R. E. Cardinalibus, aliisque

Præ-

Prelatis commendatitias literas, aliosque favores, & gratias propterea expetant, quibus adjuti, quos ipsi ex se promeruisse minimè confidunt, gradus, & dignitates in eadem Congregatione consequi valeant; sicque ejusdem Congregationis quietem, non sinè animarum suarum periculo perturbant. Nos malum hoc ab eodem Ordine, & Congregatione, cujus prosperum regimen, & incrementum ad Ecclesiæ Sanctæ utilitatem sinceris exoptamus affectibus, pro nostra Pastoralis sollicitudine propellere summo opere cupientes. Motu proprio, & certa nostra scientia, ac de Apostolicæ potestatis plenitudine, eos omnes, & singulos monachos dicti Ordinis, & Congregationis cujuscunque status, gradus, conditionis, præminentiae, qualitatis, & dignitatis existentes, qui de cætero ad Prælaturas, gradus, honores, dignitates, administrationes, functiones, & alia officia dicti Ordinis, & Congregationis assequenda intenti, ad Principum, & Prælatorum, ac aliarum quarumcunque personarum, tam secularium, quàm Ecclesiasticarum de gremio dictæ Congregationis non existentium, etiam Cardinalatus honore, ac quacunque seculari dignitate, & excellentia, etiam Imperiali, Regali, & Ducali fungentium favores recurrerint, vel etiam pactis, pollicitationibus, aliisque viis directè, vel indirectè, palàm, vel occultè ad Prælaturas, gradus, honores, dignitates, administrationes, functiones, & alia officia prædicta obtinenda aspiraverint, vel aliis minus legitimis & honestis rationibus ea obtinere quæsi verint, aut etià spontè oblati, & minimè conquisitis usi fuerint, illorumque complices, & fautores, ad quasunque Prælaturas, dignitates, & officia, gradus, honores, administrationes, & munera in ipsa Congregatione obtinenda, perpetuò inhabiles declaramus, ac obtentis per eos Prælaturis, gradi-

gradibus, bonoribus, dignitatibus, administrationibus, functionibus, & officiis hujusmodi eo ipso privamus, ac privatos vocetam activa, quam passiva carere decernimus, & declaramus, atque in virtute Sanctæ Obedientiæ, ac sub excommunicationis latæ sententiæ pœna omnibus dicti Ordinis, & Congregationis Superioribus, & Prælatiis quocunque titulo nuncupatis, etiam Præsidenti, & Patribus Diffinitoribus, & regiminum præsentibus, & futuris præcipimus, districteque mandamus, ne quempiam ullo tempore, precibus, literis, vel favoribus adducti, vel aliàs ad instantiam, seu requisitionem, vel contemplationem Principum, vel Prælatorum, aut aliorum quorumcumque, tam secularium, quam Ecclesiasticorum extrâ dictum gremium existentium, etiam Cardinalium, Imperatoris, Regum, Ducum, ad cujusvis generis Prælaturas, gradus, honores, dignitates, administrationes, functiones, & officia prædictæ Congregationis promoveri, vel pœnas aliquas remittere audeant, vel præsumant. Decernentes electiones, & promotiones ad Monasteria, Abbatias, seu Prioratus, vel officia dicti Ordinis, & Congregationis contrâ præsentium dispositionem (quod absit) quandocunque faciendas, & pro tempore obtentas nullas prorsus, invalidasque fore, & esse, nullisque viribus subsistere, ac omnes, & singulos in præmissis delinquentes, nulla alia monitione præcedente, & absquæ processu desuper habendo, sententias, & pœnas præmissas damnabiliter incurrisse legitime probandum, & omnino convincendum, solas præmissarum personarum instantias, preces, & favores etiam ore tenus porrectas plenam, & indubiam, & sufficientem in judicio, & extrâ fidem facere, nec ad id probationis alterius adminiculum requiri. Et ita per quoscunque Judices, & Commissarios quavis autoritate
 fun-

fungentes, etiam causarum Palatii Apostolici Auditores, & Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, interpretandi facultate, & auctoritate, judicari, & deffiniri debere, ac irritum quoque, & inane si secus super his à quoque quavis auctoritate scienter, vel ignoranter contigerit attentari. Non obstantibus quibuscunque Apostolicis, ac in Provincialibus, & synodalibus Conciliis editis generalibus, vel specialibus, Constitutionibus, & Ordinationibus, ac Ordinis, & Congregationis hujusmodi juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque indultis, & literis Apostolicis in contrarium quomodolibet concessis, approbatis, & innovatis, &c.

Datum Romæ apud Sanctum Marcum sub annulo Piscatoris die 27. Julii MDCV. Pontificatus nostri anno 1.

M. Vestrius Barbianus.

PAULUS PAPA QUINTUS

Ad perpetuam rei memoriam.


ALIàs per Nos accepto, quod quidam in Ordine Sancti Bernardi Congregationis Cisterciensium Italie professionis, & Regulæ, quam professi sunt penitus immemores, nimiaque dignitatum, & officiorum Ecclesiasticorum in dicta Congregatione consequendorum ambitione, ducti pro iis consequendis, Ecclesiasticorum, & secularium

rium Principum studia requirebant commendatitias literas, aliosque favores, & gratias, propterea expetebant, quibus adjuti, quos ipsi ex se promeruisse minimè confidebāt, gradus, & dignitates in eadem Congregatione consequi valerent, sicque ejusdem Congregationis quietem non sinè animarum suarum periculo perturbabant. Nos malum hoc ab eodem Ordine, & Congregatione pro nostra Pastoralis sollicitudine expellere summopere cupientes motu proprio, & ex certa scientia nostra, ac de Apostolica potestatis plenitudine eos omnes, & singulos monachos dicti Ordinis, & Congregationis cujuscunque status, gradus, ordinis, conditionis, præeminentiae, qualitatis, & dignitatis existentes, qui ex tunc de cætero ad Prælaturas, gradus, honores, dignitates, administrationes, functiones, & alia officia dicti Ordinis, & Congregationis assequenda intenti, & ad Principum, & Prælatorum, ac aliarum quarumcunque personarum, tam secularium, quàm Ecclesiasticarum de gremio dictæ Congregationis non existentium, etiam Cardinalatus honore, & quacunque seculari dignitate, & excellentia etiam Imperiali, Regali, & Ducali fungentium, favores recurrissent, vel etiam pactis, pollicitationibus, aliisque viis directè, vel indirectè, palàm, vel occultè ad Prælaturas, gradus, honores, dignitates, administrationes, functiones, & alia officia prædicta obtinenda aspirassent, vel aliis minùs legitimis, & honestis rationibus ea obtinere quæsiissent aut etiam spontè oblati, & minimè conquisitis usi fuissent, illorumq; complices, & fautores ad quascunque Prælaturas, dignitates, & officia, gradus, & honores, administrationes, & munera in ipsa Congregatione obtinenda perpetuò inhabiles declaravimus, & obtentis per eos Prælaturis, gradibus, honoribus, dignitatibus, administrationibus, functionibus,

& officiis hujusmodi eo ipso privavimus ; ac privatos esse
 voce , tam activa , quàm passiva carere decrevimus , &
 declaravimus : atque in virtute Sanctæ Obedientiæ , ac
 sub censuris latæ sententiæ pœna omnibus dicti Ordinis , &
 Congregationis Superioribus , & Prælatiis quocumque ti-
 tulo nuncupatis etiã Præsidenti , & Patribus Diffinito-
 ribus tunc præsentibus , & futuris præcipimus , districtè-
 que mandavimus , ne quempiam ullo tempore precibus ,
 literis , nec favoribus adducti , vel aliàs ad instantiam ,
 seu requisitionem , vel contemplationem Principum , vel
 Prælatorum , aut aliorum quorumcunque , tam secularium ,
 quàm Ecclesiasticorum extrà dictum gremium exi-
 stentium , etiã Cardinalium , Imperatoris , Regum ,
 Ducum , ad cujusvis generis Prælaturas , gradus , hono-
 res , dignitates , administrationes , functiones , & officia
 prædictæ Congregationis promoveri , vel pœnas aliquas re-
 mittere auderent , vel præsumerent , & aliàs , prout in
 nostris desuper in simili forma Brevis sub die 27. Julii
 1605. expeditis literis , quarum tenorem præsentibus pro
 expressis haberi volumus , plenius continetur . Nos , qui
 pro muneris nostri debito in hoc potissimum laborare non de-
 sistimus , ut Ecclesiastica , Regularisque disciplina pristi-
 no candori restituatur , ac hujusmodi ambitionis malum
 ne altius serpat , per amplius providere volentes , motu ,
 & scientia , & potestatis plenitudine similibus omnibus ,
 & singulis monachis dicti Ordinis , & Congregationis
 cujuscunque status , gradus , conditionis , præeminentiæ ,
 qualitatis , & dignitatis existentibus , ne de cætero ad
 Prælaturas , gradus , honores , dignitates , administrazio-
 nes , functiones , & alia officia dicti Ordinis , & Congre-
 gationis assequenda ad Principum , & Prælatorum , ac
 aliarum quarumcunque personarum , tam secularium ,

non existentium, etiam Cardinalatus honore, & quacumque seculari dignitate fungentium favores recurrant, vel etiam pactis, pollicitationibus, aliis viis, directe, vel indirecte palam, vel occulte ad Prælaturas, gradus, honores, dignitates, administrationes, functiones, & alia officia præfata obtinenda aspirent, vel aliis minus legitimis, & honestis rationibus ea obtinere quærant, aut etiam sponte oblatiis favoribus, & minimè conquisitis utantur. In virtute Sanctæ Obedientiæ, ac sub excommunicationis lætæ sententiæ pœna per contrasacientes ipso facto incurrenda, districtè præcipimus, mandamus, ac prohibemus. Non obstantibus &c.

Datum Romæ apud S. Petrum &c. Die 30. Martii 1613. anno 8.



I N D E X

Rerum præcipuarum, quæ in his
Constitutionibus con-
tinetur.

Primus numerus paginam, secundus
paragraphum notat.

A

ABBAS Generalis pag. 9. 2.
per totum. Vigilantia 9. 2.
Visitatio 10. 5. Sedes 13. 16.
Statum Congregationis, &
quomodo Superiores monaste-
riorum, & reliqui Officiales se-
gerant, cognoscat 9. 2. Majora,
quæ geruntur sibi reservet 10. 4.
Secretarium sibi eligat 11. 6.
Graviora Capitulo reservet 12.
10. Dilationem non ferentia
cum Assistentibus, & Procura-
tore generali expediat ibid. 11.
Capitulo Generali quantum
tribuere debeat ibid. 11. Capi-
tuli Generalis decreta quam
diligentissimè observari curet
ibid. 12. Parcus in ordinationi-
bus, & censuris ibid. 12. 14. De
assensu suorum Consiliorum
possit cogere Superiores sub pe-
na suspensionis ab officio ad
perolvendam summam pro gra-
vi negotio taxandam 13. 14.
Res novas non amet 12. 12.
Quæ ordinaverit quandiu vali-

tura sunt 13. 13. Casus aliquot
potest sibi reservare 13. 15. Ab-
solutio Vicarium relinquat, &
quem 11. 8. Officii sui duratio
13. 17. Si moriatur, aut qua-
vis ratione inhabilis fiat, quid
faciendum 14. 10. Quando con-
sensum inquirere debeat 4. 9. 8.
6. 12. 11. 14. 19. 18. 7. 21. 4. 29.
3. 25. 7. 118. 24. 120. 27. 121.
30. 124. 1. 127. 12. Quando con-
siliium 3. 4. 2. 3. 8. 6. 65. 7. 93.
5. 99. 4. 108. 2. 118. 23. 110.
27. 127. 13.

Abbas Generalis qualitates 166. 2.
Electio 168. 10. Absolutio ab
officio 158. 6. Scrutinium ibid.
Privilegia 15. 32.

Abbates titulares 26. 1. & seq.

Abnegatio sui 30. 1.

Absolutio à censuris in Capitulo
Generali omnibus Capitulari-
bus impertienda 155. 8.

Absolutio ab officio in Capitulo Ge-
nerali 155. 9.

Absolutio à reservatis 10. 1.

Abſtinentia à carnibus ſancita 83. 5.
 Carnium eſum nullus petat 84. 2.
 Hoſpitibus caro non appo-
 natur 98. 1. Viatoribus inter-
 dicitur 83. 5. Palàm, ſeu ſur-
 tivè carnes comedentibus pœ-
 na designatur 83. 6. Senibus,
 & omninò debilibus conceditur
79. 1.

Abſtinentia ab ovis, & lactici-
 niis quibus temporibus ſervanda
83. 2.

Acquiſitio bonorum ſtabilium 12. 11.

Aedificia qua authoritate extruan-
 tur, vel deſtruantur 12. 11. ca-
 rum exemplaria examinentur,
 & approbentur 25. 12.

Aetas admittendorum ad habitum
108. 2.

Alchymia 106. 2.

Alienationes à quibus concedendæ
12. 11.

Alleluja quibus temporibus dicatur
44. 1.

Altaria quomoddò venerari debeant
 fratres 38. 2.

Ambientium Pœnæ 131. 1. & ſeq.

Animalia ad delicias non permit-
 tenda 35. 6.

Apoſtaſia 66. per totum. Crimen
 graviffimùm 62. 1.

Arbiter honorarius nullus ſit 31. 4.

Artifex apud ſæculares non mitten-
 dus 106. 1.

Aſſiſtentium Seniorum officium, &
 qualitates 16. 1. & ſeq. Eorum
 electio 17. 1. & 16. 2. Ex diver-
 ſis Provinciis alternativè eli-
 gantur 17. 4.

Altero mortuo, vel inhabili factò,
 aut diutius abſuturo, qualiter
 debeat alius in ejus locum ſub-
 rogari 18. 7. Non poſſunt eligi
 in Superiores alicujus monaſte-
 rii 19. 8. Jurisdictione careant
 ibid. Quid præſtent in locis ubi
 præſident 19. 9.

Auratum nihil monachus habeat
36. 3.

B

B Alnea quibus, & quando conce-
 denda 79. 3.

Benedictionem exeuntes de mona-
 ſterio quomoddò accipiant, & à
 quo 138. 1. Superiores à nemi-
 ne ibid. Redeuntes ibid.

Beneficia Eccleſiaſtica extrà Con-
 gregationem nemo ambiat, aut
 procuret 131. 2.

Bona alicui monacho quomodocun-
 que donata, cui monaſterio ap-
 plicanda ſint 75. 5.

Breve confirmationis Conſtitutio-
 num 181.

Breve erectionis Reſormatorũ San-
 cti Bernardi 186.

Breve contra ambienties 197. 200.
203.

Butyrum pro oleo ubi, & quando
 concedatur 83. 2.

C

C Alcei quales, & quando mona-
 chis tribuendi 103. 4.

Camini in quorum cellis permittan-
 tur 51. 5.

Cantori omnes in choro pareant
43. 1.

Cantus ratio, quæ 44. 2. & ſeq.

Capituli Generalis deſcriptio 144.

Quid ſit 145. 1. Eius poteſtas
 ibid. 2. & ſeq. Quo tempore ce-
 lebretur 151. 1. Qui ad illud
 conveniant 146. 1. In quo loco
 convocandum 151. 1. Qua ra-
 tione anticipetur ibid. 2. Quo-
 modò prorogetur 152. 3.

Capitulum monaſterii quam autho-
 ritatem habeat 18. 2. Quibus
 diebus habendum 91. 1. Quo-
 modò in eo ſatisfaciendum pro
 culis

culpīs ibidem & seq.

Capſa communis quæ, & quid in ea
cuſtodiendum 22. 2.

Capſa Sacriſitiæ 49. 2.

Carnium victus Vide Abſtinentia

Caſtitas 32. 8. Hujus Voti rei quo-
modò puniantur 14. 19. 63.

Cafus reſervati 81. 1. Eorum abſo-
lutio 10. 3. 82. 8.

Cellulæ deſcriptio 50. 2. Ejus oſtium
foramen habeat 50. 3. Quando,
& quomodò in alienam ingredi
fas ſit 1. 6. Quando everri de-
beant 52. 9.

Cellerarius 68. 1. & ſeq.

Cerei quot in miſſis accendi 125. 6.

Chorum adire quomodò oporteat
38. 2. Ab eo nemo abſit 39. 1.
Extranei in eum non admit-
tendi 44. 1. Fallentibus in eo
pœna 91. 1.

Ciborum apponendorum genera 82. 1.
Simplicium 83. 1. Meſura
ibid. Aequalitas 84. 2.

Clerici quotiès communicent, &
conſiteantur 80. 4.

Cœna qua hora ſumenda 87. 2.

Collatio ſerotina, quæ, & qua ho-
ra ſumenda 86. 2.

Collatio ſpiritualis quando facien-
da 24. 7.

Communio ſacra 80. 1. 4.

Computa 72. 3.

Concionatores 116. 6. Exactam ra-
tionem eleemoſynæ perceptæ
tenentur reddere Superiori ſuo
ibid. 7. Si aliis quàm quadage-
ſimalibus cibis veſci indigent,
à Superiore locali licentiam pe-
tant ibid. Non poſſunt Superio-
res locales tempore Adventus,
& Quadrageſimæ concionari,
ſine licentia expreſſa ſui Viſi-
tatoris provincialis ibid. Appro-
bare Concionatores penès quē
ſit ibid. Nullus approbetur, qui
per curſum integrum ſtudiis
Philosophiæ, & ſacræ Theolo-

giæ non incubuerit ibid.

Conduſiones bonorum ſtabilium
in biennium, aut triennium
penès quem ſit 28. 2.

Confeſſarii Congregationis 81. 6. &
ſeq. A quibus approbari de-
beant ibid. Etiam approbati ab
Epiſcopo ſine licentia Superio-
rum confeſſiones non audiant
ibid. Præſumentium audire pœ-
næ deſignantur ibid.

Conſiteri ſacramentaliter quando
debeant Fratres 80. 4. 82. 8.
Sacerdoti extraneo Noſtris con-
ſiteri non licet 81. 2. In itinere
licet ibid.

Congregationis hujus nomen 129. 5.
Eam univerſam referunt Superio-
res 22. 1.

Conſcientiæ examē quando facien-
dum 11. 2.

Conſtitutiones pariunt concordiam,
& uniformitatem in Congre-
gatione 1. 2. Ad perfectionem
ſpiritualem comparandam per-
utiles 2. Quomodò faciendæ 5. 10.
Antè hac factæ abrogantur
ibid. Earum Interpretatio ad
quemnam pertineat 4. 9. Iis
non detrahendum 4. 8. Pœnæ
detrahentium ibid. In conven-
tu legendæ 5. 11. Eas quæ ad ſe
pertinent quiſque diſcat ibid.
Quomodo obligent ad pœnam
3. 2. Quando ad peccatum 1. 3.

Contractus quomodo faciendi 28. 2.
Converſi. Nulli in poſterum detur
habitus Converſorum 42. 4.

Coquinæ miniſterium ab omnibus
per vices exerceatur 27. 1. In
eo quod ſit Clericorum officium
ibid. 2. Superiores cum licebit
id quoque officium obeant ibid.

Correctio fraterna quomodò adhi-
benda 92. 2.

Crimina propter quæ Superiores de-
ponendi 14. 19. 25. 12. Propter
quæ quis cenſeri debeat incor-
rigibilis 64. 5.

Cuculla semper cingenda 102. 2.
 Culpa levis 54. 1. & seq. Pœnæ in
 eam 57. 10. & seq.
 Culpæ majores triplices 53. 2. Gra-
 vis ibid. & 56. 1. & seq. Pœnæ
 ejusdem 57. 3. Gravior 53. 3.
 & 58. 1. & seq. Pœnæ ejusdem
 60. 2. Gravissima 53. 4. 62. 1.
 & seq. Pœnæ 2. & seq.

D

D Ecernendi ratio in Capitulo
 Generali 162. 1. & seq.
 Declarationes Constitutionum 4. 9.
 Definitorum Capituli electio 158.
 2. Officium 159. 2. & seq.
 Deponendi Superiores propter quæ-
 nam crimina 14. 19. 23. 22.
 Depositu quodnam accipere non
 liceat in monasterio 31. 5.
 Disciplina verberum quando liceat
 corpus suum castigare 30. 2.
 Dispensare quonam modo possint
 Superiores in iis, quæ pertinent
 ad disciplinam, & communem
 victum 4. 7.
 Doctoratus lauream Nostri accipe-
 re non licet sine licentia Abba-
 tis Generalis 132. 2.
 Donati quomodo venire debeant ad
 chorum 42. 5. Eorum preces
 ibid. 4. Eorum vestitus 104.
 7. Novitiatus 120. 28. Profes-
 sio ibid. Jejunia 84. 8. Ubi ci-
 bum capiant 121. 29. Ordo in
 Congregatione ibid. Iisdem ci-
 bis vescantur, quibus reliqua
 Congregatio 84. 8. Cellerarii
 sint administri 76. 6. Omnium
 bonorum spiritualium Congre-
 gationis sint participes 121. 31.
 Iis defunctis quæ suffragia tri-
 buantur 126. 8. Nullo modo
 dent operam literis 49. 7. 96. 3.
 Qui libri eis permittantur 49.
 2. Sint assidue in opere 96. 3.

Ad professionem solemnem quo-
 modò admittantur 121. 30. Pro-
 fessio eorum ibid. Improbi, &
 insanabiles quomodo expellen-
 di 122. 32.

Dormire sine cuculla, caputio, aut
 discinctum non licere 52. 10.

Dormitorii candela, aut lucerna 51.
 8.

Dormitorium obseretur noctu, &
 clavis Superiori detur ibidem
 Quando everratur 52. 9. In eo
 placide ambulandum ibid.

E

E Difciorum majorum extru-
 ctiones 12. 11. 135. 8.
 Eleemosynæ quantitas 28. 2. 29. 4.
 Emphytheuticæ locationes, & con-
 ductiones penes quem sint 12.
 11.
 Emptiones stabiliū bonorum 12.
 11. 28. 2.
 Edificandorū monasteriorum exem-
 plaria 25. 12. 135. 1.
 Eremitica vita à quo, & qua cautio-
 ne permittatur in Congrega-
 tione 2. 2.
 Excommunicatio publicanda in die
 Palmarum 54. 4.
 Exercitia spiritualia 10. 3.
 Exeuntes de monasterio quid debeant
 facere 138. 1.
 Extraneus quis admitti possit ad ha-
 bitandum in monasterio 99. 2.
 Extraneis quæ loca monasterii mon-
 strari liceat 99. 4. Eos alloquen-
 tis monachi cautio 99. 5.

F

F Emoralia quot paria, qualia, &
 quando danda 103. 4. Et qua-
 lia Viatoribus ibid. 5.

I

Festi dies à Sancta Sede Apostolica
indicti, & indicendi celebren-
tur 41. 1.

Forma juramenti à Scrutatoribus
facienda 156. 2.

Forma juramenti in electione Ab-
batis Generalis præstanda 166. 2.

Fundationes, & acceptiones mona-
steriorum penès quem sint 12. 11.

Fundationes missarum, aut officio-
rum per parçè acceptentur 127. 12. 11.

Fundatoribus monasteriorum no-
stræ Congregationis quænam
gratia sit referenda 126. 10. 127. 11.

Furtum quodnam casus reservatus
sit in hac Congregatione 81. 7.

G

Galeri Viatoribus quales dandi
103. 5.

Galero quando uti liceat ibid. 5.

Gyrovagi 8. 6.

H

Habitibus, color, & ratio 102. 1.
Horæ canonicæ vide Officium
Horæ incompetentes à S. Benedicto
appellatæ quænam sint 96. 5.

Hospitibus mensa frugalis appona-
tur 98. 1. Nec sine lectione ibid.
Absint ab ea carnes ibidem. Il-
quandiu possunt in monasterio
retineri 99. 2. Quandiu possint
in refectorium admitti ibidem.
Hospitibus monachis nostris ex
aliena Provincia quid præben-
dum in refectorio ibid. 3. Ex
eadem Provincia ibid.

I Ejunii dispensatio in quibus festis
detur 86. 3. Singulis mensibus con-
cedatur monachis prandium,
seu cena in aula hospitem 87. 4.

Impedimenta, quæ prohibent reci-
pi in hanc Congregationem
108. 2.

Incorrigibilis quis censeatur 64. 4.
& seq. Quomodo puniendus
65. 6.

Infirmarii cautio circa infirmos 78. 2.

Infirmus quamprimum confessione
sacramentali se muniat 78. 1.
Quomodo Medicum consulat
ibid. Infirmary pareat ibid. 2.
Quomodo loquatur cum altero
ibid. Vestitus ejus 104. 6. Le-
ctus ibid.

Infirmorum simul accumbentium
mensæ lectio non desit 78. 2.

Inventarium faciat Officialis quis-
que rerum earum sibi commis-
sarum 71. 1.

Inventarium librorum faciendum
72. 2.

Inventaria omniū Officialium mo-
nasterii Superior habeat sepa-
ratim descripta 71. 1. Quæ in-
ventaria deferat ad Capitulum
Generale Superior quisque mo-
nasterii 148. 2. & seq.

Iter facientes monachi à jejuniis
regularibus dispensantur 82. 2.

A carnibus abstineant 83. 5.

Habeant literas commendati-
tias sul Superioris 138. 4. Alio-
quin non accipiantur ibidem.

Transseuntes per locum ubi est
monasterium Congregationis
quid debeant cavere ibid. Iis,

& quibuscumque fratribus pro-
deuntibus à monasterio non li-

cet ire aliò, quam quò Superior
concefferit 9.8. Eorum vestitus
103. 5.

Itineratio quatenùs permitten-
da 8.7.9.9.

L

Lectio mensæ quænam 80. 2. Se-
cundæ mensæ quando adhiben-
da ibid. 1.

Lectiōi destinatas horas ad oratio-
nem conferre liceat 96.4.

Lectio casuum conscientia bis in
hebdomada Sacerdotibus ha-
beat 48. 6.

Lectores Theologiæ moralis præter
quotidianam lectionem, ha-
beant etiam lectionem Sacrae
Scripturæ bis, vel ter in hebdo-
mada 47. 5. Iisdem concedun-
tur omnia privilegia, quibus
alii Lectores fruuntur ibid.

Lectores sacrae Theologiæ, ac Phi-
losophiæ, quibus privilegiis
fruuntur 46. 4.

Lectores sacrae Theologiæ quos tra-
ctatus edocere teneantur 46. 5.
Iisdem præcipitur communiores
& probabiliore edocere senten-
tias ibid. Si Lector deputatus
in studii principio, non fuerit
munus suum profecutus, quid
facere debeat Lector subroga-
tus ibid.

Lectores Philosophiæ teneantur trien-
nalis studii tempore, etiam Ethicam
edocere 48.

Lectulus qualis, & quomodo ster-
nendus 50. 4.

Liber capsæ communis qui 22. 3.

Liber prædiorum 22. 4.

Libri à monachis conscripti cujus
permisui possint 106. 1.

Libri cujusque prima pagina scrip-
tum habeat nomen monasterii,
cujus est 22. 1.

Libros vanos, aut obscenos nullus
attingat 48. 6.

Licentia discedendi à choro, aut
alio quovis cœtu fratrum, quo-
modo petenda 89. 2.

Licentia Superioris necessaria, ut
quis possit literas accipere, aut
mittere ad alium 100. 1. & seq.
Ut quis negotium aliquod qua-
tumvis pium procurandum sus-
cipiat 31.4. Ut accipiat aliquid
ab aliquo restituendum ei, cu-
jus est, aut in pios usus conse-
rendum, vel petat ibid. Ut ab-
sit à choro 19.3. Ut in cellulam
alienam ingrediatur 51. 6. Ut
ipsum usum rei cujuspiam ha-
beat, aut rem alteri det 75. 6.
Ut quid ferat in monasterium,
quò migrat 76.10. Ut bibat ex-
trà refectorium 85. 3. Ut petat
quicquam ab extraneo 101. 4.

Literæ fratrum, vide licentia Su-
perioris. Earum scribendarum,
& titulorum ratio 101.3. Pænæ
contrà scribentes sinè licentia
ibid.

Lites in foro vitandæ 70. 6.

Locationes bonorum qua autori-
tate faciendæ 28. 2. Cum præ-
judicio successorum non facien-
dæ ibid. 3.

Locutoria monasterii 34.1. loqui in-
ter se quādo & ubi liceat. ib. 2.

Ludus monachis interdicitur 35. 6.
64. 5.

M

Magister Novitiorum 114.14.
115. 12. Ejus officium ibid.

Meditationis publicæ tempora 31.6.

Mensa qualis, & quomodo sternen-
da 36. 2. Ad ejus benedictio-
nem tardiùs venientis pœna
89. 2. Eam jure, aut vino effu-
so imprudenter sedantis pœ-
nitentia 87. 5.

Mentientis ut admittatur in Congregationem pœna 109. 3.

Missa celebrandæ ritus 125. 6. Conventualis quotidie celebretur pro Congregatione 126. 8. Quotidie dicatur à quolibet Sacerdote 125. 7. Ab omnibus non Sacerdotibus quotidie audiatur ibid. Possit à quoque Sacerdote ad arbitrium devotionis ejus celebrari semel in hebdomada ibid.

Missa prima novi Sacerdotis quomodo celebranda 125. 7.

Missarum onera perpetua quam minime accipienda 127. 12.

Mixtum quid sit in hac Congregatione 78. 3.

Monachus quisque initio cujusque mensis Superiori significet omnia sibi ad usum concessa 74. 3. Coronam, Agnus Dei, & alia hujusmodi non habeat suprâ duorum juliorum pretium 36. 3. Ejus sermones qua de re non sint 34. 3. 4. Quomodo petat quod sibi semel negatum est 76. 9. Quid faciat cum aliqua re extraordinaria sibi opus esse putet 75. 8. Ei defuncto quibus suffragiis subveniendum 126. 8. & seq.

Monachi aliorum Ordinum exceptis nostris Cisterciensibus, nullo modo recipiantur 123. 1. Nostrî Ordinis Cisterciensis, nisi cum dispensatione Abbatis Generalis non suscipiantur ibid.

Monasteria nostra simplicis structuræ sint 37. 4. Qua forma sint ædificanda 135. 3. Cujus auctoritate dissolvenda ibid. Quos monachos habere minimum debeant 2. 3.

Monere Superiorem cujus sit 29. 5.

Mulierem non alloquatur monachus nisi socio fratre vidente, & audiente 30. 3.

Munera ad quemcunq; monachum

missa tradantur Superiori 101. 4. Eorum largitio fiat juxta decretum Clementis VIII. ibid.

N

Necessaria cuique dentur 75. 6. Nomen Congregationis 129. 5. Nomina fratrum 130. 7.

Novitiatus monasteriorum 114. 13. Ejus Superior 114. 14. Quomodo monasterio succurratur 114. 13.

Novitii ad quæ maximè instituendi 115. 16. Corona monachali careant 116. 19. Quinam hinc excipiuntur ibid. Ad Ordines nullo modo promoveantur 117. 20. Eorum habitus 104. 7. Quenam facere debeant antè professionem 117. 20. De eorum dimissione 117. 22. Dimittendi causa ibid. Si quis eorum spontè discedere velit quid faciendum 118. 23. Professio eorum 118. 24. Post professionem per triennium sint sub eadem disciplina novitii, vel ad Professorum mittantur 120. 27.

O

Obedientia quam studiosè præstanda 32. 1. & seq. Ea qui negligenter defungitur, aut qui conatur ei se subducere graviter puniendus 33. 4. Præstanda Officialibus in iis, quæ ad eorum officium pertinent 32. 1.

Obstinatum in peccato coercere cujusnam sit 65. 6.

Officiales monasterii à Superiore eligendi 133. 1. Superior præcipue in parvis monasteriis potest obligare sub præcepto obedientie

tiæ subditos ad exercenda officia ipsis imposita 134. 2.

Officii decantandi ratio, & ordo 14.

1. & seq. Ejus celebrandi signū dare cuius sit 94. 1. Ejus celebrationi nemo desit 106. 1. Id tardiùs obeuntis pœna 89. 1. & seq. Ab eo, qui excusatur à choro, quomodò recitandum 39. 3.

Opus manuum 95. 1. Ei lectio libri spiritualis adhibeatur 95. 2.

Ordinatio quid sit 5. 10.

Ordo Superiorum, & Officialium Congregationis 128. 1. & seq. Monasteriorum Congregationis 153. 3. Fratrum 128. 3. Processionis in Capitulo Generali 153. 2.

Ordinum suscipiendorum potestatem facere cuius sit 124. 1. Quæ ratio mittendi ad eos ibid. & seq. Examinentur suscepturi ibid. 7. Serventur interstitia ibid. 3. Pœna in ambientes Ordinum susceptionem 125. 5.

Ordinis alterius Professi non admittantur exceptis Cisterciensibus 123. 1. Neque qui fuerint novitii, vel ad modicum tempus 108. 2.

Organa permittantur 44. 4.

Ornamenta Ecclesiæ nitida sint 37. 6.

P

P Allium viatoribus monachis quale concedatur 103. 5.

Panis genus, & mensura quænam permittantur 83. 4.

Paupertatis observatio 36. 1. Vide proprietates, & suppellex.

Pecuniam apud se ne Superior quidē habeat 76. 10. Ubi & quomodò servanda sit in monasterio 72. 3. Eam quando tantū habere, & expendere liceat 26. 10.

Perfectioni spirituali quanta contentione studendum 141. 1.

Permutationes bonorum stabilium penes quem 12. 11.

Pileus laneus quomodò, & quando gestandus 103. 5.

Pluralitate vocum omnia in Capitulo Generali decernuntur 5.

10. 162. 1. Ea quomodò intelligenda ibid.

Pœna Vide culpa.

Portæ cella 135. 2.

Portarius, & ad ejus officia pertinentia 135. 1. Is literas Superiori tantū tradat ibid.

Postulantes recipi in Congregationem, quæ res prohibean 108. 2. Eos examinandi ratio 110. 5. & seq. Eos admittere penes quem sit 111. 10. Quid faciant ut primum admissi sunt 112. 11. & seq. Vestibus, & aliis quæ ferunt quid faciendum 113. 12. Ubi & quomodò induendi sint habitu religioso ibid. & 13.

Preces tempore Capituli in omnibus monasteriis persolvendæ 150. 3. Antè & post cuiusque confessus Capituli 177. per totum. Suprà electum Abbatem Generalem 181. In clausula Capituli 182.

Præceptum Superioris quomodò accipiendum 33. 2. In virtute sanctæ obedientiæ à quibus fieri debeat 3. 4. 3. 6. 134. 2. Scripto fiat cum subscriptione à faciente, & ab approbantibus 3. 6. In obedientialibus literis adhibeatur 3. 4.

Præcipua agenda in monasterio, quæ sint 28. 2.

Præpositi nomen quis intelligatur 133. 1.

Præsidis Capituli Generalis electio 158. 6.

Prioris in Prioratu potestas eadem, quæ Abbatis, quibus exceptis 132. 4.

Processiones generales quænam tantum obeantur à nostris 136. 5.
 Processio Capituli Generalis quomodo instituenda 153. 2. Post electum Abbatem Generalem 180. In clausula Capituli 182.

Proclamatio in Capitulo quomodo facienda 92. 2.

Procurator generalis, & ejus officium, & habitatio 21. 1. & 2. Quomodo in rebus gravioribus procurandis se gerat ibid. 3.

Ejus electio 172. 1. 21. 2. 3. Ordo inter Officiales 128. 2. Rationem reddat administrationis suæ 159. 1.

Procurator sæcularis si videbitur Superiori potest constitui 70. 6. Ejus conditio, officium, & habitatio ibid.

Professio Novitiorum 119. 26.

Professi alterius ordinis non admittantur. Vide Ordinis alterius.

Proprietatis vitium quomodo puniendum 74. 2.

Provinciæ quomodo ordinandæ, & erigendæ 147. 5. 153. 3.

Q

Quadragesimalis abstinencia quando incipiat 97. 1.

R

Recurfus ad forum sæculare, vel Ecclesiasticum 33. 7.

Redeuntes in monasterium monachi quid facere debeant 128. 2. 3. 4.

Refectionis hora pro varietate temporum 86. 1. 2. Ejus ineundæ, & absolvendæ ritus 87. 6.

Regulæ Sancti Benedicti caput recitandum in omni Capitulo 137.

Reliquiæ Sanctorum quomodo servandæ 94. 3.

Reverentia Superioribus, & Majoribus exhibenda 130. 2.

Rituale novum 38. 2.

S

Sacerdos Vide Missa. Missæ ceremonias servet adamussim 125. 7.

Sacrista ex ordine Sacerdotum sit 94. 1.

Satisfacere Vide Capitulum monasterii.

Scripturæ, & Instrumenta Congregationis à quo servantur 72. 2. Eorum copiæ ibid.

Scripturæ cujusque monasterii quomodo servandæ ibid.

Scrutatores in Capitulo Generali qui sint 156. 2. 158. 5. Qua forma jurent 156. 2.

Secretarius Abbatis Generalis 116. Superioris monasterii 73. 5. Capituli Generalis quomodo eligatur 156. 1. Ejus officium ibid. Sit etiam scrutator 158. 5.

Seniores Assistentes Vide Assistentes.

Seniores monasterii qui sint 29. 5.

Sententia quomodo dicenda in Capitulo Generali 62. 1. & seq.

Sepultura in Ecclesiis nostris quibus concedenda 137. 13. Nullus in sepulcro fratrum condatur ibid.

Silentium quibus locis servandum 28. 1. Quibus temporibus ibid.

Simplicitas in Breviariis, Crucibus, & aliis rebus servanda 36. 2. 3. & seq.

Stabilis sit quisque in monasterio suo 8. 6.

Studentes operis manuum immunitatem habeant 46. 3. Omni humilitate, & charitate Lectoribus suis obsequantur ibid. 5.

Qui ausus fuerit cum Lectore altercare, aut in eum aliquid moliri, vel eidem detrahere quomoddò puniatur ibid. Quotidianæ recreationis tempore de suis lectionibus differant, disputent, & argumententur ibid.

Studiorum ratio quæ 46. 5.

Suffragiis secretis omnia decernantur in Capitulo Generali 162. 3.

Quandò id fieri debeat in cuiusq; monasterii capitulo 28. 2.

Supellex omnis monasterii qualis esse debeat 36. 2. & seq. Cellarum 50. 4.

Superiores in Capitulo Generali eligendi 23. 1. Aliis præluceant virtute 9. 1. Æqualitatem cum aliis fratribus in omni re servant 23. 3. Eorum qualitates 24. 4. Quibus diebus sermonem sint habituri ibid. 6. Eorum officium ibid. 7. & seq. Propter quæ crimina deponendi sunt 25. 12. Eorum potestas 132. 4. Mensam habeant cum fratribus communem 105. 1. Quam facultatem habeant largiendi de rebus monasterii, & dispensandi cum fratribus 29. 4. In gravissimis prænīs constituendis consulant Visitatorem provincialem, aut Abbatem Generalem 91. 5. Quid terre debeant ad Capitulum Generale 148. 7. Quid reliquendum ab eis antè discessum ad idem Capitulum 149. 8. Si moriantur, aut inhabiles fiant, quid faciendum 25. 11. & 147. 4. A quibus admonendi sint 29. 5.

Supprior à Priore eligendus 133. 1. Ejus officium, & autoritas ibid. 4. & seq. Pro Priore mortuo non veniat ad Capitulum Generale 147. 4.

Surrectio matutina quomoddò fieri debeat 18. 2.

T

Tituli personarum Congregationis 129. 5. & seq.

Tonsura capitis quando facienda, & quomoddò 7. 5.

Transitus ad aliam Religionem quomoddò liceat 65. 7.

Translatio fratrum 8. 6. 120. 27. & 28.

V

Venditiones bonorum stabilium penès quem sint 28. 2.

Vestiarium, & quid in eo seryandum 104. 8.

Vestitus. Vide Habitus.

Viatores. Vide Iter facientes.

Vigilias post Completorium quatenus liceat producere 29. 4.

Vini mensura qualis 85. 1. In necessitate major esse possit ibid. 2. Dilutum aqua bibatur ibid. 5. Eo abstineri quando liceat ibid. 2.

Visitatores generales quales esse debeant 19. 1. Eorum munus ibid. Eorum visitatio ibid. 2. Eorum præcedentia 20. 3. Eorum electio 172. 1. & 20. 5. Sumpsum visitationis sustineant monasteria visitanda 20. 7. Pro eundo ad Capitulum Generale, & redeundo providendum est à suis respectivè Provinciis ibid. 7. Acta visitationum quibus referenda ibid. 7.

Visitatorum provincialium electio 173. 5. 6. & 22. 2. Non præsent ulli monasterio 22. 1. Eorū officium, & autoritas ibid. 3. & seq. & 13. 14.

Visitentur sæculares rarissimè 30. 3. Vota. Vide suffragia.

Errata.

Pagina 37. linea 16. tantum, adde, ædificia. P. 42. l. 20. totidem, lege totidem. P. 55. l. in. 3. in quo, in quæ. P. 75. l. 2. ab ea, ab eo. P. 96. l. 6. manuum, continuo otium, manuum continuo otium. ibid. l. 9. Grammaticas, Grammatices. Ibid. l. 21. quantum, quantumvis. P. 99. l. 23. regularium, regularia. P. 100. l. 21. missas, adde, ad se. P. 102. & ad Regulæ, & ad hoc Regulæ. ibid. l. penult. cinta, cincta. Pag. 103. l. ult. detur, dentur. P. 104. l. 22. in lineam rectam. Adde, ex utraque parte desinentis additamento tantum. P. 106. l. 16. Pastoralis, Pastoralis. ibid. l. 22. Declarantes, declarantes. P. 108. l. 3. ætas major, adde, aut minor. ibid. l. 24. laborat, laboret. P. 109. l. 7. Clericum quidem, adde, ad statum Donatorum deiicere, aut &c. Ibid. l. 9. adde, Donatum autem ad vilissima quævis ministeria semper abiicere, aut etiam Donatorum postremum constituere, aut alia gravi pœna castigare ad arbitrium Abbatis Generalis. ibid. l. 11. sit, dele, siue non. P. 110. l. 10. impedimenta, impedimentorum. ibid. l. 18. in donatis, adde, futuris quod artificium calleant, quæ prudentia &c. Ibid. l. 19. calleant, valeant. P. 111. l. 10. cum, eum.

